

ঐতিহাসিক উপন্যাস ।

৩২ Oc. ১৯৪১ ।

শ্রীভূদেব মুখোপাধ্যায় কর্তৃক

প্রণীত ।

পঞ্চম সংস্করণ ।

ছগলী

বুধোদয় যন্ত্রে

— শ্রী বাশীনাথ ভট্টাচার্য্য দ্বারা

মুদ্রিত ।

স. নং ১২৯১ সাল ।

মূল্য ১০ আট আনা ।

ঐতিহাসিক উপন্যাস ।

সফল স্বপ্ন ।

প্রথম অধ্যায় ।

একদা কোন অশ্বারোহী পুরুষ গান্ধার দেশের নির্জন বনে ভ্রমণ করিতেছিলেন । ক্রমে দিনকর গগনমণ্ডলের মধ্যবর্তী হইয়া খরতর কিরণ-নিকর বিস্তারদ্বারা ভূতল উদ্ভণ্ড করিলে, পথিক অধ্বশ্রমে ক্লান্ত হইয়া অশ্বকে তরুণ তৃণ ভক্ষণার্থ রজ্জু-মুক্ত করিয়া দিলেন এবং আপনি সমীপবর্তী নির্ঝর তীরে উপবিষ্ট হইয়া চতুর্দিক নিরীক্ষণ করিতে লাগিলেন । দেখিলেন স্থানটি ভয়ানক এবং অদ্ভুতরসের আস্পদ হইয়া আছে । নিবিড় বনপত্রে সূর্য্যকিরণ প্রায় সর্ব্বতোভাবেই আচ্ছাদিত ; কেবল স্থানে স্থানে কিঞ্চিৎ কিঞ্চিৎ প্রকাশমান মাত্র । বৃক্ষগণ আত

দীর্ঘ । কাহার কাহার গাত্রে একটিও শাখা-
 পল্লব না থাকাতে বোধ হয় যেন, উহার
 উপরিস্থ পর্ণচন্দ্রাতপ ধারণের স্তম্ভ হইয়া
 আছে । অদূরে বন-হস্তিগণ স্ত্রীতল ছায়া-
 তলে স্রষ্টি স্রুখানুভব করত প্রকাণ্ড প্রকাণ্ড
 বনতরুর পার্শ্বে দণ্ডায়মান হইয়া আপনা-
 দিগের অপেক্ষাকৃত খর্ব্বতা প্রমাণ করি-
 তেছে । ফলতঃ বিধাতা নিভৃত নির্জন
 কাননে, অথবা নির্গম গিরিশিখরেই সৃষ্টির
 পরম রমণীয় শোভা সমস্ত সংস্থাপিত করিয়া
 থাকেন । সেই মনুষ্য-সম্বন্ধবর্জিত, নিঃশব্দ,
 শান্ত-রম্যাম্পদ স্থানে নানা অদ্ভুত বস্তু সন্দর্শন
 হওয়াতে মন অবশ্যই ভল্লি শ্রদ্ধা ও ঔদার্য্য
 গুণ অবলম্বন করিয়া সেই মহেশ্বর্য্যশালী
 জগৎকর্তার সন্নিধানে নীত হয় ।

অনুমান হয়, পৃথিক তাদৃশ উদারভাবে
 নিমগ্ন-চিত্ত হইয়া ধ্যানাবলম্বিতের ন্যায় সম্মু-
 খস্থ নিব্বারের প্রতি একদৃষ্টে নিরীক্ষণ করিতে
 ছিলেন । এমত সময়ে হঠাৎ সমীপবর্তী
 ক্ষুদ্রশাখী সমুদায় প্রবল বেগে সমালোড়িত,

তাৎ অরণ্য গভীর গর্জনে শব্দায়মান এবং পথিকের অশ্ববর এক প্রকাণ্ড সিংহের পদাঘাতে ভূতলশায়ী হইল। পথিক নিমিষ-মধ্যে সিংহের সর্গাপবর্তী হইয়া নিকোষিত করবাল দ্বারা এক এক আঘাতেই তাহার পশ্চাৎ পদদ্বয়ের শিরাচ্ছেদন করিলেন। যুগরাজ ছিন্নপদ হওয়াতে চলৎশক্তি রহিত হইয়া অশ্বকে পরিত্যাগ করিল। কিন্তু অশ্ব তাহার দারুণ পদাঘাতে একান্ত আহত এবং নখর বিদারণে জর্জরীভূত হইয়াছিল। অতএব ক্ষণমাত্র পরেই প্রাণত্যাগ করিল। সিংহ অতিশয় ভয়ঙ্কররূপে গর্জন করিতেছিল—তাহার চক্ষুদ্বয় তেজে উদ্দীপ্ত এবং কেশর উখিত হইয়াছিল—কিন্তু সেই ক্রোধ কোন কার্যকারী হইল না। পশু সম্মুখের দুই পারের উপর ভর দিয়া ক্রমশঃ অগ্রসর হইতেছে দেখিয়া, পথিক নির্ভয়ে গমনপূর্বক তাহার মস্তকে ঘড়গ প্রহার করিলেন; দ্বিতীয় আঘাতেই পশুরাজ আর্ভনাট করিয়া প্রাণ পরিত্যাগ করিল।

পথিক বাহন বিনাশে নিতান্ত ক্ষুব্ধ-চিভ হইলেন। কিন্তু কি করেন, অপ্রতিবিধেয় দুঃখে দুঃখী হওয়া অকর্তব্য, বিশেষতঃ মধ্যাহ্ন বহুক্ষণ অতীত হইয়াছে, দিবা ভাগ থাকিতে থাকিতেই পদভ্রজে অরণ্য উত্তীর্ণ হইতে হইবে, এই বিবেচনা করিয়া বাজিপৃষ্ঠে যাবৎ পাথের দ্রব্য সামগ্রী ছিল সমুদায় স্ত্রীর স্বন্ধে আরোপণ করত দ্রুতবেগে গমনোন্মুখ হইলেন। বহুক্ষণ কাননের কুটিল পথে গমন করিয়া একান্ত ক্লান্ত হইয়াছেন, এমত সময়ে সম্মুখে এক বিস্তীর্ণ প্রান্তর দৃষ্টিগোচর হইল। অগ্রসর হইয়া দেখেন প্রান্তর মধ্যভাগে এক নবপ্রনৃতা হরিণী স্ত্রীর শাবক সমভিব্যাহারে ভূণ ভক্ষণ করিতেছে। পথিক সত্বরপদে আসিয়া অনতিবেগবান্ সন্যোজাত সেই হরিণ শিশুকে গ্রহণ করিলেন। ভয়বিহ্বলা হরিণী াণভয়ে পলায়ন করিল। মুগ্ধরা সকল হওয়াতে পথিক মনে মনে ভাবিলেন, এইক্ষণে উত্তম উপযোগ দ্রব্য পাইলাম, কাননে রাত্রি যাপন করিতে হইলেও হানি নাই। 'এই

ভাবিয়া ছুটচিভে মুগশাবকের পদে রজ্জু বন্ধন করিয়া লইলেন, এবং প্রান্তর পরিত্যাগ করিয়া পুনর্ব্বার অটবী-মধ্যে 'প্রবেশ' করিলেন । পরে ভক্ষ দ্রব্য প্রস্তুত করণের বথা-বোগ্য স্থান প্রাপ্ত হইয়া হরিণ-শিশুকে একটা বৈদ্যুতায়ি-শুক বৃক্ষমূলে স্থাপন করত 'তাই স্থানি শুককাষ্ঠ ঘর্ষণদ্বারা অগ্নি প্রজ্জ্বালিত করিলেন । অনন্তর অসি ধারণপূর্ব্বক মুগশাবকের প্রাণবধে উদ্যত হইয়াছেন, দৈবাৎ অদূরে দণ্ডায়মানা মুগমাতার প্রতি নেত্রপাত হইল । আহা ! পশু জাতির মধ্যেও অপত্য স্নেহ কি প্রবল ! হরিণী উন্নতমুখী হইয়া জলধারাকূন লোচনে পথিকের প্রতি নিনিমেষ দৃষ্টি করিয়া রহিয়াছিল । পরে, ক্ষণে স্বীয় শাবকের প্রতি এবং ক্ষণে পথিকের প্রতি মকরণ দৃষ্টিপাত করিতে লাগিল । ক্রমে ক্রমে এক এক পা করিয়া শাবকের সমীপাগত হইলে, পথিক . কিঞ্চিৎ অপসৃত হইয়া দাঁড়াইলেন । হরিণী এক লক্ষ্মে শাবকের সন্নিহিত হইয়া তাহার অঙ্গ স্পর্শ

করিল এবং পার্শ্বে শয়ন করিয়া নানা প্রকারে স্পষ্টরূপে আনন্দ প্রকাশ করিতে লাগিল । পথিক পুনর্ব্বার নিকট গমনের উপক্রম করিলেন । হরিণী অমনি দীর্ঘলক্ষ্য প্রদান করিল । কিন্তু অকৃত্রিম স্নেহ-বন্ধন প্রযুক্ত পলায়ন করিতে পারিল না—পূর্ব্ববৎ অপত্য-বিরহ-বিষাদ প্রদর্শন করিতে লাগিল । পশু-যোনিতে ঐদৃক মানুষ-সদৃশ বাৎসল্য ভাব অবলোকনে কাহার মনে সত্ত্ব গুণের উদয় না হয় ? পথিক কারুণ্যরসের প্রাচুর্য্যে বিচলিত হইয়া কুবাক্ষর, কোমলাক্ষ, হইতে বন্ধন মোচন করত অপার পবিত্র আনন্দানুভব করিলেন । মৃগশাবক মুক্ত হইয়া অতি শীঘ্র মাতৃসম্বিহিত হইল এবং সিদ্ধ-মনোরথ হরিণী তৎক্ষণাৎ আনন্দধ্বনি করিয়া প্রস্থান করিল । কিন্তু শাবক সমভিব্যাহারে অটবী মধ্যে প্রবেশ করিবার পূর্ব্ব, এক বার সন্তানের জীবন-রক্ষিতার প্রতি সজল দৃষ্টিদ্বারা কৃতজ্ঞতার চিহ্ন প্রকাশ করিয়া গেল ।

ধর্ম্মাত্মা পথিক এইরূপ সদাশয়তা প্রকাশ
 দ্বারা অতীব চিত্ত-প্রসাদ লাভ করিলেন ।
 জীবন অপেক্ষা ইহলোকে অধিকতর প্রেমা-
 স্পন্দ পদার্থ আর কি আছে ? । বিশেষতঃ
 নিকৃষ্ট জীবগণ অপরিণামদর্শী ও ইন্দ্রিয়-
 প্রীতিপরায়ণ । এই জন্ম জিজীবিস্বাভি
 পশ্বাদির মধ্যে অপেক্ষাকৃত প্রবল থাকে ।
 হায় ! তাহারা কি নির্মূণ, যাহারা অকারণে
 কোন প্রাণীর জগদীশ্বর প্রদত্ত সর্ব-সুখ-
 নিদান প্রণাপহরণ করিয়া আপনাদিগের
 চিত্ত-কলুষিত করে । সাত্ত্বিক কন্মের কি
 অনির্ব্বচনীয় মহিমা ! অনুমান হয়, পবিত্র-
 চিত্ত ধর্ম্মাত্মার অন্তঃকরণে জগদীশ্বর স্বয়ং
 অধিষ্ঠিত থাকেন, স্ততরাং সৃষ্ট প্রাণি-
 মাত্রের প্রতি তাঁহার হিংসা দ্বেষ ক্রোধাদি
 ভাব অপনীত হইয়া সর্বতোভাবে বিশ্বাস
 জন্মে । দেখ, পথিক কুরঙ্গ শাবককে মোচন
 করিয়া অবধি সেই ভয়াবহ গহনবনকে
 প্রার্থনীয় পূণ্যতীর্থ বোধ করিয়া স্থানান্তরে
 রাত্রি যাপনের মানস পরিত্যাগ করিলেন

এবং পাথেয় তণ্ডুলের কিয়দংশ হইতে যথা কথকিৎরুপে অন্ন প্রস্তুত করিয়া ক্ষুধাশান্তি করত অতীব তৃপ্তিলাভ করিলেন ।

রাত্রি উপস্থিত হইল । স্তম্ভাংশু মণ্ডল-নিঃসৃত জোৎস্না রাশি মন্দ মন্দ সমীরণে সঞ্চালিত মহীরুহগণ কর্তৃক সহস্র সহস্র খণ্ডে বিকীর্ণ হইয়া নৃত্যকারী বন দেবতাগণের আলৌকিক অঙ্গ-প্রভারন্যায় প্রতীয়মান হইতে লাগিল । এবং শুষ্কপত্র পতনের মর মর শব্দ, নির্ঝরের বার বার ধ্বনি ও রাত্রিচর পশুগণের গভীর নিনাদ সমুদায় মিলিত হওয়াতে বোধ হইল যেন জগদবান্ধব বৃন্দ্যের মধ্ব লয়সঙ্গতি হইতেছে এবং উহারই মোহিনীশক্তিপ্রভাবে যাবতীয় জীব একে-বাবে স্তম্ভ-শক্তি হইয়াছে ।

পার্শ্বক বৃক্ষমূলে পৰ্ণশয্যায় শয়ন করিয়া পথ পরিশ্রম বশতঃ শীঘ্রই নিদ্রাভিভূত হইলেন । কিন্তু দিবাভাগে যে সমস্ত ঘটনা ঘটিয়াছিল তদ্বারা চিত্ত-চাক্ষুণ্যের প্রাতুর্ভাব হওয়াতে তিনি নিদ্রাবস্থায় একটা আশ্চর্য্য

স্বপ্ন দর্শন করিলেন । তিনি দেখিলেন, মুগাঙ্গ-মণ্ডল হইতে জ্যোতির্শয় দেবমূর্তি অবতীর্ণ হইয়া তাঁহার সন্মুখীন হইলেন । পরে ক্ষণকাল তাহার প্রতি মহাস্থাননে এবং শুন্নিধ্ব'নয়নে দৃষ্টি করিয়া কহিলেন—
 “রে বৎস ! তুমি অদ্য অতি স্ক্রুত করিয়াছ, অতএব যিনি নিকৃষ্ট উৎকৃষ্ট সমস্ত জীবকে সমভাবে স্তম্ভ ভুগুভাজন করিয়া স্কট করিয়াছেন, সেই পরাৎপর পরমাত্মা তোমার প্রতি তুষ্ট হইয়াছেন, এবং তাঁহার অন্তঃস্থ বশাৎ তুমি আচরে গঙ্গনন্ নগরের অধিপতি হইবে, কিন্তু দেখিও, যেন প্রভুস্বমদে মত্ত হইয়া নিজ নৈসর্গিক দয়া দাক্ষিণ্য বিবর্জিত হইও না, অদ্য পশুযোনির প্রতি বাদৃশ সদয়তা প্রকাশ করিয়াছ, যাবজ্জীবন নরলোকের প্রতিও তাদৃশ ব্যবহার করিও” ।

এই বলিয়া দেবমূর্তি অন্তহিত হইলে পথিকের নিদ্রাভঙ্গ হইল । নেরত্রোন্মীলন করিয়া দেখেন নিশা অবসান হয় নাই । গগনমণ্ডলে নক্ষত্রমণ্ডল পরিবেষ্টিত অগ্নান-

কিরণ দ্বজরাজ বরাজ করিতেছেন । কিন্তু তাদৃশ স্বপ্ন দর্শনে পথিক এমত চঞ্চল-মনা হইয়াছিলেন যে, আর নিদ্রাবেশে নেত্র নিমীলিত করিতে পারিলেন না । পর্ণশয্যা হইতে উখিত হইয়া করতলে কপোল বিঘ্নাস পূর্বক হিমাংশুর ব্যোমান্ত অবলম্বন প্রতীক্ষা করিতে নাগিগোন । দেখিতে দেখিতে নভো-মণ্ডল ঈষৎশুরুান্বব ধারণ করিল, চন্দ্রমা মুখ লান হইল, এবং দূরস্থ গিরি শৃঙ্গ সমুদায় হইতে কুজ্ঝাটিকারাশি উখিত হইয়া দিগ্গণ্ডল প্রচ্ছন্ন করিল । ক্রমে পূর্বদিক কিঞ্চিৎ প্রকাশ হইল—পরে সহস্রাংশুর তীক্ষ্ণ রশ্মি সমুদায় কুজ্ঝাটিকা জাল বিদীর্ণ করিয়া বন-মধ্যে প্রবেশ করিল—দূরস্থ মহীধর শৃঙ্গসকল প্রকাণ্ড প্রকাণ্ড অগ্নিরাশিপ্রায় উদ্দীপ্ত হইয়া উঠিল—নীহারমণ্ডিত বৃক্ষগণের পত্রবিটপাদি বালাতপ সংযোগে বিচিত্র বর্ণ ধারণ করিল—এবং শিশির-সিক্ত শম্পশয্যা বেন, রাত্রি-বিহারী বন-দেবীগণের পরিচ্যুত অঙ্গাভরণ বিভূষিত হইয়া তাদৃশ চাক্চ্যক্যশালী হইতে

লাগিল—তথা প্রশস্ত পত্র মাত্রেই পবিত্র
অমুভারে অবনত হইয়া সহৃদয় ব্যক্তির ন্যায়
সদগুণাধার বশতঃ নিজ নিজ নহিতা স্বীকার
করিতে লাগিল । ক্রমে ক্রমে মন্দ মন্দ
মারুত-হিল্লোলে অথবা রবিরশ্মি সংযোগে
যে বাহার আপনাপন শোভা—কেহ বা
পৃথিবীতে অভিসেক করিল, কেহ বা স্বর্গা-
ভিমুখে প্রেরণ করিল—করিয়া, সকলে শান্তি-
প্রদ হরিদ্বর্ণ ধারণ করিয়া রহিল ।

পান্থ প্রাতকৃত্য সমাপনানন্তর শুষ্ক
পত্রাদি সংযোগে অগ্নি জ্বালনপূর্বক পূর্ব-
দিবসেন্ন ন্যায় অন্ন পাক করিয়া প্রাতরাশ
সম্পন্ন করিলেন । পরে পাণ্ডেয় দ্রব্যসামগ্রী
সমুদায় স্বন্ধে আরোপণ করিয়া ভূতলে জানু
পাতনপূর্বক আন্তরিক ভক্তি সহকারে সংঘত-
মনোরুভি হইয়া স্বীয় ধর্মের শাসনানুযায়ী
পুণ্যধাম মন্দির প্রত্যভিমুখে ঈশ্বরারাধনা
করিয়া পুনর্বার গমনোদ্যত হইলেন ।

অপরিজ্ঞাত কানন পথে একাকী যাইতে
যাইতে পূর্বরাত্রির অদ্ভুত স্বপ্নটা বারম্বার

স্মৃতি পথারূঢ় হইতে লাগিল। স্বপ্নটা তাঁহার চিত্রপটে এমনি স্পষ্টরূপে চিত্রিত হইয়াছিল যে, এক এক বার বোধ হইল উহা অবশ্যই সত্য হইবে; আবার ভাবিলেন, আমি এই দেশে নাম ধাম বিহীন আগন্তুক ব্যক্তি, আমি এই দেশের একাধিপতি হইব ইহা স্বপ্নেরই বিষয় হইতে পরে, কোন ক্রমেই বিশ্বাস যোগ্য নহে; স্বপ্ন কেবল বাতিকের ক্রীড়া মাত্র; জাগ্রদবস্থায় যে সকল ভাব মনোমধ্যে উদ্ভিত হয়, মনুষ্য তাহা বুদ্ধিবলে দমনকরিয়া মনোর্ত্তি সকলকে আপন আপন উচিত কার্যে নিযুক্ত করেন, স্বপ্নাবস্থায় বুদ্ধি নিষ্ক্রিয় হয়, স্মৃতরাং মনোমধ্যে বিবিধ অসঙ্গতভাবের আবির্ভাব হইবে আশ্চর্য্য কি? অতএব জ্ঞানী ব্যক্তির কখন স্বপ্নে বিশ্বাস করেন না—বিশেষতঃ এরূপ দুরাশা সঞ্চিত করায় মহৎ হানির সম্ভাবনা; কারণ যদিও ইহা কল্পিন্‌কালে সফল হয়, তাহাতেই বা তাৎকালিক সুখের আধিক্য কি? আর যদি সকল না হয়, তবে যতকাল বাঁচিব ততকাল

লোভরূপ দাবাগ্নিদ্বারা অন্তর্দাহ হইতে থাকিবে ; অপরস্তু, সংকীর্ণ ধর্মপথাবলম্বী হইয়া ঈদৃশ দুশ্চিন্তা-নিমগ্ন হইলে স্থূলিত-পদ হইয়া অধঃপতিত, অথবা অন্য-মনস্কতা দশতঃ বিপথগামী হইতে হয়—অতএব হে জগৎপতে ! আমার এই প্রার্থনা কখন যেন অন্তঃকরণে লোভের ভার এমত না হয় যে, তজ্জন্য অবিনশ্বর ধর্ম পদার্থকে এই নশ্বর জীবন অপেক্ষা লঘু বোধ করি ।

শুদ্ধাত্মা পথিক এই সকল চিন্তাদ্বারা উদ্ভিক্ত ছুরাকাঙ্ক্ষা নিরাকরণের চেষ্টা করিতে করিতে চলিলেন ।

দ্বিতীয় অধ্যায় ।

পথিক এইরূপ চিন্তা-মগ্ন হইয়া কুটিল-কানন পথে ভ্রমণ করিতে করিতে হঠাৎ একটি স্থলে উপস্থিত হইয়া দেখিলেন, কতি-

পয় ব্যক্তি একত্র উপবেশন করিয়া কেহ বা তাম্রকূট ধূম পানে কেহ বা অন্যান্য উপ-
 যোগে মনোযোগ করিয়া আছে। পর্য্যটক
 মনে মনে বিবেচনা করিলেন, ইহারা যদি
 শত্রুতা করে, তবে কখনই পলাইয়া রক্ষা
 পাইব না, আর শত্রুতাই করিবে তাহারই বা
 নিশ্চয়তা কি?—মিত্রতা করিলেও করিতে
 পারে। অতএব ইহাদিগের সম্মুখে সাহস
 করিয়া গিয়া পথ জিজ্ঞাসা করি, অদৃষ্টে যাহা
 আছে তাহাই হইবে। এইরূপে সাহসে ভর
 করিয়া তিনি ঐ বনেচরদিগের সম্মুখীন হইয়া
 উচ্চৈঃস্বরে কহিলেন “ওহে ভাই সকল!
 আমি পথিকজন—এই স্থানের পথ জানি না,
 অনুগ্রহ করিয়া কহিয়া দেও”। এই কথা
 শ্রবণমাত্র একজন শীঘ্র গাত্রোথান করিয়া
 কিঞ্চিৎ অগ্রসর হইয়া বিকট হাস্য করত
 কহিল “ওহে পথিক! ভাল, বল দেখি, যদি
 এই খানেই তোমার গতি শেষ করা যায়,
 তাহাতে হানি কি?” পর্য্যটক উত্তর করি-
 লেন “তাহাতে অনেক ক্ষতি আছে, কিন্তু

সে সকল কথা কহিবার অবকাশ নাই—
 এক্ষণে পথ বলিয়া দেও, উত্তম—নচেৎ চলি-
 লাম” । বনেচর কহিল “তুই আর কোথা
 যাবি ?—জানিস্ না, আমরা এই কানন-রক্ষক,
 যে যে এখান দিয়া যায় সকলের স্থানেই
 আমরা শুল্ক আদায় করি—আমাদিগের অনু-
 মতি ভিন্ন কেহই এখান দিয়া যাইতে পারে
 না” । পথিক কহিলেন “ভাই আমি পণ্য-
 জীবী বণিক্ নহি, কোন ব্যবসায় বাণিজ্য
 করি না—আমার স্থানে কি শুল্ক পাইবে” ।
 তক্ষর তখন আপন প্রকৃত মৃতি ধারণ করিয়া
 কহিল ‘ওরে মূর্খ! তুই নিঃসহায়, আমরা
 আট জন, তোরে তুই হস্তের কি এত বল
 হইবে যে, আমাদিগের আট জনের সহিত
 একাকী যুদ্ধ করিবি ?—যদি ভাল চাহিস্
 তবে বাক্ছল পরিত্যাগ কর, সমাভিব্যাহারে
 যে ধন-সম্পত্তি বা ভক্ষ্য-সামগ্রী সস্ত্রীর আছে
 সমুদায় আমাদিগকে আনিয়া দে, দিয়া
 সচ্ছন্দে চলিয়া যা, নিবারণ করিব না—আমা-
 দিগের এই ব্যবসায়, কেহ কখন আমাদিগের

কণার অন্যথা করিতে পারে না”। “তবে তোমরা চৌর্য্যবৃত্তি” ? “আমরা চোর হই বা না হই সে কথায় তোর প্রয়োজন কি” ?। “এই প্রয়োজন, যে তোমার সাতজন মাত্র সহায়, কিন্তু যদি সাতশত হয় তথাপি জীবনসম্বন্ধে আমি আজ্ঞাবহ হইব না”। তস্কর পথিকের সাহসের কথা শুনিয়া আপন সহযোগীগণকে কহিল, “এ বেটা বলে কি রে ?—এ যে মরিতে বসেও কার্দানি ছাড়ে না—ভাল দেখা যাউক, দুই এক ঘা ওসারিয়া দিলেই ইহার বুদ্ধি স্বস্থান প্রাপ্ত হইবে” এই বলিয়া পথিকের প্রতি দৃষ্টি করিয়া কহিল—“আইস তোমার পিঠবোচ্কাটি নামাইয়া দি, ছি ছি কুজের মত পিঠে থাকাতে কি কদাকার দেখাইতেছে, একবার সোজা হইয়া দাঁড়াইয়া রূপখানি দেখাও”। পথিক তস্করের উপহাসে ক্রুদ্ধ হইয়া কহিলেন “রে চোর ! আমি প্রাণের ভয় করি না, বিশেষতঃ একাল পর্য্যন্ত পৃথিবীতে এমত কোন স্মৃথ পাই নাই এবং কখন পাইব এমত আশাও করিতেছি

না যে, জীবনভয়ে কাতর হইয়া তোর শরণ
 প্রার্থনা করিব—মৃত্যু আমার পক্ষে প্রার্থ-
 নীয়—অতএব সাবধান হইয়া আমার গতি
 রোধ কর” । এই বলিয়া পথিক এক বৃহৎ
 বনতরুকে আশ্রয় করিয়া নির্যাস কৃপাণে
 হস্তে দণ্ডায়মান হইলেন, এবং প্রাণপণে যুদ্ধ
 করিবার প্রতিজ্ঞা করিলেন । চোরেরা ঈদৃশ
 সাহস এবং দৃঢ় প্রতিজ্ঞা দর্শনে চমৎকৃত
 হইল । পরে এক জন ছুরায়া দূব হইতে
 সন্ধান করিয়া পথিকের অপসব্য হস্তে শর
 নিক্ষেপ করিল । পথিক তৎক্ষণাৎ শরকে
 উৎপাটন করিয়া ফেলিলেন, কিন্তু শরধারে
 বাহুর শিরাচ্ছিন্ন হইয়াছিল, অতএব যুদ্ধ
 করিবেন কি, ভুক্তোভোজন করিতেও সমর্থ
 হইলেন না । চোরেরা তৎক্ষণাৎ তাঁহাকে
 আক্রমণ করিয়া নিরস্ত্র করিল, এবং তাঁহাকে
 পৃষ্ঠস্থিত খলিয়া মোচন করিয়া ফেলিল ।

লুক্কেরা পথিকের সমুদায় সম্বরে বাহির
 করিয়া দেখে তাহাতে এমন কিছুই নাই যে
 গ্রহণ করিয়া চরিতার্থ হয় । কিন্তু পথিক

সেই সকল দ্রব্যসামগ্রীর জন্যই প্রাণ পর্য্যন্ত পণ করিয়াছিলেন, ইহা ভাবিয়া কেহ পরিহাস করিতে লাগিল, এবং কেহ অদ্ভুত ব্যাপার মানিয়া তুষ্ণীভূত হইয়া রহিল। অনন্তর তস্করপতি নিজ অনুচরদিগকে আদেশ করিয়া কহিলেন “দেখ ইহার সঙ্গে এক কপর্দকও নাই, কিন্তু ইহার শরীর বিলক্ষণ সবল এবং পরিশ্রমক্ষম, এমন দাস পাইলে অনেকে ক্রয় করিবে, অতএব চল উহাকে সঙ্গে করিয়া লই, যে কয়েক দিবস হাতের ঘাটা আরাম না হয়, আমাদিগের সঙ্গেই থাকুক, পরে কোন গ্রামে লইয়া বিক্রয় করিলেই হইবে”। এইরূপ কর্তব্যতা নির্ধারণ হইলে চোরেরা পথিকের হস্তযুগল তাঁহার নিজ উষ্ণীষ বস্ত্র দ্বারা বন্ধন করত তাঁহাকে খাপনাদিগের মধ্যবর্তী করিয়া লইল।

অতি অল্পক্ষণের মধ্যেই পথিক তাহাদিগের কর্তৃক কতিপয় কুটীর সম্মুখে নীত হইলেন। ঐ সকল কুটীর তস্করদিগের নিশ্চিত এবং তাহাদিগের পরিজনের আবাস।

চোরেরা সেই স্থানে পথিকের নিমিত্ত একটি নূতন কুটীর প্রস্তুত করিয়া দিল। পাঁচ বনেচরদিগের সমভিব্যাহারে তিন দিবস যাপন করিলেন। তাঁহার বাহুর ক্ষত প্রায় শুক হইয়াছিল, আর দুই চারি দিবসে সম্পূর্ণ স্ফুট হইবার সম্ভাবনা, এমত সময়ে তৎকরেরা একত্র হইয়া তাহাকে সম্মতীকরিল, এবং তাহাদের অধিপতিদ্বারা কহিতে লাগিল। “শুন পথিক! আমরা তোমার দেহ-শক্তি এবং সাহস দর্শনে পরমাপ্যায়িত হইয়াছি, আমরা চোর বন্দি, কিন্তু যথার্থগুণের পুরস্কারে পরাঙ্মুখ নহি, তোমার পাথেয় দেখিয়া নিতান্ত দুঃখবস্থা বুঝিয়াছি, অতএব আমরা তোমাকে সমভিব্যাহারী করিতে স্বীকার করিলাম; দেখ আমরাদিগের কণা কলত্রাদি আছে এবং আমরা বনেচর বলিয়া নিতান্ত ক্লেশে কালযাপন করি না—ইচ্ছা হয়ত আমরাদিগের সহিত মিলন কর, নচেৎ পূর্বে যে অভিসন্ধি করিয়াছি অবশ্য তাহাই করিব”। পথিক ঈষৎ হাস্য করিয়া উত্তর করিলেন

“তোমাদিগের যাহা ইচ্ছা তাহাই করিবে, আমি কোনক্রমেই অসংবৃদ্ধি অবলম্বন করিব না—বরং তোমাদিগকে অগ্রে সাবধান করিতেছি যে, আমাকে কোন রহস্তানুসন্ধান ভ্রাত করিও না, করিলে, প্রকাশ হইবার সম্ভাবনা জানিবে” । তৎস্বরপতি কহিলেন, “আমরা সে ভয় করি না, সাহসী বীরগণ কখন বিশ্বাস-হস্তা হইতে পারে না, বিশ্বাস-ঘাতকতা নীচ-প্রকৃতি ভীরুগণেরই ধর্ম্ম । পথিক কহিলেন “তোমরা সে আশা পরিত্যাগ কর, চোর ও দস্যুপ্রভৃতি যে সকল চুরাত্মা মনুষ্যমাত্রেরই অপকারক, তাহাদিগকে ব্যাপ্ত্র ভল্লুকাদির ন্যায় উচ্ছেদ করা সকল ব্যক্তিরই কর্তব্য কর্ম্ম—না করিলে, ধার্ম্মিকগণের অনুপকার করা হয়” । চোরপতি পথিকের ভৎসনা বাক্যে ক্রুদ্ধ হইয়া কহিলেন—“আর তোর সাধুতা প্রকাশ করিতে হইবে না, আমি বুঝিলাম, তুই না ধার্ম্মিক জনের, না সাহসী-পুরুষদিগের সংসর্গী হইবার যোগ্য—অতএব তুই যাদৃশ নীচ-

প্রকৃতি অচিরাৎ তদুপযুক্ত দাস্যবৃত্তি প্রাপ্ত হইবি”। পথিক উত্তর করিলেন “নিরস্ত্র এবং আহত ব্যক্তিকে অধাঙ্গিক ভীরুজনেরাই অপমান করে—তাহাতে মনুষ্যত্ব নাই”। চোরপতি ঈষৎ লজ্জাবুক্ত হইয়া গাত্রোপধান করত কহিলেন “ভাল ভাল এত বাক্ বিত-
 ঙ্গার প্রয়োজন নাই—তুমি আমার অনুচর হইতে অস্বীকার করিলে, অতএব চল তোমার শরীর বিক্রয় করিয়া আমাদিগের এতাবৎ পরিশ্রম সফল করি” : এই বলিয়া ত্তরেরা পথিককে সমভিব্যাহারে করিয়া চলিল এবং বন উত্তীর্ণ হইয়া অনতিদূরে একখানি ক্ষুদ্র গ্রাম প্রাপ্ত হইল। সেই গ্রামের হাটে একজন দানক্রেতা পথিককে ক্রয় করিয়া লইল। চোরেরা মূল্য পাইয়া চলিয়া গেল। পথিক মনে মনে ভাবিতে লাগিলেন, আমার স্বপ্ন বিলক্ষণই সফল হইল। আমি কি নির্বেধ, যে এমন দুর্দা-
 শাকে মনোমধ্যে স্থান দান করিয়াছিলাম ! কোথায় রাজেশ্বর হইব, না দাস হইলাম !

বিধাতা কপালে আরও কি লিখিয়াছেন, বলা যায় না; কিন্তু যাহা হউক এমত কোন কস্ম করা হইবে না, বাহাতে শেষে অনুতাপ বা অপবশের ভাজন হইতে হয় ।

দাস-ক্রেতা পথিকের অঙ্গস্পর্শ করিয়া এবং বীবলক্ষণাক্রান্ত শরীর দেখিয়া তাহাকে অত্যন্ত পবিশ্রম সহিষ্ণু বুঝিয়াছিলেন । অতএব আপন আলয়ে আনিয়া বিশিষ্ট যত্নপূর্ব্বক ভেষজসেবন করাইয়া তাহার হস্তের ক্ষতদোষ সাশোধন করাইলেন । কিন্তু তিনি লোভ-পরবশ হইয়া ঐ দাসটীর প্রতি বেরূপ অধিক মূল্য নিরূপিত করিলেন তাহাতে কেহই ক্রয় করিতে চাহিল না । কিছু দিন এইরূপে গত হইলে দাস-বিক্রেতা মনে মনে বিবেচনা করিলেন, এই দাসটীর উত্তম অনেক ব্যয়বসেন করিলাম, কিন্তু কেহই ইহাকে ক্রয় করিতে চাহে না,—কি করি ?—অথবা উহার যাদৃশ শ্রী দেখিত পাই, তাহাতে উহাকে সদ্বংশ-জাত বলিয়া বোধ হয়, অতএব উহাকেই জিজ্ঞাসা করি যদি আমাকে অর্থদ্বারা তুচ্ছ

করিতে পারে, তবে দাস্যবন্ধন হইতে মোচন করিয়া দিব। এই ভাবিতে ভাবিতে দাসের সমক্ষে উপস্থিত হইয়া জিজ্ঞাসা করিলেন, “কেমন রে! তুই স্বাধীন হইতে চাহিস্ কি না”? “মহাশয়! এ কথা কি জিজ্ঞাস্য? পিপাশাতুর কি জল পান করিতে পরাজু হইয়” ?। “ভাল, তবে তুই আমাকে তুষ্ট করিবি কি না”। “কি প্রকারে তুষ্ট করিব, অনুমতি করুন”। “অর্থদ্বারা”। দাস দীর্ঘ নিশ্বাস ত্যাগ করিয়া উত্তর করিল “স্বাধীনতা প্রাণিমান্ত্রের স্বতঃসিদ্ধ বস্তু, কেহ কাহাকে এই ধন বঞ্চিত করিতে পারে না, আমিও সেই নিজস্ব, অর্থদ্বারা ক্রয় করিতে সম্মত নহি—ত্বাদৃশ অধাশ্মিক জনের প্রবঞ্চনাতেই ছুট লোকে দস্যবৃত্তিতে প্রবৃত্ত হয় এবং ছুর্ভাগ্য জনের স্বাধীনতা অপহরণ করে”। এই বলিতে বলিতে দাসের চক্ষুদ্বয় ক্রোধে লোহিত বর্ণ এবং শরীর কম্পমান হইতে লাগিল। দাস-বণিক ভয়ে সঙ্কুচিত-চিত্ত এবং ম্লান-বদন হইয়া শীঘ্র প্রস্থান করিল।

সেই অবধি তাহার চেষ্ঠা হইল যাহাতে দাসকে অন্য হস্তে সমর্পণ করিয়া আপনি নিষ্কৃতি পায় ।

কিয়দিনান্তর মৌভাগ্যক্রমে খোরাসান এদেশাধিপতি অতিবদান্ত এবং ক্ষমতাবান্ অলেপ্তাজীন্ ঐ দাসকে ক্রয় করিয়া আপন পরিচর্যায় নিযুক্ত করিলেন ।

তৃতীয় অধ্যায় ।

দাস কিছুকাল মহীপালের আশ্রয়ে বাস করিতে করিতে প্রভুকে স্বীয় গুণে বন্ধ করিল। রাজা তাহার ধর্ম-পরায়ণতা, জিতেন্দ্রিয়তা, নিরালস্য এবং স্বামি-বাৎসল্য দেখিয়া পরম তুষ্ট হইয়া তাহাকে সর্বদা আপন সমীপে রাখিতে লাগিলেন, এবং ক্রমে ক্রমে তাহার পদোন্নতি করিয়া দিলেন । এক দিন দুই জনে একত্র বসিয়া আছেন এমন সময়ে রাজা নিজ দাসের পূর্ব-বৃত্তান্ত অবগত হইবার ইচ্ছাখ্যাপন করিলে দাস কহিতে লাগিল ।

“মহারাজ ! আমার পূর্ব রত্নান্ত অতি সজ্জেক্ষপ । আমি দাস হইয়াছি বটে, কিন্তু কখন এমত কোন কর্ম করি নাই যাহাতে বংশের কলঙ্ক হয়। যখন মুসলমানেরা ‘কালিকু ওখ্মানের’ আজ্ঞানুবর্তী হইয়া পারস্যরাজ্য আক্রমণ করে, তখন পারস্য-ভূপাল ‘ইস্‌দগর্দ’ তাহাদিগের পরাক্রম অসহিষ্ণু হইয়া তুর্ক-স্থানে পলায়ন করেন । আমি সেই রাজার বংশজাত । তাহার সন্তানেরা তদ্দেশের আচার ব্যবহার অবলম্বন করিয়া তুর্কীয়জাতি হইয়া গেলেন । আমিও সেইরূপে তুর্কী হইয়াছি ।—আমার পিতা নির্ধনছিলেন, স্ত্রীরাত্ৰি বালক কালাবধি আমাকে জীবনযাত্রা নির্বাহের উপায় অনুসন্ধান করিতে হইয়াছিল । তজ্জন্য সর্বদা পরিশ্রম এবং ক্লেশ স্বীকার করিতে হইত । কিন্তু তাহাতে আমার বপুঃ সবল এবং মন উৎসাহশীল ও পরিশ্রমানুরক্ত হইল । অতএব আমি দরিদ্রাবস্থাকে ক্ষেমঙ্কর বলিয়া মানি ।—পিতা নির্ধন ছিলেন বটে, কিন্তু তাঁহার যথেষ্ট জ্ঞানযোগ

ছিল। তিনি প্রাচীন ইতিহাসাদি গ্রন্থ অনেক জানিতেন, কিন্তু তত্বে পাঠ করাইবার অনবকাশ বশতঃ সমুদায় বিদ্যার মার পদার্থ যে ধর্মতত্ত্ব তাহাই অহরহ শিক্ষা করাইতেন। অতএব তাঁহার অনুগ্রহ বশাৎ আমি বালক-কালাবধি ইন্দ্রিয়দমন করিতে এবং জগৎ-পাতার প্রতি শ্রদ্ধাবান্ হইতে অভ্যাস করিয়া-ছিলাম।—শৈশবাবধি আমার অন্তঃকরণে এই ভাবের আবির্ভাব হইয়াছিল যে, আমার দ্বারা পরিবারের ক্লেশ মোচন হইবে। সেই আশা অবলম্বন করিয়া ঊনবিংশতি বর্ষ বয়ঃ-কালে পিত্রালয় পরিত্যাগ করি। ইচ্ছা ছিল, কোন রাজসংসারে যোদ্ধ-কর্ম স্বীকার করিব। পথিমধ্যে দস্যুকর্তৃক পরাভূত এবং দাস্ত্রে নিযুক্ত হওয়াতে সেই বর্দ্ধমান আশা লতা একেবারে ছিন্নমূলা হইয়াছিল। কিন্তু মহারাজের পরিচর্য্যায় নিযুক্ত হইয়া অবধি তাহা পুনর্বার অঙ্কুরিত, সম্বর্দ্ধিত এবং ফলিত হইয়াছে।”

আসেপ্তাজীন এই বৃত্তান্ত শ্রবণে তুচ্চ

প্রথম বারের বিজ্ঞাপন ।

গল্পচ্ছলে কিঞ্চিৎ কিঞ্চিৎ প্রকৃত বিবরণ এবং হিতোপদেশ শিক্ষা হয়, ইহাই এই পুস্তকের উদ্দেশ্য । ইহা দুইটি স্বতন্ত্র স্বতন্ত্র উপন্যাস সন্নিবেশিত হইয়াছে । তাহার প্রথমটির সহিত দ্বিতীয়টির কোন সম্বন্ধই নাই । উভয় উপন্যাসেই রাজ্য-সম্বন্ধীয় যে সকল কথা আছে, তাহা প্রকৃত ইতিহাস মূলক । অপরাপর যে সকল বিবরণ বর্ণিত হইয়াছে তাহারও কোন কোন অংশমাত্র ইতিসূত্রে পাওয়া যায়, কিন্তু তাহাও সৰ্ব্বতোভাবে প্রামাণিক বলিবা গ্রাহ্য নহে ।

ইংরাজীতে ‘রোমান্স অব হিষ্টরী’ নামক এক খানি গ্রন্থ আছে, তাহারই প্রথম উপাখ্যান লইয়া ‘সফলস্বপ্ন’ নামক উপন্যাসটি প্রস্তুত হইয়াছে । ‘অঙ্গুরীয় বিনিয়ম’ নামক দ্বিতীয় উপন্যাসেরও কিয়দংশ ঐ পুস্তক হইতে সংগৃহীত হইয়াছে ।

এতদেশহিতৈষী শ্রীযুক্ত হুজ্জৎ প্রাট্ সাহেব এই পুস্তকের পাণ্ডুলিপি লইয়া আদ্যোপান্ত সমুদায় পাঠ কবত শিষ্টকপ সন্তোষ প্রকাশ করিয়াছিলেন । আমি, তাহা-

সাহস প্রাপ্ত হইয়া এই পুস্তক মুদ্রিত করিতে প্রবৃত্ত হই । পরে মুদ্রণ কালে হুগলী নর্স্যাল বিদ্যালয়ের সুযোগ্য অধ্যাপক শ্রীযুক্ত রামগতি শ্যামস্বরের বিশিষ্ট আনুকূল্যে ইহার সংশোধন করা হইয়াছে ।

হুইয়া তৎক্ষণাৎ তাঁহার দাসত্ব মোচন করিলেন, এবং ক্রমে ক্রমে উন্নত-পদ করিয়া পরিশেষে তাঁহাকে প্রধান মন্ত্রিত্বে এবং সর্বসৈন্যাধ্যক্ষতায় নিযুক্ত করিলেন। দাস তাদৃশ উচ্চপদারূঢ় হইয়া ব্যবহারের কিছুমাত্র অগ্ৰথা করিলেন না। তাঁহার দান্তস্বভাব ও বিচক্ষণতায় সেনাপুঞ্জ বিলক্ষণ ভক্তিমান ও সশিক্ষা সম্পন্ন হইল। তাহার শৌর্য্যবীৰ্য্য-প্রভাবে রাজার সকল শত্রু ক্ষীণবা হইয়া অধীনতা স্বীকার করিল, এবং রাজ্যও নিরুপদ্রবে পালিত হওয়াতে প্রজারূপের সুখসমৃদ্ধি বৃদ্ধি হইতে লাগিল।

ইতিপূর্বেই এই অগাত্যেব পিতা শৌকিকী লীলা সম্বরণ করিয়াছিলেন, অতএব আত্মজের ঈদৃশ বিভব দেখিতে পান নাই। কিন্তু জননী তৎকাল পর্য্যন্ত জীবিতা ছিলেন, অতএব তিনি পুত্র-সম্মিধানে আনীত হইয়া তাঁহার তাদৃশ গৌরব দর্শনে ও গুণকীর্ত্তন শ্রবণে চক্ষুঃকর্ণের চরিতার্থতা লাভ করিতে লাগিলেন। কি চমৎকার! যে

ব্যক্তি সহায় সম্পত্তিবিহীন হইয়া বনে বনে ভ্রমণ করত সিংহ ভল্লুরূপের সহবাসী হইয়াছিল, যে নানা সঙ্কট উত্তীর্ণ হইয়া পরিশেষে জীবন-মৃত্যুরূপ দাসত্ব-দশাগ্রস্ত হইয়াছিল, সেই ব্যক্তিই এক্ষণে পৃথ্বীপতির সহিত একাসনে উপবিষ্ট হইতে লাগিল, এবং সহস্র সহস্র নরগণের কৃতজ্ঞতাভাজন হইয়া তাহা-নিগের আশীর্ব্বাদ লাভ করিতে লাগিল ! পরমেশ্বরের কি অপার মহিমা ! তিনি অতি উচ্চকে নীচ করিয়া এবং অতি অধমকেও প্রধান পদারূঢ় করিয়া মানবকুলকে সর্ব্বদাই সামারিক বিভবের অস্থায়িত্ব এবং ধর্ম্ম-পদার্থের অবিনশ্বরত্বের প্রমাণ দর্শাইতেছেন । ফলতঃ প্রধান মন্ত্রী এক্ষণে পরমশুখে কাল-ষাপন করিতে লাগিলেন, এবং বাল্যাবস্থায় নানা প্রকার দুঃখ পাইয়াছিলেন বলিয়াই তাহার চরম সুখ অধিকতর প্রীতিজনক বোধ হইতে লাগিল ।

আলেগুজীন্ রাজার একটা পরমাত্মন্দরী কন্যা ছিল । কন্যার যাদৃশ লাবণ্য-মাধুরী

তাহার গুণও তাদৃশ ছিল । অতএব দেশীয় এবং বৈদেশিক আচ্য কুলীন সম্ভানগণ তাহার পাণি গ্রহণাভিলাষে আসিয়া নিবন্তর উপাসনা করিত । কিন্তু রাজকন্যা উপাসনাবশ্য ছিলেন না । তিনি ক্রমে ক্রমে সকল বিবাহার্থীকেই বিদায় করিয়া অন্যতাবস্থায় কালযাপন করিতে লাগিলেন । রাজার অন্য অপত্য ছিল না । কেবল সেই একমাত্র কন্যা । স্ততরাং কন্যা বিবাহে সম্মত হইয়া উপযুক্ত বরপাত্র গ্রহণ করেন, এমত একান্ত বাসনা থাকিলেও কন্যার অনাভিমতে তাহার বিবাহ সম্পন্ন করণে ইচ্ছা করিতেন না ।

প্রধান মন্ত্রীকে সর্বদাই রাজবাটীর অভ্যন্তরে গমন করিতে হইত । সেই সকল সময়ে রাজকন্যার সহিত তাহার সাক্ষাৎ এবং কথোপকথন হইত । এইরূপে ক্রমে ক্রমে তাহাদের উভয়েরই মানসে প্রণয়ের সঞ্চার হইয়া উঠিল এবং দিন দিন উভয়েই উভয়ের গুণপরিচিত হইয়া পরস্পর অধিকতর নৈকট্য বাসনা করিতে লাগিলেন । আন্তরিক ভাষিমাাত্রই

নয়ন দ্বারা বিলক্ষণ প্রকাশমান হয় । বিশেষতঃ প্রকৃত অনুরাগের অঙ্কুরোদয় হইলে প্রণয়িষুগলের প্রীতি-প্রফুল্লনেত্রে এমত রমণীয়, সন্মোহ, সতৃষ্ণদৃষ্টি ধারণ করে যে, দেখিবামাত্রই পরস্পরের মন বিকসিত হইয়া উঠে, এবং কথা না কহিলেও তাদৃশ নয়নদ্বারাই মনোগত সমুদায় ভাব ব্যক্ত হইয়া যায় । একদিন প্রধান মন্ত্রী রাজনন্দিনীর সহিত কথোপকথন কালে তাঁহার ঐরূপ দৃষ্টি নিরীক্ষণ করিয়া আপন গানস ব্যক্ত করণের সাহস প্রাপ্ত হইলেন । তিনি কি বলিলেন, এবং গুণবতী জেহীরা কি উত্তর করিলেন তাহা বর্ণন করা অসাধ্য । ষথার্থ প্রণয়ের আবির্ভাবে শুদ্ধাত্মা মানবের চিত্ত যে কত প্রকার রমণীয় গুণধারণ করে তাহা কে বলিতে পারে ? । তখন শরীরের জড়তা অপগত হয়, অন্তঃকরণের অসাধুতা দূরীভূত হয়, জিহ্বাগ্রে সরস্বতী নৃত্য করেন, এবং সর্ব্বতোভাবে আত্মবিশ্বাস উপস্থিত হওয়াতে অন্তরিন্দ্রিয়গণ পরোক্ষ দৃষ্টির প্রথম সোপান অবলম্বন করে । আহা!

জগদীশ্বর যে শ্রীতি-পদার্থকে পরমস্তরের প্রধান বস্তু করিয়া দিয়াছেন, অজিতেন্দ্রিয় মানবগণ নিরঙ্কুশ রিপুগণ কর্তৃক সেই বস্তু দ্বারা ই কি বিষম বিপাকে পতিত হইতেছে। প্রধান মন্ত্রী আপন মনোগতভাব প্রকাশ করিলে পর সরল হৃদয়া রাজপুত্রীও সমুদার ব্যক্ত করিলেন। পরে কিঞ্চিৎকালান্তরে কহিলেন “আমি তোমার সহিত মিলিত-জীবন হইয়া যাবজ্জীবন তোমার সুখ-দুঃখ-ভাগিনী হইতে অসম্মতা নহি, কিন্তু অগ্রে পিতার অনুমতি গ্রহণ করা আবশ্যিক, দ্বীলোকের পক্ষে স্বামীই প্রধান গুরু, কিন্তু যে কামিনী অনুতাবস্থায় পিতার অসম্মান করে, তিনি যে গৃহিণী হইয়া স্বামীর বশীভূতা হইবেন এমত সম্ভাবনা অতি বিরল”। প্রধান মন্ত্রী বলিলেন, আমি এইক্ষণে রাজ-সম্মিধানে চলিলাম, তাঁহাকে আমাদিগের মানস ব্যক্ত করিয়া বলিব, তিনি আমাকে যথেষ্ট শ্রদ্ধা করেন বটে, তথাপি আভিজাত্যাভিমান মানবগণের অন্তঃকরণে অতি প্রবল বলিয়া শঙ্কা হয়”।

সেই দিনেই রাজা এবং রাজমন্ত্রী উভয়ের ঐ বিষয়ে কথোপকথন হইল। মন্ত্রী স্বীয় মনোগত ব্যক্ত করিলে ভূপাল কিছুমাত্র বিরূপ না হইয়া উত্তর কবিলেন, “দেখ জেহীরা আমার একমাত্র সন্তান—এই জীবন-রক্ষের একমাত্র পুষ্প, বাহার দ্বারা আমার সংসার কানন আনোদিত এবং অন্তরাগ্না পরিতৃপ্ত হইয়া আছে। অতএব আমার একান্ত বাসনা যে, তাহাকে এমন পাত্রসাৎ করি, যাহাতে চিবকান শুখভাগিনী হইয়া থাকে। অনেক রাজপুত্র এবং কুলীনসন্তান বিবাহার্থী হইয়া তাহার উপাসনা করিয়াছেন, সে কাশাকেও বরমাল্য প্রদানে সম্মতা হয় নাই—আমিও এই বিষয়ে তাহার অনভিমত করিতে চাহি না। অতএব তুমি অগ্রে তাহার মত কব তাহা হইলেই আমার সম্মতি পাইবে”। মন্ত্রিবর উত্তর করিলেন, “মহারাজ! আমি আপনকার কন্যার নিকট স্বীয় অভিলাষ প্রকাশ করিয়াছি এবং তিনিও আমাকে স্বামিহেঁ বরণ করিতে সম্মতা আছেন; কেবল

আপনার অনুমতির অপেক্ষা; এক্ষণে আপনকার অনুকূলতার প্রতি আমার যাব-জীবনের স্মৃতি স্থখ দুঃখ নির্ভর করিতেছে” । রাজা শুনিয়া হৃৎকচিভে উত্তর করিলেন “বদি তুমি জেহীরার সম্মতিলভ করিয়া থাক, তবে আর আমার কোন প্রতিবন্ধকতা নাই, আমি এই দণ্ডেই অনুমতি দিতেছি, যে পরম পুরুষ মহুজগের মধ্যে উদ্বাহ সংস্কার সংস্থাপন করিয়াছেন তিনি এই কৰ্ম সৰ্ব্বতো-ভাবে মঙ্গলাবহ করুন,—বাহাহউক, এই আমার পরম পরিতোষ যে, জেহীরা অনুপ-যুক্ত পাত্রের প্রীতি সমর্পণ করে নাই” ।

অনন্তর কতিপয় দিবস মধ্যেই ভূপাল মহা সমারোহ পুরঃসর স্বীয় প্রিয়পাত্রের সহিত আত্মজার উদ্বাহ সংস্কার সম্পন্ন করিলেন । অজ্ঞাত কুলশীল জনের সহিত কন্যার পরিণয় সম্বন্ধ করাতে দেশীয় কুলীনবর্গ মৎসর-ভাবাপন্ন হইলেন, কিন্তু মন্ত্রীর গুণ-গ্রামে বশীভূত প্রজা সাধারণ অত্যন্ত প্রফুল্ল-মনে আনন্দ মহোৎসব করিতে লাগিল ।

কিয়দিবস পরে আলেপ্পাজীনগর
নগরে রাজধানী সংস্থাপন করিয়া ২৫
বর্ষকাল পরম সুখে রাজ্যভোগ করিলেন।
তাহার পরলোক হইলে পুত্র পৌত্রাদি কেহ
না থাকাকে ঐ জামাতাই রাজ্যাধিকারী হইয়া
নিজ স্বপ্ন সফল বোধ করত সবক্তাজীন
নামে বিখ্যাত হইলেন। ইহারই পুত্র
গজনবী মহম্মদ, যৎকর্তৃক এই ভারতভূমি
সর্ব প্রথমে আক্রান্ত এবং মুসলমানাধিকার
সম্পূর্ণ হইল।



অঙ্গুরীয় বিনিময় ।

প্রথম অধ্যায় ।

পর্বত-শ্রেণী সকল মানচিত্রে দেখিলে সেরূপ প্রাচীরবৎ সমান উচ্চ বোধ হয়, বাস্তবিক সেরূপ নহে । তাহাদিগের মধ্যে মধ্যে ছেদ থাকে, এবং সেই সকল দ্বার অবলম্বন করিয়াই নিৰ্বারিণী সমস্ত নির্গত হয় এবং মনুষ্য পথাদি এক দিক হইতে অপর দিকে বাঁতায়িত কবে । কিন্তু ঐ সকল পর্বতীয় পথ অত্যন্ত কুটিল, কোথাও কোথাও অতিশয় সংকীর্ণ এবং প্রায় সর্বস্থানেই বন্ধুর । এতাদৃশ পথের নাম গিরি-সঙ্কট । ভারবর্ষের নৈঋত্বে ভাগে যে মলয় পর্বত সমূহের বেগ রোধ করিতেছে, তাহাতেও ঐরূপ অনেক গিরি-সঙ্কট আছে ।

একদা তত্রত্য উপত্যকা বিশেষে বহুসং-
 খ্যক ব্যক্তি—কেহ বা পাদচারে কেহ বা
 অশ্ব-পৃষ্ঠে আরোহণ করিয়া গমন করিতেছিল।
 চতুর্দিকস্থ পর্বতীয় শিলা সকল উদ্ভিদ-সম্বন্ধ-
 রহিত হওয়াতে, দিবাভাগে অত্যন্ত উত্তপ্ত
 হয় বলিয়া, তাহারা স্তম্ভিত সমীরণবাহী
 সন্ধ্যাকালের প্রতীক্ষা করিয়াছিল। কিন্তু
 সম্পূর্ণ সূর্যাস্ত না হইতে হইতেই, উদগ্র
 গিরিশিখর-চ্ছায়ার সেই কুটিল পথ একেবারে
 অন্ধ-তমসাবৃত হইতে লাগিল। অনতিদূর
 গমন না করিতে করিতেই, শৈল সমুদয়ের
 বিচ্ছেদভাগ অন্ধকারপূর্ণ হওয়াতে পথিকেরা
 আপনাদিগকে অভেদ্য-অসিতবর্ণ প্রাকার
 বেষ্টিতবৎ অবলোকন করিলেন। উজ্জ্বলভাগে
 দৃশ্যমান সমুদায় নভোভাগ নক্ষত্রময় হইয়া
 শ্বেত কাশ্মিক ঘটিত নীল চন্দ্রাতপ সদৃশ
 বোধ হইতে লাগিল। শ্রুত আছে, সুগভীর
 কূপাভ্যন্তরে প্রবিষ্ট হইলে দিনসেও গগন-
 বিহারী নক্ষত্রগণ দৃষ্টিগোচর হইয়া থাকে।
 পথিকেরা সন্ধ্যার প্রথমাবস্থাতেই, সেই গভীর

পর্বত-তল হইতে, তাদৃশ তারাচয় নিরীক্ষণ করিয়া, সেই কথা সপ্রমাণ করিলেন। কিন্তু গিরিতলস্থ নিবিড় অন্ধকান, নক্ষত্র-গণের যুগ্ম-জ্যোতিঃ দ্বারা ভেদ্য হইবার নহে, অতএব পৃথিকেরা অতি সাবধানে পাদবিক্ষেপ করত ক্রমশঃ অগ্রসর হইতে লাগিলেন। বিশেষতঃ তাহাদিগের মধ্যস্থ দিব্যগঠন ও বহুগন্য কৌশল্য বদ্বারত যে শিবিকা ছিল, তদ্বাহকেরা, ঐ বন্ধুর পথে পাছে আলিতপদ হয়, এই ভয় সকলে বিশেষ করিয়া যাইতেছিলেন। শিবিকা-বাহকগণের অস্পষ্ট শব্দ পরস্পরা, সমভিব্যাহারী ভৃত্য ও রক্ষিবর্গের পরস্পর কথোপকথন এবং পথ-প্রদর্শকদিগের উচ্চস্বর, চতুঃপার্শ্বস্থ পর্বত মধ্যে প্রতিধ্বনিত হওয়াতে, যেন সহস্র সহস্র ব্যক্তি ব্যঙ্গ করিয়া পৃথিকদিগের শব্দের অনুকরণ করিতেছে বোধ হইতে লাগিল।

এবম্প্রকারে যাইতে যাইতে পৃথিকেরা এমনি একটি সংকীর্ণ পথে উপস্থিত হইলেন যে, তাহাতে দুই জনও পাশাপাশি হইয়া

ଗମନ କରା କାଠିନ । କୋନ ସମୟେ ଭୂମିକମ୍ପ
 ଦ୍ଵାରା ତଥାୟ ଉଭୟ ପାର୍ଶ୍ଵେ ସ୍ଫୁଲୋପଳ ସମସ୍ତ
 ଭୂଗର୍ଭ ହୈତେ ନିର୍ଗତ ହୈୟା ପଥଟିକେ ତାଦୃଶ
 ଅପ୍ରଶସ୍ତ କରିୟା ଧାକିବେ । ଶିବିକା-ବାହକେରା
 ସେହି ସ୍ଥାନେ ସର୍ବବାଘବର୍ତ୍ତୀ ହୈୟା ଅତି ଯତ୍ନେ
 ଶିବିକା ନିର୍ଗମନ କରିତେ ଲାଗିଲ, ଏବଂ ଆର
 ଆର ସକଳେ ପଶ୍ଚାଂ ପଶ୍ଚାଂ ଆସିତେ ଲାଗିଲ ।
 ଏହିରୂପେ ଶିବିକା ନିର୍ଗତ ହୈବାମାତ୍ର ହଠାଂ
 ତଦ୍ଵାହକେରା କତିପୟ ଅସ୍ତ୍ରଧାସୀ ପୁରୁଷ କର୍ତ୍ତୃକ
 ଏକେବାରେ ଚତୁର୍ଦ୍ଦିକ୍ ହୈତେ ଆକ୍ରାନ୍ତ ହୈଲ
 ଏବଂ ଚକିତେର ଗ୍ଠାୟ କତିପୟ ବଳବାନ ପୁରୁଷ
 ତାହାଦିଗେର ସ୍ଵରୁଦେଶ ହୈତେ ଶିବିକା ଆଚ୍ଛି-
 ନ୍ଦନ କରିୟା ଅତି ଭ୍ଵରିତ-ଗମନେ ପ୍ରସ୍ତାନ କରିଲ ।
 ରକ୍ଷିବର୍ଗ ଐ ଆକ୍ରମଣ କୋଲାହଳ ଶୁନିୟା
 ଶିବିକା ରକ୍ଷାର୍ଥେ ଢ୍ରୁତବେଗେ ତଦଭିମୁଖେ ଧାବ-
 ମାନ ହୈଲେ ତାହାଦିଗେର ସମ୍ମୁଖବର୍ତ୍ତୀ ପୁରୁଷ
 ଆକ୍ରମଣକାରୀ ଜନୈକେର ଶୂଳାଘ୍ର ବିକ୍ତ ହୈୟା
 ଆର୍ତ୍ତନାଦପୂର୍ବକ ପ୍ରାଣ ପରିତ୍ୟାଗ କରିଲ ।
 ତାହାର ସେହି ଭୟାନକ ରୋଦନ ଶବ୍ଦେ ପଶ୍ଚାଦ୍ଵର୍ତ୍ତୀ
 ସୈନ୍ୟଚୟ ଭୟେ ନିଶ୍ଚଳ ହୈୟା ଦଘାୟମାନ ହୈଲ,

তখন আক্রমণ-কারীদিগের মধ্যে একজন স্বর্গভীর স্বরে কহিল—“এক পদ মাত্র অগ্রসর হইলেই প্রাণ হারাইবে । যে যেখানে আছ স্থির হইয়া থাক, স্বল্পক্ষণেই নির্বিঘ্নে গমন করিতে দিব” । কিয়ৎক্ষণ পরে সেই ব্যক্তি হাস্য করত কহিল “কখন দেখিয়াছ একটি-মাত্র শাখামৃগ, ভিন্নরুল চাকের দ্বার রোধ করিয়া কেমন একটা একটা করিয়া সমুদায় ভৃঙ্গ বিনাশ করে ৭ । বাহির হইয়াব চেষ্টা করিলে তোমাদিগেরও সেই দশা হইবে” । রক্ষিবর্গের মধ্যে কেহ জিজ্ঞাসা করিল “আমাদিগের শিবিকা কোথায়” ৭ “শিবিকা যেথায় হউক সে কথার প্রয়োজন নাই—তবে এই মাত্র বলিব্য যে, আমরা তদারোহিণী কিশোরীকে, তাহা বিলক্ষণ জানি, অতএব তাহার যথায়োগ্য সম্ব্রমের ক্রটি হইবে না । তিনি এই দুর্গম পথ-পরিশ্রমে অবশ্য শ্রান্ত হইয়াছেন, অতএব একবার আমাদিগের আতিথ্য গ্রহণ করিবেন, হানি কি ? । “হায় ! আমরা প্রভুকে কি বলিব—তুমি কে” ? । আমি যে

হই, “তোমরা বাদসাহকে কহিও তিনি যাহাকে পার্ব্বতীয় দম্ভ্য বলিয়া ঘৃণা করেন, তাহার আত্মজা সেই দম্ভ্যরই করকবলিত হইয়াছেন” । এইরূপ কথোপকথন হইতে হইতেই শিবিকাবাহীরা সেই সুপরিজ্ঞাত পথ দ্বারা অতি দূরে প্রস্থান করিল, এবং যিনি কথোপকথন করিতেছিলেন, তিনিও হঠাৎ শত্রু সম্মুখ হইতে অন্তর্হিত হইলেন ।

আরঞ্জের সৈন্যগণ বহির্গত হইয়া বাদসাহকে কি প্রকারে এই অশুভ সংবাদ বিজ্ঞাপন করিবে তাহারই পরামর্শ করিতে লাগিল । তাহার বাদসাহের স্বভাব বিলক্ষণ জানিত । তিনি অতি ক্রুর-প্রকৃতি ছিলেন । কোন অননুভূতপদ দৈবনিবন্ধন বা দুর্ঘটনা কর্তৃক যদি কোন প্রযুক্ত-কর্মের ক্রটি হইত তথাপি ক্ষমা করিতেন না । তাহার স্বেচ্ছার বিপরীত কিছু ঘটয়া উঠিলেই ভৃত্যবর্গের প্রতি পরুষ দণ্ড প্রয়োগ করিতেন । বস্তুতঃ আরঞ্জের ও অন্যান্য নৃশংস-স্বভাব একাধিপতি রাজাদিগের ন্যায় একান্ত স্বার্থ-পরায়ণ ছিলেন—

ক্ষান্তি, দয়া ও সমবেদনা কাহাকে বলে তাহা
 কিঞ্চিন্মাত্রও জানিতেন না । অতএব তাহারা
 সকলে অক্ষত-শরীর থাকিতে তদক্ষিতা
 রাজপুত্রী শত্রুগ্রস্ত হইয়াছেন এই সংবাদ
 দইয়া তাদৃশ প্রভুর সঙ্গীপগমনে সকলের
 হৃৎকম্প হইতে লাগিল । পরে সকলে এক
 মত হইয়া পরামর্শ স্থির করিল যে, বাদ-
 মাহকে কহিব, হিন্দুজাতীয় শিক্ষা বাহ-
 কেরাই দুষ্কর্তা করিয়া আমাদিগকে বিপথে
 আনয়ন করন্ত দুর্বল দস্যুর হস্তগত করিয়া-
 ছিল । বাদমাহের প্রথম ক্রোধোদয়ে ইহা-
 রাই বিনক হইবে, আমরা সকলে রক্ষা
 পাইলে পাইতে পারি । আহা ! প্রকৃতদর্শী
 পণ্ডিতেরা উত্তম কহিয়াছেন যে, অশ্বে
 আমাদিগের সমক্ষে অপ্রিয় বাক্য পরিহার-
 পূর্বক যে, সর্বদাই অনৃত বাক্য প্রয়োগ
 করে তাহাও আমাদিগের দোষ । যেহেতু
 অপনারা ক্রমাবান্ হইলে কাহার মিথ্যা
 বলিয়া প্রতারণা করিবার প্রয়োজন থাকে না ।
 সে যাহাহউক, সামন্তবর্গ এইরূপ স্থির করিয়া

ভূভাগ্য বাহকবর্গকে রজ্জুবদ্ধ করিয়া লইল, এবং যেখানে দিল্লীশ্বর আরঞ্জিব মাদুরা নগর সন্নিধানে শিবির সংস্থাপন করিয়া পরম প্রিয়তমা আত্মজার আগমন প্রতীক্ষা করিতে-
 ছিলেন, তথায় শীঘ্র গমনে উপনীত হইল । বাদসাহ স্বীয় ছুহিতা সম্বন্ধীয় দুর্বটন ঘটনা শ্রবণমাত্র যে অত্যন্ত ক্রুদ্ধ হইলেন, সেই-
 গণের অনেক নিগ্রহ করিলেন, এবং ছুরদৃষ্ট বাহকেরা হিন্দু-ধর্মাবলম্বী বলিয়াই যে শীঘ্র দণ্ডিত হইল, তাহা বলা বাহুল্য ।

এখানে শিবিকাপহারীরা বাদসাহ-পুত্রীর শিবিকা বহন করত নানা কুটিল পদবী উদ্ভীর্ণ হইয়া একটা পর্বতীর দুর্গসমীপে উপনীত হইল । তখন রাত্রি অধিক হইয়াছিল, কিন্তু সেই স্থান পর্বতের অধিত্যকা, অতএব তাবা এবং চন্দ্র কিরণে উপত্যকা অপেক্ষা শিথিলান্ধকার ছিল । তথায় কোন বিশেষ সঙ্কেত করিবামাত্র দুর্গস্থিত ব্যক্তির উদ্ভীর্ণ হইতে একটা দোলাযন্ত্র অবতারিত করিয়া দিল । নৃপাল-তনয় বহুবিধ সম্মানপুরঃসর

তাহার উপর আশোহণ করিতে আদিষ্ট হইলে তিনি অগত্যা শিবিকা ত্যাগ করিয়া ঐ দোলাযন্ত্র অবলম্বন করত চক্ষুঃ মুদ্রিতকরিয়া রহিলেন । দোলাযন্ত্র নারিকেলত্বণ্ড নির্মিত কঠিন রজ্জু-সংযোগে নির্বিঘ্নে শূন্যমার্গে উখিত হইল । এইরূপে ক্রমে ক্রমে সকলে ঐ দুর্লভ্য দুর্গ প্রান্তে উর্ভাগ হইলে, দুর্গের কবাট উন্মুক্ত হইল, তখন সকলেই তাহার অভ্যন্তরে প্রবেশ করিল ।

বাদসাহ কন্য়ার আবাস হেতু ঐ দুর্গমধ্যে যে গৃহটী প্রস্তুত হইয়াছিল তাহা প্রদর্শিত হইলে তিনি তাহাতে প্রবেশ করিয়া দেখিলেন, দিল্লীর রাজ-ভবনে বাদশাহ মহামূল্য গৃহোপকরণ শোভাসামগ্রী পরিবর্ত হইয়া থাকিতেন এখানে তাহার কিছুই নাই । কিন্তু প্রয়োজনীয় কোন দ্রব্যেরও অসম্ভাব ছিল না । রাজভবনে হেমপাত্র পরিপূর্ণ আতর গোলাপ মৃগনাভি প্রভৃতি স্নগন্ধি দ্রব্য সকল গৃহ আয়োদিত করিত, এখানে অগুরু চন্দন ও অকৃত্রিম স্নিগ্ধ স্নগন্ধি পুষ্পাদি তাহার সেবার্থে

সমাহত হইয়াছিল । পিত্ৰাশয়ে কাশ্মীরদেশ
প্রস্তুত সালের শয্যায় উপবিষ্ট হইতেন,
এখানে স্ত্রকোমল রোমশ-পশু চক্ষুে আসন
প্রস্তুত হইয়াছিল । কিন্তু সেখানে অন্তঃপুর
রক্ষিণী সৰ্ব্বদা নিষ্কোম কপাণ হস্তে পরিভ্রমণ
করিত, এখানে তাদৃশ কিছুই দৃক হইল না ।

তৎকালে বাদসাহ-পুত্রীর বয়ঃক্রম সপ্তদশ
বর্ষমাত্র হইয়াছিল । তাহাকে যদিও প্রধানা-
স্ত্রীদিগের মধ্যে গণ্য করিতে না পারা
যায়, তথাপি অবশ্যই প্রশ্ন সন্নায়কপা বসিতে
হয় । স্ত্রীলোকেরা অঙ্গ-প্রত্যঙ্গ একটী একটী
করিয়া বিবেচনা করিতে বোমিনারান কোন
কোন অবয়বের কিংকিঞ্চিৎ দোষ নির্বা-
চন করিতে পারিতেন, কিন্তু সদা সস্থশরীর
এবং আনন্দযুক্ত অত্যন্তেরগ থাকিলে মুখ-
মণ্ডলের বাদৃশ মনোহারিতা হয়, নৃপত্নীহিতা
সেই শোভাতেই জনগণের কমনীয়াছিলেন ।
পিতৃ-শত্রুর কবণিত হওয়াতেও তাহার সেই
সৌন্দর্য্যের কিছুমাত্র বৈলক্ষণ্য হয় নাই ।
তিনি মনে মনে জানিতেন পিতা সকল সম্ভান

অপেক্ষা তাঁহার প্রতি অধিকতর স্নেহ করেন, অতএব অচিরাৎ তাঁহার উদ্ধারার্থ যত্ন করিবেন, তাহার সন্দেহ নাই; এবং প্রবল প্রতাপ আরঞ্জের যত্ন করিলে কৃতকার্য হইবার অসম্ভাবনা কি ? । এই ভাবিয়া রোশিনারা নিশ্চিন্ত-প্রায় ছিলােন । বরণ মধ্যে মধ্যে এমনও মনে করিতেছিলে, এই দুর্কোষ দস্যুরা পিতার সন্নিধানে বিপুল অর্থ পাঠাইবার নোভেই আমার শরীর আয়ত্ত করিবাছে, কিন্তু ইহাদিগের অর্থ দাভ হওয়া দূরে থাকুক, জাত-ক্রোধ বাদসাহের সমক্ষে প্রাণ রক্ষা হওয়াও ভার হইবে—আমি সেইসময়ে তাঁহার ক্রোধোপশমের নিমিত্ত যত্ন করিয়া ইহাদিগের মহাসম্ভ্রম-সূচক ব্যবহারের প্রত্যুপকার প্রদান করিব । এইরূপে রোশিনারা অনুদ্বিগ্ন-মনা হইয়া কিঞ্চিৎ উপযোগানন্তর রাত্রি বাপন করিলেন ।

পর দিবস প্রত্যুয়ে গাত্রোখান করিয়া স্বীয় আবাস গৃহ দর্শনার্থ ভ্রমণ করিতেছেন, ইতিমধ্যে দেখিতে পাইলেন, একস্থানে অতি

স্পষ্টাক্ষরে লিখিত ফর্দৌসি, হাজেফ, সেখ সাদি প্রভৃতি মহা কবিগণের পারস্য ভাষায় বিরচিত রমণীয় কাব্য গ্রন্থ সকল সংস্থাপিত রহিয়াছে । রোশিনারা বাল্যাবস্থায় স্বজাতীয় ভাষা পাঠ করিতে শিখিয়াছিলেন । অতএব ঐ সকল গ্রন্থ কিঞ্চিৎ কিঞ্চিৎ পাঠ করিয়া পরমাপ্যায়িত হইলেন । কাব্য পাঠ করিয়া তুষ্ট হইলেন বটে, কিন্তু ঐ গ্রন্থসকল তাদৃশ স্থলে প্রাপ্ত হইয়া তাহার অত্যন্ত চমৎকার জ্ঞানল । অতএব স্নায় পরিচর্যায় নিবৃত্ত দাসীদগকে জিজ্ঞাসা করিয়া, কাহার ঐ সকল পুস্তক এবং কেবা সেই দুর্গস্বামী, জানিতে চেষ্টা করিলেন । কিন্তু এই বিষয়ে কেহই তাহার কৌতুহল পরিপূরণ করিল না । দাসীগণ কেহ বা মৌনাবলম্বী হইয়া রহিল, আর কেহ বা মাতঃ কেহ বা স্বামিনি অথবা কিশোরি ইত্যাদি সমর্বাঙ্গ সন্বেধনানন্তর কহিতে লাগিল “আমাদিগকে মার্জনা করুন—আমরা এই বিষয় কিছুই বলিতে পারিব না—কর্তা স্বয়ং আসিয়া আত্মপরিচয়

প্রদান করিবেন—আমরা এইমাত্র বলিতে পারি, তিনি তোমার মনোরঞ্জনার্থেই এই সকল পুস্তক এবং তোমার সেবার্থেই আমাদিগকে এখানে আনয়ন করিয়াছেন” । এই সকল কথায় বাদসাহ পুত্রীর কোতূহল আরও শত গুণ বৃদ্ধি হইয়া উঠিল । তিনি স্বীয় উদ্ধারের জন্ম যত উদ্ভিগ্ন না হইয়াছিলেন, তাঁহার প্রতি তাদৃশ ভাবসম্পন্ন কে, ইহা জানিবার জন্ম ততোধিক ব্যগ্র হইলেন ।

এইরূপে তিন রাত্রি গত হইল, চতুর্থ দিবস প্রাতে দুর্গ মধ্যে বহু-জন-সমাগমের শব্দ কর্ণগোচর হইল, এবং দাস দাসীবর্গ চকিত হইয়া স্ব স্ব কার্যে ব্যাপ্ত হইতে লাগিল । রোশিনারা এই সকল লক্ষণে অনুমান করিলেন দুর্গস্বামী আসিয়াছেন, অতএব শীঘ্রই তাঁহার সন্দর্শনলাভ করিব । এই স্থির করিয়া কিরূপে তাঁহার সহিত বাক্যালাপ করিবেন তাহাই ভাবনা করিতে লাগিলেন । কিন্তু প্রত্যহ যে সকল দাস দাসী তাঁহার পরিচর্য্যার্থ যাতায়াত করিত,

তদ্ব্যতিরিক্ত আর কেহই গৃহান্তরালে আসিল না। ক্রমে বেলা অধিক হইল, এবং বাদসাহ-পুত্রী অত্যন্ত চঞ্চল-চিত্তা হইয়া আহারে অনিচ্ছা খ্যাপন, পরিচারিকাদিগের প্রতি বৈরভী প্রকাশ, এবং মধ্যে মধ্যে ক্রন্দন করিতে লাগিলেন। কিন্তু সেই অশ্রু বিনির্গমের হেতু পরাধীনতার কেশ, অথবা আপনাকে দুর্গ-স্বামী্যর অবজ্ঞের বোধ, তাহা নির্ণীত হয় নাই—তাহা ভাবুক জনেরই নির্দ্ধার্য।

এমত সময়ে হঠাৎ সেই গৃহদ্বার উন্মুক্ত করিয়া অদৃষ্ট-পূর্বক ব্যক্তিবিশেষ তাহার সম্মুখীন হইলেন। তাহার অনতি দীর্ঘছন্দ, প্রশস্ত ললাট এবং বক্ষঃ, বিশাল গ্রীবা এবং আজানু লম্বিত ভুজ প্রভৃতি সমুদায় বীর-লক্ষণাক্রান্ত শরীর এবং সুন্দর ও সহায় মুখমণ্ডল, একাধারেই বীরত্ব এবং কমণীয়ত্ব গুণের প্রকাশ করিতেছিল। তাহার চক্ষুর্দ্বয়ের জ্যোতিঃ অতি তীব্রা, বোধ হয় যেন তদৃষ্টি সমুদায় প্রতিবন্ধক ভেদ করিয়া সকল বস্তুরই অভ্যন্তরে প্রবেশ করণে সক্ষম। কোন মহা-

কবি কহিয়াছেন যে, চক্ষুরিন্দ্রিয় মস্তিষ্কের অতি নিকটবর্তী বলিয়া উহাই অগ্ণাণ্য অবয়ব এবং ইন্দ্রিয় অপেক্ষা উৎকৃষ্ট স্বভাব-জ্ঞাপক হয় । কারণ যাহাহউক, ফল সত্য বটে তাহা নিসংন্দেহ । ঐ আগন্তুক ব্যক্তির অক্ষিদ্বয় দেখিলেই অতি প্রথর বুদ্ধি এবং তেজস্বী স্বভাব অনুমান হইত । যাহার প্রতি সেই দৃষ্টিপাত হইত তিনি বুঝিতেন, এই ব্যক্তি আমার সমুদায় গুণ অন্তঃকরণ-বৃত্তি পর্য্যা-লোচনা করিতে পারেন, অতএব কেহই তাঁহার নয়নের সাহিত নিজ নেত্রের সঙ্গতি করণে সাহস কবিত না । কিন্তু তাঁহার তীক্ষ্ণ দৃষ্টিই কেবল অধুষ্যতার লক্ষণ ছিল । নচেৎ আর সর্ব-মুখাবয়ব মাধুর্য্যভাব প্রকাশক এবং যথা-বিদ্যস্ত প্রযুক্ত স্নদৃশ্য ও স্ফূর্তিপ্রদ । ফলতঃ পুরুষ-শরীর বলবিক্রম প্রকাশক না হইলে সম্পূর্ণরূপে স্মশোভন হয় না । ঐ শরীরে তাহার কিছুমাত্র অভাব ছিল না । কিন্তু উহা অপরিসীম বীর্য্যবান্ হইয়াও একান্ত কর্কশ অথবা অকোমল বলিয়া অনুভব হয় নাই ।

তাদৃশ ব্যক্তি হঠাৎ বাদসাহ পুত্রীর সম্মুখীন হইয়া ঈষদবনত-মস্তকে অভিবাদন করত নিজ বক্ষে বাহুবিস্থাপ পূর্বক দণ্ডায়মান হই-
 হেন । বাদসাহ-পুত্রী তাহার আপাদমস্তক
 নিরীক্ষণ করিয়া নিতান্ত অসন্তুষ্ট হইলেন
 বোধ হয় না । বাহাহউক, আগন্তুক তাহার
 প্রতি সন্মোহ-দৃষ্টি সহকারে মৌনাবলম্বনে
 বহিলেন দেখিয়া রোসিনারা মুত্থস্বরে জিজ্ঞাসা
 করিলেন । “কোন্ ব্যক্তি আমাকে এইরূপ
 আতিথ্য স্বীকার করাইতেছেন আপনি বলিতে
 পারেন” ১ । আগন্তুক উত্তর করিলেন
 ‘শিবজী’ । বোশিনাদ কহিলেন—“আমি
 দিল্লীশ্বর আরঞ্জিবের কন্যা, কি জন্ম এবং
 কোন্ সাহসেই বা শিবজী আমার গমনের
 ব্যাঘাত করিয়া এই দুর্গমধ্যে আনয়ন করি-
 লেন” ২ । “আপনি বাদসাহ-পুত্রী তাহা
 অপরিজ্ঞাত নহে—এবং শিবজী বাদসাহেব
 সহিত স্থির মোহাদ্দ এবং সম্বন্ধ নিবন্ধন
 করিবার অভিপ্রায়েই তদুহিতাকে এস্থানে
 আনয়ন করিয়াছেন” । “একি অসঙ্গত কথা!

অঙ্গুরীয় বিনিময় ।

তৈমুর বংশসম্ভূত দিল্লীশ্বরের সহিত পৰ্ব্বতীয়
দস্যুর সম্বন্ধ নিবন্ধন” ! শিবজী কিষ্কিৎক্ষণ
নতশিরঃ থাকিয়া মুখোভোলন পুরঃসর উত্তর
করিলেন । “আপনি যে রূপে শূনিয়াছেন সেই-
রূপে কহিবেন আশ্চর্য্য নহে । বস্তুতঃ আমি
দস্যুরূপি নহি । আমি এই পৰ্ব্বতীয় দেশের
স্বাধীন রাজা ! যদি বলেন আমার বংশমর্য্যাদা
এরূপ নহে যে, তৈমুরলঙ্গ বংশীয় কন্যার
পাণিগ্রহণ যোগ্য হই, তাহার উত্তর এই, যে
তৈমুরলঙ্গ প্রভৃতি যে সকল ব্যক্তি দিগ্বিজয়
করিয়া দিগন্ত-বিশ্রুত-নাম হইয়াছেন, তাহা-
দিগের ঋশে জন্ম অপেক্ষা যিনি তাহাদিগের
ন্যায় স্বয়ং সাম্রাজ্য সংস্থাপনে প্রবৃত্ত এবং
সক্ষম, তিনি কি সহস্রগুণে প্রধান নহেন ? ।
আমি এই পৰ্ব্বতোপরিষ্ণ্ড প্রস্রবণ সদৃশ
হইয়াছি, আমার মহারাষ্ট্রে সেনা বেগবান্
নির্ধরতুল্য হইয়া সমুদায় উপত্যকা আক্রমণ
করিয়াছে, এবং অচিরকাল মধ্যে তৎকর্তৃক
তাৰং ভারতরাজ্য প্লাবিত হইবে । আমাকে
তাৰংকাল জীবদ্দশায় থাকিতে হইবে না,

কিন্তু আমি সেই দিন অদূরে দেখিতেছি, যখন মৎপ্রতিষ্ঠিত সিংহাসনোপবিষ্ট রাজগণ দিল্লীর রাজকোষ হইতেও করাকর্ষণ করিবে। সে যাহাহউক, আপনি এক্ষণে নিরুদ্বেগে অবস্থিত করিতে থাকুন। কেবল মাত্র এই দুর্গ পরিত্যাগ করিতে পারিবেন না, নচেৎ আর আর সর্ব বিষয়ে যথেষ্ট ব্যবহারের কোন প্রতিবন্ধকতা নাই। আমি এক্ষণে প্রত্যহ এক একবার মাঙ্কাংকারমাত্র প্রার্থনা করি। বোধ হয় কালে আমাকে দস্যু অপেক্ষা কিছু ভাল বোধ হইলেও হইতে পারে। এক্ষণে বিদায় হই”।

এই বলিয়া শিবজী অতি মধুর হাস্য-মুখে বাদসাহ-পুত্রীর প্রতি স্নিগ্ধ-দৃষ্টি করত প্রশ্নান করিলেন।

দ্বিতীয় অধ্যায় ।

অস্বাদেশে 'মোগল পাঠান' নামক একটা যুদ্ধানুকরণ ক্রীড়া প্রচলিত আছে, সকলেই জানেন। কিন্তু যাহাদের ইতিহাস পাঠ করা নাই তাহারা জানেননা যে, ঐ ক্রীড়াটি হুই প্রবল মসলমান জাতির পূর্বকালীন বাস্তবিক বৈরিত্ব প্রকাশক। ভারতবর্ষ সর্বপ্রথমে সিহু-নদের পশ্চিমাঞ্চলবাসী পাঠান জাতীয় মসলমানদিগের কর্তৃক আক্রান্ত এবং পরাজিত হয়। তাহারা অগ্রে ইহার উত্তরাংশ পরে দক্ষিণ ভাগ জয়-লব্ধ করে। কিন্তু সুবিস্তীর্ণ ভারতরাজ্য বহুকাল একচ্ছত্র থাকিবার নহে। নর্মদা নদীর দক্ষিণাঞ্চল অতি শীঘ্রই স্বতন্ত্র ভূপাল বংশের অধিকৃত হইল। ইহারই কিছুকাল পরে হিমালয়ের উদ্ধরাংশ-নিবাসী মোগল জাতীয়েরা আসিয়া দিল্লীস্থ পাঠান বাদসাহকে সিংহাসন-চ্যুত করিল। কিন্তু দক্ষিণ দেশের পাঠান রাজারা বহুকাল স্বাধীন ছিলেন। প্রবল 'প্রতাপ

মোগলদিগের সহিত যুদ্ধে তাঁহাদিগের দিন দিন বল হীন হইতে লাগিল, তথাপি উহাদের রাজধানী বিজয়পুর কখন সর্ব্বতোভাবে শত্রুগ্রস্ত হয় নাই।

এতাদৃশ সময়েই শিবজীর জন্মগ্রহণ হয়। তিনি অতি অল্প বয়সেই দেশের প্রকৃত অবস্থা বুঝিতে পারিয়া অসামান্য বুদ্ধি শঙ্কারে কখন বা মোগলদিগের সহায়তা করিয়া কখন বা পাঠানদিগের পক্ষ হইয়া, আপনার বল বৃদ্ধি করিতে লাগিলেন। তিনি স্থির নিশ্চয় করিয়াছিলেন, বিধর্ম্ম মুসলমানদিগের উভয় পক্ষের মধ্যে কাহারও সহিত তাঁহার স্থির সখ্য হইবার সম্ভাবনা নাই। তিনি জানিতেন যে, এক জাতীয় রাজারা যে সকল যুদ্ধে প্রবৃত্ত হবেন, তাহার শেষে সন্ধি-বন্ধন হইয়া সমুদায় বিবাদ নিষ্পন্ন হইতে পারে, কিন্তু যেখানে জাতিবিশেষ প্রবল হইয়া পার্শ্ববর্তী অপর জাতীয়দিগের পরা প্রিয়তর ধন ধর্ম্ম বিনাশে যত্নশীল হয়, সেখানে আর সন্ধির কথা থাকে না। সেখানে যত কাল

একের সম্পূর্ণ তেজোহ্রাস, অথবা সমূলে সংহার না হয়, তাবদ্দিন সমরাগ্নি প্রজ্বলিত হইতে থাকে । শিবজী এইরূপ বিবেচনা করিয়াই তাদৃশ চতুরতা প্রকাশ করিয়া-ছিলেন ।

কিন্তু চতুরতা অপেক্ষাও তিনি যে সকল নিয়ম-নিবন্ধন এবং সৈন্য-শিক্ষার উৎকৃষ্ট উপায় করেন, তদ্বারা অধিক কার্য সাধন হয় । তাঁহার পৈতৃক অধিকার পুনা প্রদেশে অতি সবল-শরীর এবং প্রভুপারায়ণ এক প্রকার সঙ্কর জাতি নিবাস করিত । শিবজী সেই সকল লোককে সুশিক্ষা-সম্পন্ন করিয়া খড়্গ এবং মল্ল-যুদ্ধ-বিশারদ 'মাওলী' নামক পদাতি সৈন্য প্রস্তুত করেন । আর অনতি-দূরবর্তী বরগা, রেবা ও ভীমা প্রভৃতি নদীকূলে এক প্রকার খর্ব্ব-গঠন বীর্য্যবান্ অশ্বজাতি প্রসূত হয় । মহারাষ্ট্রপতি সেই সকল স্থান স্বধিকার-সম্পূর্ণ করিয়া 'বর্গী' নামক উত্তম অশ্বারোহী সৈন্য প্রস্তুত করেন । অপরন্তু পরশুরাম-ক্ষেত্র (যাহাকে কঙ্কন দেশ বলে)

জয়লব্ধ হইলে তত্রত্য নিকৃষ্ট জাতীয় অনেককে সৈন্য সম্বুক্ত করিয়া গোলন্দাজ এবং ধানুস্ক প্রাপ্ত করত পদাতিদিগকে 'হিতকরী' এবং অশারোহী সকলকে 'সিগিদার' আখ্যা প্রদান করেন। আর তথাকার যে সকল ব্রাহ্মণ তাঁহার সৈন্যে নিযুক্ত হয়, তাহার নানা প্রকার রূপ ধারণ করিয়া—কখন সন্ন্যাসী কখন গণক এবং কখন বা ফকীর অথবা ঐন্দ্রজালিক ইত্যাদি বেশে নানা দেশে ভ্রমণ করিয়া তত্তৎস্থলের সমুদায় রহস্য সন্ধান আনিয়া শিবজীর কর্ণগোচর করিত। এই সকল চর 'বাসু' নামে বিখ্যাত হইয়াছিল। ঐ বাসুদিগের সহায়তায় শিবজী নানা সঙ্কট উত্তরণ এবং বিবিধ প্রকারে শত্রুদ্রোহ করণে সমর্থ হইয়াছিলেন। তাহারাই 'শল্লীধর-কণ্ডার . পিতৃ সন্নিধানে আগমন বার্তা তাহাকে জ্ঞাপন করে, এবং সেই সংবাদ পাইয়াই তিনি রোদিনারাকে পূর্বোক্ত প্রকারে হরণ করিয়া আনেন।

শিবজী বাদসাহ-খুল্লীকে হরণ করিয়া

যে দুর্গ মধ্যে আনয়ন করেন, তাহা দুর্লভ্য ।
তথায় শত জন সাহসী ব্যক্তি মিলিত হইলে
দশসহস্র বিপক্ষ সেনাকে পরাভব করিতে
পারে । বিশেষতঃ তাহার পথ শিবজীর
নিজ অনুচর ব্যতীত আর প্রায় কাহারও
জ্ঞাত নহে, সুতরাং তথায় রাজ-পুত্রীকে
আনিয়া তিনি তদপগমন বিষয়ে এককালে
নিঃশঙ্ক হইরাছিলেন ।

রোসিনারা সেই স্থানে কিছুকাল বাস
করিতে করিতে ক্রমে শিবজীর যত্নে এবং
মাধুর্য্যভাবে বশীভূতা হইলেন । তিনি এক
দিনের জন্ম ও শত্রুগ্রস্ত হইয়াছেন এমত অনু-
ভব করিতে পারেন নাই । যখন বাহা ইচ্ছা
করিতেন তৎক্ষণাৎ তাহা প্রাপ্ত হইতেন ।
বস্তুতঃ পিত্রালয়ে যেরূপ সর্বদা গৃহ-পিঞ্জর-
নিরুদ্ধা থাকিতেন, ঐখানে তদপেক্ষা অনেক
গুণে স্বাধীনা হইলেন । মহারাষ্ট্রপতি প্রত্যহ
এক একবার করিয়া তাঁহার নিকট আসি-
তেন এবং কথোপকথন কালে অতি সরল
মনে আপনার পূর্ব বৃত্তান্ত এবং ভবিষ্যৎ

কল্পনা সমস্ত সবিস্তার বর্ণন করিতেন । সেই সকল আশ্চর্য্য বিবরণ এবং মহতী মন্ত্রণা সমুদায় পুনঃ পুনঃ কর্ণগোচর হওয়াতে বাদ-সাহ-পুল্লী ক্রমে ক্রমে সেই বীর পুরুষের সহিত মিলিত-জীবন হওয়া প্রার্থনীয় বোধ করিতে লাগিলেন । যাহারা এই শুনিয়া এমন অকৃতমান করিবেন যে, শুবুদ্ধি শিবজী কেবল কৌশল দ্বারা সোঁসিনারার মনো-হব করিলেন, তাহারা মনুষ্য প্রকৃতির বাস্তবিক রহস্যানুসন্ধারী নহেন । সত্য বটে, যখন শিবজী আরঞ্জিব কন্যাকে উপত্যকা মধ্য হইতে হরণ করিয়া আনেন, তখন শত্রুদ্রোহ মাত্র তাহার অভিপ্রেত ছিল, তিনি অদৃষ্ট-পূর্ব্বা সোঁসিনারার প্রতি প্রীতি-সম্পন্ন ছিলেন না । কিন্তু ক্রমশঃ তাহার অন্তঃকরণে যথার্থ অনুরাগের সঞ্চার হয়, এবং তাহা হইয়াছিল বলিয়াই তিনি ঐ নব কিশোরীর হৃদয়াকর্ষণে এমত বাট্টিত সক্ষম হইলেন । মনুষ্যেবা যতই কেন কৌশল অবলম্বন করুন না, এবং ঐ কৌশলকে যতই

কেন কার্যক্ষম বোধ করুন না, ফলতঃ তদ্বারা অকাল্পনিক প্রীতিভাভ 'কর' কোন ক্রমেই সম্ভাবিত নহে । রোসিনারা স্ত্রীলোক, এবং স্ত্রীলোক মাত্রেই বিলক্ষণ জানেন যে, মিক্ট কথা সমাজিকতা হইতে উদ্ধৃত হইতে পারে, অলঙ্কারাদি উপচোকন প্রদান কেবল বদান্যতা হইতেও জন্মে, কিন্তু যে নায়ক নানা কার্য-ব্যাপ্ত হইয়াও নিজ সময় দানে পরল্পুথ নহেন, তিনি বাস্তবিক স্নেহভাব-সম্পন্ন তাহার সন্দেহ নাই । শিবজী প্রত্যহ যে সকল মন্ত্রণা করিতেন তাহা ব্যক্ত করিয়া রোসিনারাকে শ্রবণ করাইতেন, এবং পর-দিবস, পূর্বদিন কিরূপে সমুদায় কার্য সম্পন্ন করিয়াছেন, তাহা আশুপূর্বিক বর্ণন করিয়া আবার নূতন নূতন মন্ত্রণা স্থির করিয়া যাই-তেন । অতএব বাদিসাহ-পুত্রী আপনাকে তাঁহার একান্ত বিশ্বাস এবং প্রীতি-ভাজন বুঝিয়া ক্রমে ক্রমে তাঁহার সহিত একমত হইবেন আশ্চর্য্য নহে ।

এই সময়ে আবার এমত একটা ঘটনা

উপস্থিত হয়, যৎকর্তৃক বাদসাহ কন্যার মন শিবজীর নিতান্ত বশীভূত হইল । রোসিনারা প্রত্যহ বৈকালে বিমল-পর্বত-বায়ু সেবনার্থে দুর্গ প্রাকারে গমন করিতেন । একদা ঐ সময়ে কোন সৈন্যাধ্যক্ষের নয়ন গোচর হইল । সেনানী তাহার লাভণ্য দর্শনে মোহিত হইয়া তৎসমীপে স্থায় মনোগত ব্যক্ত করিলে অত্যন্ত তিরস্কৃত হইয়াছিলেন, এবং সেই তিরস্কারে ক্রুদ্ধ হইয়া বাদসাহ পুত্রীর প্রতি কুবাক্য প্রয়োগ করেন । শিবজী সেই সময়ে কার্য্যান্তরে গিয়াছিলেন । প্রত্যাগমনান্তর এই বৃত্তান্ত শ্রবণ করিয়া তৎক্ষণাৎ রোসিনারার নিকট গমন পূর্বক তৎপ্রমুখাৎ সমুদায় বিদিত হইলেন, এবং অবিলম্বে দুর্গ-রক্ষী তাবৎ ব্যক্তিকে স্বসমীপে আহ্বান করিয়া উক্ত সেনানীর সম্বোধনান্তর কহিতে লাগিলেন, “তুমি অদ্য অতি জঘন্য কৰ্ম্ম করিয়াছ, দুর্বলদিগের রক্ষা করাই যোদ্ধাদিগের ধৰ্ম্ম, তাহাদিগের পীড়ন করা বীর পুরুষের কৰ্ম্ম নহে, তুমি যে স্ত্রীলোকের অপমান

করিয়াছ আমাকেই তাহার রক্ষিতা বলিয়া জান, এবং এইক্ষণে অঙ্গুধারী হইয়া আমার সহিত দ্বৈরথ্য যুদ্ধে প্রবৃত্ত হও।” এই বলিয়া মহারাষ্ট্রপতি সর্ব সমক্ষে অসিচর্ম্ম ধারণ পূর্ব্বক অগ্রসর হইয়া দণ্ডায়মান হইলেন। বিচক্ষণ ব্যক্তির যে এক একটা কষ্ট করেন, তাহার নানা ফল হয়, অশ্লুদাদির শত কার্য্যও একটা অভিপ্রেত সাধনে সমর্থ হয় না। দেখ, শিবজী রাজ-শক্তি অবলম্বন বারা অনায়াসেই অপরাধীর দণ্ডবিধান করিতে পারিতেন। কিন্তু তাহা না করিয়া ঐ বদবান্ পুরুষের সহিত হৃদ সংগ্রামে প্রাণ-পণ করাতে একেবারে বাদসাহ-পুত্রীকে কৃতজ্ঞতা পাশে বদ্ধ এবং নিজ অনুচর বন্ধুবর্গকে বিশিষ্ট ভক্তিভাজন করা হইল।

পরে শিবজী এবং সেনানী উভয়ে দমন রূপ অঙ্গুধারণ করিয়া রণস্থলে অবতীর্ণ হইলেন। উভয়েই এক সময়ে স্ব স্ব রূপাণ কোষ ভূতলে নিক্ষেপ করিলেন। উভয়ে উভয়ের প্রতি বদ্ধদৃষ্টি হইলেন। এবং উভয়েই একো-

দ্যমে পৃথ্বী, আকাশ, পর্বত প্রভৃতির শোভা
 সন্দর্শন করিয়া যেন সকলেব স্থানে জন্মের
 মত বিনাম গ্রহণ করিলেন । ক্রমে তাহারা
 শনৈঃ শনৈঃ পাদচারে পরস্পর নিকটাগত
 হইতে লাগিলেন । হ্যাৎ শিবজী শ্যেবৎ
 বেগে উল্লম্ব প্রদান-পূর্বক সেনানীর ঢালে
 আপন ঢালের দত প্রহার করত সেই উদ্যমেই
 তাহার প্রতি খড়্গ প্রয়োগ করিলেন । প্রয়োগ
 যথ হইল না । সেনানীর স্কন্ধদেশ হইতে
 শান্ত দ্বারা বিগলিত হইতে লাগিল ।
 দ্বিতীয় আক্রমণেও ঐকপ হইল । প্রতিপক্ষ
 এইরূপে দুই বার আহত হইলে তৃপ্তিত-মন্ম
 হইয়া মহা ক্রোধ সহকায়ে মহারাষ্ট্রপতির
 প্রতি আক্রমণ করিল । সেনানী, শিবজী
 অপেক্ষা শিক্ষা এব বিক্রমে ন্যূন ছিল বটে,
 কিন্তু পারীরিক বলে এব দৈব্যতায় তাহা
 অপেক্ষা অনেক উৎকৃষ্ট ছিল । অতএব
 তাহার বিক্রান্ত ভুজবলে পরিচালিত তীক্ষ্ণধার
 অসির প্রহার হইলে শিবজী তৎক্ষণাৎ ছিন্নশীর্ষ
 হইতেন । কিন্তু তিনি নিজ ফলক দ্বারা সেই

খড়্গবেগ নিবারণ করিয়া রক্ষা পাইলেন ।
 বক্ষা পাইলেন বটে, কিন্তু ঐ আঘাতে তাহার
 কলক একেবারে নিকা হইয়া গেল । শিবজী
 ব্যর্থ চন্দ্র পরিত্যাগ করিয়া অতি সাবধানে
 যুদ্ধ করিতে লাগিলেন । তিনি ক্ষণে বিপ-
 ক্ষেব প্রতি আক্রমণ, ক্ষণে দূরে পলায়ন-
 করণ শত্রুর দক্ষিণ ভাগে, কখন বানে, এই
 তাহার সম্বন্ধে, তাহার নিমেষ মাথাই
 পশ্চাতে, এইরূপে ছুঁকার করিয় ত্রু-
 করাতে, শত্রু অত্যন্ত ব্যস্ত এবং ক্রমশঃ
 শোণিত প্রস্রবণে নিতান্ত হীন-বল হইয়
 দণ্ডায়মান হইল । শিবজীও তৎক্ষণাৎ প্রত্যা-
 প্রযোগ করিলেন, এবং সেনানী সেই তাহ-
 তেই আর্ভনাদ সহকারে ভূতল-শাধা হইল ।

মহারাজপতি এই প্রকারে লক্ষ-বিজয়
 হইলেন বটে, কিন্তু আপনিও সম্পূর্ণ অক্ষত-
 দেহ ছিলেন না । সেনানীর দারুণ প্রহাবে
 কেবল তাঁহার কলকই ভিন্ন হইয়াছিল এমত
 নহে । খড়্গটা তাল ভেদ করিয়া কিঞ্চিৎ
 বক্রীভাবে তাঁহার স্কন্ধে নিপতিত হইয়াতে

অসুবীজ্য বিনিময় ।

তথাকার অস্থি ভগ্ন হইয়াছিল। তজ্জন্য অধিক শোণিত পাত হয় নাই। কিন্তু আন্ত-বিরক পীড়ার পরিদীমা ছিল না। তথাপি রেশ-সহিষ্ণু দৃঢ় প্রতিজ্ঞ জনের কি মানসিক বল। শিবজী যুদ্ধ বালে অথবা তদবসানে তিলার্কেও সাতরতা প্রকাশ করিলেন না। সেনানীর মৃতবৎ দেহ রজ্জ্ববদ্ধ করিয়া দুর্গ-স্বর্হর্ভাগে অবতারণিত করিবার অহুমতি প্রদান করিলেন, এবং অগ্নান মুখে সকলকে স্ব-স্ব স্থানে বাইতে করিয়া পরে নিজ আহাদ গৃহে প্রবিষ্ট হইলেন।

কিন্তু ইহা কণেই প্রচার হইল। হারাষ্ট্র-পতি যদে আহত হইয়া অত্যন্ত পীড়াগ্রস্ত হইয়াছেন। এই দুঃসমাচার রোসিনারার কর্ণগোচর হইবামাত্র তিনি সাতিশয় উদ্ভিগমনা হইয়া এক জন পরিচারিক। সমভিব্যাহাবে শীঘ্র তাহাকে দর্শন করিতে আনিলেন। আসিয়া শিবজীর শয্যার এক পার্শ্ব বসিয়া তাহার মস্তকে স্বীয় কোমল কর অর্পণ করিবা-মাত্র শিবজী উন্মীলিত নেত্র এবং সহাস্র

মুখ হইয়া তাঁহার অভ্যর্থনা করিলেন । রোসিনারা বাক্যদ্বারা কিছুই জিজ্ঞাসা করিলেন না । কিন্তু শিবজী তাহার বিজ্ঞাস্ত নয়ন দ্বয়কে আশ্বাস বাক্যে উত্তর করিলেন “শস্ত্র ব্যবহারী মাত্রেবই এইরূপ হইবার সম্ভাবন, কিন্তু তোমাকে আমার নিমিত্ত কাতর দেখিব, এমন সুখ হইতেছে যে, তজ্জন্য এমত বেদনা শত শত বার ভোগ করা ও প্রার্থনীয় অনুমান হয়” । রোসিনারা ঈশ্বর-জ্ঞানিতা হইয়া এই মাত্র উত্তর করিলেন “আমিই এই অনর্থক বল” । এই বলিয়া তিনি মহারাষ্ট্রপতির গাত্রে হাত বুলাইতে লাগিলেন আর মনে মনে স্থির করিলেন ইনি যে পর্য্যন্ত স্তম্ভ না হবেন তাবৎকাল সেবা করিয়া এই কৃতজ্ঞতা ধাণ পরিশোধের যত্ন করিব । আহা ! স্বীলোকেরা কি গনুজগণের দুঃখ দূর করণার্থই সৃষ্ট হইয়াছেন ! তাঁহারা সম্পদ এবং সুখ সময়ে বেরূপ হউন, কিন্তু প্রিয় জনের দুঃখ উপস্থিত হইলে আর অন্যভাব থাকে না । বিশেষতঃ রোগীর সেবায় সহিষ্ণু-প্রকৃতি

স্ত্রীলোকে বা যে প্রকার নিপুণ এবং মনোযোগী
 পুরুষেরা কদাদি সেরূপ হইতে পারে না ।
 কে না দেখিয়াছেন, মাতা নিজ পীড়িত শি-
 শুকে ক্রোড়ে শয়ান করাইয়া আহার নিদ্রা
 পারিহারপূর্ব্বক কেবল তাহার মুখার্চিত নয়নেই
 দিবারাত্রি যাপন করেন ?—কোন ব্যক্তি
 রোগ-সন্তপ্ত হইয়া নিজ মহোদরাদিগের অন্তঃ-
 করণে ভ্রাতৃবাৎসল্য ভাবের অনুভব না
 করিয়াছেন ?—আর কে বা তাদৃশ দুঃসময়ে
 নিজ প্রণয়িনীর কোমল করস্পর্শ সুখানুভব
 করত আপনাকে বিগত-ক্লেশবৎ দর্শাইয়া
 প্রিয়তমার অন্তঃকরণের দুঃখভার নোচন
 করিবার যত্ন না করিয়াছেন ?—অপিচ, কন্যা
 পুত্রবস্ত কোন ব্যক্তি পীড়িত হইলে তাহার
 কোন সন্ততিগণের কাকলীশ্বর অধিকতর মধুব
 হয় ?—বাহারদিগের মুদুমন্দ পাদবিক্ষেপ
 একেবারে নিঃশব্দ হইয়া যায় ?—আর কাহার
 ধ্বংসভাব ভ্রাতৃবর্গকে সান্ত্বনা করিয়া রাখে ?
 অতএব আশৈশব মুদুম্ভাব স্ত্রীজাতিই
 পীড়িত জনের প্রতি বিশিষ্ট সমবেদনা খ্যাপন

করেন । ইটি তাঁহাদিগের একটি প্রাকৃতিক ধর্ম প্রায় বোধ হয় ! দেখ বাদসাহ-পুত্রী রোসিনারা কখন কাহার সেবাস্বশ্রমা করেন নাই । তথাপি স্বইচ্ছায় শিবজীর পার্শ্ববর্তিনী হইয়া তাহার ক্লেশ নিবারণার্থ নিরন্তর যত্ন করিতে লাগিলেন । তাঁহার পরিশ্রম সম্পূর্ণই সফল হইল । শিবজী কতিপয় দিবস মধ্যেই স্বাস্থ্যলাভ করিলেন । আর তাহার এই একটি অধিক লাভ হইল রোসিনার তৎ প্রতি নিরন্তর সমবেদনা খ্যাতি কবত তাঁহার সহিত মিলিত-মন এবং বন্ধ-প্রণয় হইলেন । না হইবেন কেন ? যেমন স্তব্ধ-খণ্ডের অগ্নিতাপে উত্তপ্ত হইলে সহজেই সংযুক্ত হয়, তেমনি মনুজদিগের মনও দুঃখ-পরিতপ্ত হইলে শীঘ্র বন্ধ-সৌহার্দ হইয়া থাকে । অতএব মহারাষ্ট্রপতি একদা অনুরোধ করিলে তৎপত্রী স্বীকার করণে তখন তাঁহার যে প্রতিবন্ধক ছিল তাহা তিনি একটি পারশ্ব কবিতার অর্থ করিয়া প্রকাশ করিলেন “গুরু-জনের অসম্মত কৰ্ম পরিণামে

মঙ্গলাবহ নহে” কিন্তু তাহার কোন উপায়
হইলে উভয়েই স্তর্খী হই” ।

তৃতীয় অধ্যায় ।

যে মহারাষ্ট্র সেনানী শিবজী কদুক আহত
এবং পরাভূত হইয়া দুর্গ বহির্ভাগে অবতারণিত
হইয়াছিলেন, তিনি সম্পূর্ণ প্রাণসম্বন্ধ বর্জিত
হয়েন নাই । কিয়ৎক্ষণ পরে তিনি চৈতন্য
প্রাপ্ত হইয়া নিজ শিরস্ত্রাণ বস্ত্র ছিন্ন করত
ক্রমে ক্রমে সমুদায় ক্ষতভাগ বন্ধন করিলেন ।
এবং তদ্বারা শোণিত প্রশ্রবণ নিবারণ হইলে
নিকটবর্তী বৃক্ষমূলে শয়ন করিয়া রহিলেন ।
সেই রা'ত্র যে তাহার জীবদশাব দাপন
হইবে এমত কিছুমাত্র সম্ভাবনা ছিল না ।
মলয় পর্বতে বহু হিংস্রজন্তুর আবাস, বিশে-
ষতঃ তথায় ব্যাঘ্র এবং সর্পভয়, বঙ্গদেশীয়
সুন্দরবনের অপেক্ষা ন্যূন নহে । কিন্তু দেবা-

ধীন সেই রাত্রি নির্বিঘ্নে প্রভাত হইল । পরন্তু পূৰ্ব্ব দিবস অপেক্ষাও তাহার শরীর অধিকতর ব্যথিত দুর্বল ও তৃষ্ণায় শুষ্ক-কণ্ঠ-তায় হইয়াছিল । পিপাসার পীড়ায় কাতর হইয়া সেনানী ক্রমে ক্রমে নিকটস্থ নিবাস পার্শ্বে গমন করিয়া সেই পবিত্রে বারি পান দ্বারা শরীর স্নিগ্ধ করিলেন । এবং পুনর্বার নিতান্ত দৌৰ্বল্য প্রদত্ত তথায় নিদ্রাভিভূত হইয়া রহিলেন । সেই দিবা এবং রাত্রি এই-রূপে গত হইল । কিন্তু পবদিন অনেক শুষ্ক এবং সবল হইলেন । তিনি যেক্রমে আহত হইয়াছিলেন, মদ্যমাংস ভুক্ত হইলে অবশ্যই মৃত্যু কবলিত হইতেন । কিন্তু শিবজীব প্রাণ সকল সৈন্যই শিব-পরায়ণ ছিল, মদ্যমাংস ভোজন করিত না, অথচ তাহারা কখন পাবিশ্রম-বিনুথ বা অধ্যবসায়-বিহীন হব নাই । যাহাহউক, সেনানী দিন দিন কিঞ্চিৎ কিঞ্চিৎ সবল হইয়া বহু-কাল ভোজন এবং সেই নিবাস অনুপান দ্বারা জীবন ধারণ করিতে লাগিলেন । সপ্তাহ এইরূপে গত হইলে, তিনি

অস্বাভাবিক বিনিময় ।

ক্রমে অতি মৃত গমনে স্থানে স্থানে পুনঃ পুনঃ
বিশ্রাম করত প্রশ্ন করিতে লাগিলেন ।
পরে সমুদায় পর্বতীয় পথ উল্লীর্ণ হইলে
আবজ্ঞেব বানসাহের কোন সেনানীর সন্দাবার
তাহার দৃষ্টিগোচর হইল । ছুৰ্ব্বন্ধি মহারাষ্ট্র
সেই শিবির সন্নিহিত হইয়া প্রহরীগণকে
কতিন তোমরা আমাকে সেনানীর সঙ্গীপস্থ
কর, আমি শিবজীকে প্লত করিবার উপায়
বলিয়া দিব । শিবির-রক্ষীগণ তৎক্ষণাৎ
তাহাকে সমাদর করিয়া সেনাপতির নিকট-
নয়ন করিল । মুসলমান সৈন্যপতি তাহার
আপাদ মস্তক নিবীক্ষণ করিয়া কহিলেন, “রে
মহারাষ্ট্র ! তোর বেশভূষায় দেখিতেছি তুই
শিবজীর অনুচর হইনি, অতএব কি প্রয়োজনে
এই সৈন্য মপ্যে আসিয়াছিস্ বল ?” মহারাষ্ট্র
আপন শরীরের ক্ষতভাগ সকল দেখাইয়া
কহিল “ও ছুরায়া এক্ষণে মহারাষ্ট্রপতি নাম-
ধেয় হইয়াছে সেই আমার এই দশা করিয়াছে ।
এই সকলের শোধ দেওয়াই আমার এখানে
আসিবার তাৎপর্য্য ।” “কিন্তু তোর কথায়

অঙ্গুরীয় বিনিময়

আমার বিশ্বাস হইবার সম্ভাবনা কি ? যে স্বজনের অহিতাচরণে প্ররভ, শত্রুর বিশ্বাস-হস্তা হইতে তাহার কতক্ষণে ? । মহারাষ্ট্রে কিঞ্চিৎ ক্রোধ করিয়া উত্তর করিল ' যদি আমার দ্বারা স্বকার্য্য সাধনে আপনাদ এতই অনিচ্ছা হয়, তবে অন্য কোন মুসলমান সেনাপতির নিকট নাই । " এই বলিয়া গমনোদ্যম করিলে বাদসাহের সেনাপতি ভাবিলেন, এই ব্যক্তির আকার ইঙ্গিতে বিনক্ষণই বোধ হইতেছে যে, শিবজী কর্তৃক আহত হইয়া ক্রোধপরতন্ত্রতা প্রযুক্ত আসিয়াছে । যদি অন্য কেহ ইহার সহায়তায় এই যুদ্ধে কৃতকাব্য হয়, তবে তাহারই সম্পূর্ণ বশোলাভ হইবে । অতএব ইহাকে বাইতে দেওয়া কল্পব্য নহে । এইরূপ বিবেচনা করিয়া তিনি মহারাষ্ট্রকে আহ্বান করিয়া কহিলেন, "তোমাকে হিতৈষী বলিয়া স্বীকার করিলাম, যদি কোন প্রকারে সেই দস্যুকে আমাব হস্তগত করিতে পার তবে যথোচিত পুরস্কার করিব । " মহারাষ্ট্র কহিল, "আমার অন্য

পুরস্কারে প্রয়োজন নাই । আমি অর্থ লোভে জন্ম-ভূমির অপকারে প্রবৃত্ত নহি । কেবল সেই চুরাত্মার শোণিত দর্শন করিতে চাই । কিন্তু যে পর্য্যন্ত আমার সেই মানস দিক্ক না হবে, তাবৎকাল বাদসাহের পক্ষ হইলাম ।”

মসলমান সেনানী এই কথায় কিঞ্চিৎ চমৎকৃত এবং ক্রুদ্ধ হইলেন । তিনি জানিতেন না যে, সকল জাতিরই অহাদয় কালে তত্তৎ-জাতীয় জনগণের ধর্ম্ম-বৃদ্ধি প্রবল হয় । এমন কি, সেই জাতীয় অতি নিকৃষ্ট-তামস-প্রকৃতি জনের মনেও কিঞ্চিৎ তেজস্বিতা প্রতী-
 তমান হইয়া থাকে । শিবজীর সময় মহ-
 বাহুদিগেরও সেই রূপ হইয়াছিল । এ-
 তাহা হইয়াছিল বলিয়াই তিনি লোকান্তর
 পাত হইলেও মহারাষ্ট্রিগেরা ক্রমশঃ প্রবল
 হইয় প্রায় সন্যদায় ভারতবর্ষের উপরে কর্তৃত্ব
 লাভ করিয়াছিল । তাহারা সন্যদায় ভারত
 রাজ্যকে কখন স্বদেশ বলিয়া বোধ করে নাই
 বটে । কারণ এই বিস্তীর্ণ দেশ নানাপ্রকার
 লোকের আবাস । এদেশীয়গণের ব্যবহার,

ভাষা, বৃত্তি সকলই পরস্পর কিঞ্চিৎ কিঞ্চিৎ
 বিভিন্ন। সেই জন্ম যখন যখন মহারাষ্ট্রিয়েরা
 নিজ মহারাষ্ট্র খণ্ড উত্তীর্ণ হইয়া যুদ্ধ করিতে
 যাইত, তখনই পরদেশ বলিয়া প্রজামাত্রের
 প্রতি অত্যাচার করিত। কিন্তু স্বদেশে তাদৃশ
 অত্যাচারের লেশমাত্র ছিল না। তাহারা
 বাস্তবিক স্বদেশবৎসল ছিল। দেখ, ঐ দুই
 মহারাষ্ট্র সেনানী স্বদোমে দণ্ডিত হইয়া প্রভুর
 অপকারে প্রবৃত্ত হইল বটে, কিন্তু বিধর্ষিত
 শত্রুর স্থানে ভৃতি স্বীকার করিল না। তাহার
 তেজো-গর্ভ-বাক্যে মুসলমান মৈন্যপতি বিস্মিত
 এবং ক্রুদ্ধ হইলেন। কিন্তু শীঘ্র ক্রোধ সম্বরণ
 করিয়া বলিলেন “আমার পুরস্কার গ্রহণ কর
 বা না কর, তুমি কি উপায়ে শিবজীকে আমার
 হস্তগত করিবে, বল” ?। মহারাষ্ট্র উত্তর
 করিল “এক্ষণে তাহা বলিবার প্রয়োজন
 নাই। অগ্রে আমি সুস্থ এবং সবল হই।
 পরে আমুর সমভিব্যাহারে দুই শত উত্তম
 মৈন্য দিবেন। আমি অন্যের অবিদিত পথ
 দ্বারা তাহাদিগকে শিবজীর আবাসে লইয়া

অঙ্গুরীর বিনিময় ।

বাইব । পরন্তু আপনি অস্ত্র ধারণ করিতে না পারিলে অস্ত্রের নিকট গুপ্ত সন্ধান ব্যক্ত কারিব না । তিনি যেমন আমাকে দ্বৈরথ্য-যুদ্ধে আহত করিয়াছেন, আমি ও সহস্রে তাহাব প্রতিকূল প্রদান করিতে চাহি” । মুসলমান জাতিমুখে স্বভাবতই জাল্ম, তাহাতে অবজ্ঞেয় হিন্দুর প্রমুখাৎ তাদৃশ দৃঢ় প্রতিজ্ঞার বাক্য শ্রবণ করিয়া তাহারা যে, অত্যন্ত ক্রুদ্ধ হইবে আশ্চর্য্যক ৷ পরন্তু মুসলমান মৈত্র্যপতি তৎকালে ক্রোধ সম্বরণ করিয়া স্বকার্য্য সাধনাভিপ্রায়ে ঐ ব্যক্তির যথাযোগ্য সেবা এবং চিকিৎসাদি ভৃত্য ও ভিষক নিযুক্ত করিয়া দিলেন । মহারাষ্ট্রে অতি গুপ্তভাবে তাহাদ শিবিরে অবস্থিতি করিতে লাগিল । মুসলমান সেনানী স্বয়ং শিবজীকে ধৃত করিবেন, এই মানসে নিজ বাদসাহকেও এই সকল বৃত্তান্ত অবগত করাইলেন না ।

আরঞ্জিব কোন প্রকারে শিবজীর অনু-সন্ধান বা আত্মজার উদ্ধারে সমর্থ না হইয়া কার্য্যান্তর উপস্থিত হওয়াতে নিজ রাজধানীতে

অঙ্গুবীক্ষণ বিনিময় ।

প্রত্যাভর্তন করিলেন । কিন্তু বাইবার কালীন তাহার যে সেনাপতির নিকট মহারাষ্ট্র সেনানী বাস করিতেছেন, তাহারই নিকট কতকগুলি সৈন্য রাখিয়া আদেশ করিয়া গেলেন শীঘ্র পর্বতীয়-যুদ্ধ-নিপুণ জয়পুর প্রদেশাধিপতি রাজা জয়সিংহকে তাহাৎ সাহায্যার্থ প্রেরণ করিবেন, যাবৎকাল তিনি না তাইসেন ততদিন কোন বিশেষ চেষ্টা না করেন । এদিকে শিবজী ঐ সুযোগে অনেক পার্বত্য দুর্গ নিজ অধিকার সম্বলিত এবং মধ্যে মধ্যে শত্রু সৈন্যের প্রতি আক্রমণ করিয়া অসামান্য বলবৃদ্ধি করিতে লাগিলেন । তাহাৎ যুদ্ধনীতি চিরকাল এইরূপ ছিল । বিপক্ষকে প্রবল দেখিলে দুর্গাভ্যন্তর দুর্গ সকলের শরণ লইতেন, আর তাহাদিগকে ক্ষীণবল দেখিলে নিজ সৈন্য সমভিব্যাহারে সংগ্রামে প্রবৃত্ত হইতেন ।

এইরূপে কিছু দিন গত হইল । একদা মহারাষ্ট্রপতি নিজ দুর্গ প্রাকারেণপরি বায়ু সেবন করিতেছেন, এমন সময়ে দেখিতে পাইলেন এক জন নিন্দা ভাগ হইতে দুর্গে

আসিবার নিরূপিত সঙ্কেত করিল এবং সঙ্কেতানুসারে দ্বারপালগণ কর্তৃক রজ্জু নিষ্কিপ্ত হইল । ঐ ব্যক্তি তদবলম্বনে দুর্গে প্রবেশ করিলে সকলে মৃত সেনানীকে পুনর্জীবিত দেখিয়া বিস্ময়াবিষ্ট হইলেন । সেনানী তৎক্ষণাৎ শিবজীর সমীপস্থ হইয়া সাক্ষাৎ প্রণিপাত সহকারে কহিল, “সাক্ষাৎ শিবাবতার, শিবজীব জয় । এই অধীনকৃত অপরাধ সমস্ত বিস্মৃত হইয়া পুনর্ব্বার ইহাকে আপন কার্যে নিবৃত্ত করিতে আজ্ঞা হউক” । শিবজী ঐ সেনানীর প্রতি পূর্বে কিঞ্চিৎ মেহ করিতেন, এবং তাহার অপরিমিত বীর্য এবং সাহসিকতা গুণে তদ্বারা তাহার অনেকানেক কষ্ট স্মিত হইয়াছিল । অতএব সে তাহার হস্তে একেবারে প্রাণ বর্জিত হয় নাই দেখিয়া মনে মনে সন্তুষ্ট হইলেন । তিনি কহিলেন “তুমি যে দুঃকষ্ট করিয়াছিলে তাহা স্মরণ করিতে হইলে তোমার মুখ দর্শন করাও অযোগ্য, কিন্তু কেবল আমার প্রতি অত্যাচার করিয়াছে বলিয়া যে কোন মহারাষ্ট্র স্বদেশের

স্বাধীনতা সাধনে মিবৃত্ত থাকিবে আমার এমন অভিপ্রায় নহে—অদ্য-রাত্রি এই স্থানে অবস্থিতি কর, কল্য প্রাতে বিবেচনা করিয়া তোমাকে ছুর্গান্তরে নিযুক্ত করিব”। সেনানী অবনত-শির হইয়া প্রশ্নান করিলেন ।

সেই রাত্রি ছুই প্রহর সময়ে ঐ ছুরাঝা আপনার নিদ্দিষ্ট নিলয় পরিত্যাগপূর্বক ছুর্গ প্রাকারোপরি আকুট হইল । জনৈক প্রহরী সেই স্থান রক্ষা করিতেছিল । সে তাহাকে দেখিয়া তথায় আসিবার কারণ জিজ্ঞাসা করিলে, সেনানী কহিল “ভাই রে ! অনেক দিন তোমাদিগের কাহার সহিত সাক্ষাৎ হয় নাই, আর কল্য প্রাতেই এখান হইতে যাইতে হইবে, অতএব ভাবিলাম যদি কাহার সহিত সাক্ষাৎ হয় কথা বার্তায় রাত্রি যাপন করিব” । এইরূপ সরল ভাষায় প্রহরীর প্রতীতি জন্মাইয়া ছুট্ ক্রমে ক্রমে তাহার নিকটবর্তী হইল, এবং হঠাৎ তাহার পাদদ্বয় আকর্ষণ করত তাহাকে একেবারে ছুর্গের বহির্ভাগে নিক্ষেপ করিল । প্রহরী সেই উন্নত স্থল

হইতে অন্যান্য দুই শত হস্ত নিম্নে নিপাতিত হইয়া একেবারে চূর্ণ-সর্ব্বাঙ্গ হইল । বিশ্বাস-ঘাতক তখন নিরুদ্ধেগে অঙ্গাবরণের অন্তর হইতে একটি দীর্ঘ রজ্জু বাহির করিল, 'এবং নির্দিষ্ট সঙ্কেতানুসারে সেই রজ্জুদ্বারা এক জন বলবান মোগল যোদ্ধাকে উন্নত করিল । সেই ব্যক্তির স্থানেও ঐরূপ একটী রজ্জু ছিল । উভয়ে স্ব স্ব রজ্জু সংযোগে আর দুই জনকে দুর্গে আনয়ন করিল । এইরূপে মুহূর্ত্তেক মধ্যে শতাধিক বিপক্ষ সেনা শিব-জীর দুর্গান্তরালে প্রবিষ্ট হইল ।

মহারাজ্ঞ সেনানীর মানস ছিল কোন গোলমাল না করিয়া শিবজীর গৃহে প্রবেশ করত স্বহস্তে তাহাকে হনন করে । কিন্তু মোগল সৈন্যরা ক্রমশঃ আপনাদিগকে বর্দ্ধিত-বল বুঝিয়া সাবধানতা-চ্যুত হওয়াতে দুর্গ রক্ষিণ্য অনেকে জাগ্রত হইয়া উঠিল এবং তাহাদিগের একজন উর্দ্ধশ্বাসে মহারাজ্ঞপতির গৃহদ্বারে গিয়া উচ্চৈঃস্বরে কহিল "মহারাজ ! শত্রু সেনা দুর্গে প্রবেশ করিয়াছে, উপায়

করুন” । শিবজী তৎক্ষণাৎ নিকোষ কুপাণ হস্তে বাহির হইয়া কতিপয় সৈন্য সমাভিব্যাহারে মোগলদিগকে আক্রমণ করিলেন । সেই নিশীথ সময়ে মহারাষ্ট্র ভট সকলের ‘হর ! হর ! ‘ভবানী’ ! এবং মোগল সেনার ‘আল্লাঃ আকবার’ ! এইরূপ যোধ-রাব পুনঃ পুনঃ গগণ বিদীর্ণ হইয়া উখিত হইতে লাগিল । মহাষ্ট্রীয়রা দুর্গের পথ সকল উদ্ভদ জানিত বলিয়া হঠাৎ আক্রান্ত হইয়াও অতি উদ্ভদ যুদ্ধ করিতে লাগিল । মোগলেরা অন্ধকারে অপরিজ্ঞাত স্থানে তাদৃশ পবাক্রম প্রকাশ করিতে না পারিয়া নিকটবর্তী কতিপয় পর্ণ এবং তৃণ কুটীরে অগ্নিদান করিল । শিবজী দেখিলেন যুদ্ধে বিজয় সম্ভাবনা নাই । অতএব সত্বর-গমনে বাদসাহ-পুত্রীর গৃহে আগমন করিয়া তাঁহাকে সম্বোধন করিয়া কহিলেন, “তোমার পিতৃ-সৈন্যে আমার দুর্গ অধিকার করিল—তোমার কোন বিপদ হইবার সম্ভাবনা নাই, কিন্তু আমি ধৃত হইলে অবশ্যই বধ্য হইব” । রোশিনারা

ব্যগ্র-চিভ হইয়া কহিলেন, “যদি কোন উপায় থাকে, নিমেষমাত্র বিলম্ব করিও না, পলায়ন কর, আর কখন যদি পুনর্ব্বার মিলিত হইবার পথ হয় আমি যেখানে থাকি তোমারই রহিলাম জানিও” । এদিগে মোগলদিগের জয়ধ্বনি ক্রমে নিকটবর্ত্তী হইতে লাগিল, স্ততরাং আর বিলম্বের অবকাশ নাই, শিবজী শীঘ্র তথা হইতে প্রস্থান করিয়া দুর্গের এক প্রান্তভাগে উপস্থিত হইলেন ।

দুর্গের সেই ভাগ অগ্ৰাণ্য দিক্ অপেক্ষাও বরং অধিক বন্ধুর হইবে । কিন্তু সেই পার্শ্বে পর্ব্বত গাত্রে স্থানে স্থানে ক্ষুদ্র ক্ষুদ্র শাখি-সকল জন্মিয়াছিল, আর নীচে একটা নদী বেগে প্রবাহিত হইতেছিল ; শিবজী সেই বৃক্ষ সকলকে অবলম্বন করিয়া ক্রমে ক্রমে নামিতে লাগিলেন । মধ্যভাগে যে ক্ষুদ্র গাছটির উপর নির্ভর করিয়াছিলেন তাহা পদভরে উন্মূলিত হইল । কিন্তু ভাগ্যবলে শিবজী বহুদূর নিপতিত না হইতে হইতেই আর একটা অধিকতর-বন্ধমূল বৃক্ষকে ধারণ

করিতে পাইয়া রক্ষা পাইলেন । সেই স্থান হইতে নদীজল অন্যান্য বিংশতি হস্ত দূর হইবে । শিবজী নিকটস্থ কতকগুলি তৃণ লইয়া আপন পৃষ্ঠতলে বিন্যস্ত করিয়া বাঁধিলেন, এবং পরকর্ত পার্শ্বে পিচ্ছলাইয়া অনতি-কতশরীবে নদীজলে পড়িলেন । সেই স্থলে নদী গভীর ছিল, এবং তন্মধ্যে বহু শিলাদি কোন কঠিন পদার্থও ছিল না । অতএব বেগে জল-মগ্ন হইলেও মহারাষ্ট্রপতির কোন ব্যাঘাত হয় নাই । তিনি জলে ভাসমান হইয়া মন্ত-বণদ্বারা স্রোতস্বতী উত্তীর্ণ হইতে পারিলেন ।

—

গ্রন্থকার এইবার বিষম সঙ্কটে পড়িলেন । পাঠকবর্গকে উদার-চরিত্র শিবজী এবং কোমল-প্রকৃতি রোসিনারার সহিত পরিচিত করাইয়া তাঁহার এমত অনুভব হইয়াছে যে, সকলেই ইহাদিগের পরে কি হইয়াছিল জানিতে ব্যগ্র হইবেন । যতদিন তাহারা উভয়ে একত্র ছিলেন, একের বিবরণেই অপরের আনুমানিক বর্ণন হইয়াছে । এক্ষণে

উভয়ের বিচ্ছেদ হইলে তাহার বিষয় অগ্রে বর্ণনীয় ?।—সর্ব স্থানেই পুরুষের সম্মান অধিক । স্ত্রীর শিবজী পুরুষ বলিয়া তাঁহা-বই ব্রহ্মান্ত অগ্রে বর্ণিত হইতে পারে । কিন্তু এইরূপে কোন কোন স্ত্রীর-স্বভাবা কামিনী-বাও কাব্য শাস্ত্রাদি পাঠে মনঃসংযোগ করিয়া থাকেন, অতএব পাছে তাহারা কেহ রোসি-নারার কথা না বলিলে মনোদুঃখ করেন এই জন্য বাদসাহ-পুত্রীর বিবরণ অগ্রে বলাই বিধেয় হইতেছে । তাহারা মনের দুঃখ মনেই রাখেন, তাহাদিগের মন রাখাই মাধু পরামর্শ । বিশেষতঃ মসলমানেরা তাহা-দিগের পরম শত্রু শিবজী মরিয়াছেন এই বিবেচনাই করিয়াছিল, এবং তিনিও কয়েক দিবস কোথায় কি করিতেছিলেন, প্রথমতঃ তাহার কিছুই প্রকাশ হয় নাই, অতএব এই অধ্যায় মধ্যেই সংক্ষেপে বাদসাহ-পুত্রীর ক্রিয়াবিবরণ লিপিতে প্রবৃত্ত হইলাম ।

মুসলমান সৈন্যপতি দুর্গাধিকার বাড়া
 প্রাপ্ত হইবামাত্র মহা আনন্দসহকারে বাত্রা
 করিয়া পর দিবস তথায় উপস্থিত হইলেন ।
 তিনি প্রথমতঃ বাদসাহ-পুত্রীকে সহস্রাধিক
 নামন্তু সমভিব্যাহারে পিতৃ-সদনে প্রেরণ
 করিলেন । রোসিনারা কতিপয় দিবস পরে
 পথিমধ্যে রাজা জয়সিংহের সৈন্যে উপস্থিত
 হইলেন । সিংহ মহারাজ মুসলমান সৈন্য-
 পতির লিপি প্রাপ্ত হইয়া জানিলেন, শিবজীর
 দুর্গ জয় হইয়াছে এবং তিনিও প্রস্থানকালে
 পঞ্চত্ব পাইয়াছেন । অতএব তিনি যেমন
 শীঘ্র সসৈন্যে আসিতেছিলেন, তাহা না করিয়া
 বাদসাহকে সমুদায় শুভ সংবাদ বিজ্ঞাপন
 এবং পরে আপনি কি করিবেন জিজ্ঞাসা
 করিয়া পাঠাইলেন । সেই স্থান হইতে
 রোসিনারা নিৰ্ব্বিঘ্নে পিত্রালয় প্রাপ্ত হইলে
 বাদসাহ, একবারে আত্মজার উদ্ধার এবং
 শিবজীর মৃত্যু সংবাদ শ্রবণে পরম পরিতোষ
 লাভ করিলেন । কিন্তু কন্যার সহিত সাক্ষাৎ
 হইলে কথা প্রসঙ্গে তৎপ্রমথ্যাৎ শিবজীর

গুণানুবাদ শ্রবণ করিয়া তাঁহার ক্রোধের পরিসীমা রহিল না। তিনি প্রতিজ্ঞা করিলেন যে, ঐ কন্যার আর মুখাবলোকন করিবেন না। অতএব যে কারাগৃহ-তুল্য-অবরোধ মধ্যে আপন পিতা সাজাহানকে বদ্ধ রাখিয়াছিলেন, তাহাবই এক দেশে কন্যার বাসস্থান নির্ণয় করিলেন। সেই স্থানে রোসিনারা কিরূপে কালযাপন করিতেন, এবং কালে তাঁহার মানস কতদূর কিরূপে সফল হইয়াছিল, তাহা সময়ান্তরে ব্যক্ত হইবে।



চতুর্থ অধ্যায় ।

যে দেশে প্রজাগণ অধিকাংশই কৃষিকার্য্য দ্বারা জীবিকা নির্বাহ করে, এবং রাজবহু সৰ্বল পরিপাটীরূপ না থাকাতে বণিক্-বৃত্তি সম্ভব হয় না, তথাকার রাজাদিগের কর্তব্য প্রজার স্থানে স্ববর্ণ রজতাদিরূপে কর না লইয়া যে যে দ্রব্য উৎপন্ন হয়, তাহারই কোন নিষমিত অংশ গ্রহণ করেন। এইরূপ না

করিলে প্রজার অন্ত্যন্ত ক্রেশ হয় । তাহা-
দিগকে অল্প মূল্যে অধিক দ্রব্য বিক্রয়
করিতে হয়, অথবা দূরস্থিত আপনে কৃষি-
প্রনৃত দ্রব্যজাত লইয়া বাইতে অনেক পরি-
শ্রম এবং কালক্ষয় করিতে হয় । শিবজী
এই সকল বিবেচনা করিয়া রাজস্ব আদায়ের
নিয়ম করিয়াছিলেন যে, প্রজারা বাহার
যে রূপে ইচ্ছা, তাঁহার ভাগধেয় প্রদান
করিবে । এই নিয়মানুসারে তাঁহার পার্ব-
তীয় দুর্গ সন্নিহিত প্রজাগণ ঐ দুর্গস্থিত তৃণ
ও পর্ণকুটীর সকল নিষ্কাণার্থ তদুপযোগী পত্র
তৃণ প্রভৃতি উপকরণ সামগ্রী প্রদান করিত ;
তাহাদিগের স্থানে আর অন্য করাদান ছিল
না । পরন্তু যখন তাহারা ঐ নিয়মানুসারে
তৃণাদি প্রদান করিতে আসিত, সেই সময়ে
পরস্পর দ্রব্যাদি বিনিময়ের সুবিধা হয়
বলিয়া দুর্গ মধ্যে এক প্রকার বাজার বসিত ।

মুসলমান সৈন্যপতি তাঁহার অধিকৃত দুর্গের
সকল কুটীর অগ্নিদাহে দগ্ধ হইয়াছে দেখিয়া
প্রজাদিগের স্থানে ঐরূপ তৃণাদি গ্রহণের অনু-

গতি করিলেন। তাহার মানস ছিল ঐ দুর্গে
বহুতর সৈন্য নিযুক্ত রাখেন; অতএব এক-
কালে অনেক কুটীর নিশ্বাসের আদেশ করিয়া
গাবৎ তৎসমুদায় সমাপন না হয় তাবৎ
আপ্যনি শিবির মধ্যে বাস করিতে লাগিলেন।

তাহার বোলণানুসারে দুর্গ জয় হইবার
পতন বা চারি দিবস পরে শতাধিক ব্যক্তি
মানা দ্রব্যজাত লইয়া দুর্গ সম্মিধানে উপনীত
হইল। তাহাদিগের মধ্যে যে ব্যক্তি সর্বাগ্রে
দুর্গ মধ্যে প্রবেশিত হইল তাহার সহিত
এক জন মোগল বোন্ধার এইরূপ কথোপ-
কথন হয় এত সেই অবসরে আর আর
সকলে ক্রমে ক্রমে দুর্গোপরি উত্থাপিত
হইতে লাগিল। মোগল বোন্ধা প্রথমতঃ
ঐ ব্যক্তিকে দেখিয়া কহিল, “কেমন রে
কামের। তোদের রাজা এখন কোথায়?
বেটা তাকাইত ছিল—তেমনি একবারে
জাহান্নমে গিয়াছে”। মহারাষ্ট্র কহিল, “হাঁ
শুনিয়াছি, শিবজী না কি মরিয়াছেন।
আমাদের পক্ষে মিনিই রাজা হউন, উচিত

কব দিব, বাজ্যে বাদ করিব ; আমরাদিগেব
 ভালও নাই মন্দও নাই—ভাল, তবু বদ-
 দেপি শিবজী মবিয়াছেন কেমন কবিয়া
 জানিলে ; তোমরা কি তাঁহার শব দেপি-
 যাছ” ? “বেটা নর্দার জলে পড়িয়া কোথায
 মরিয়া ভাসিয়া গিয়াছে কিরূপে দেখিল”
 “তবে তিনি মবিয়াছেন কেমন কবিয়া
 জানিলে” ? “আমরা সেই রাত্রিতে মঙ্গল
 জালিয়া সকল জায়গা পাতি পাতি কবিয়া
 খুজিয়াছিলাম, কোথাও দেখিতে পাইলাম
 না—পর দিন গড়ে মূর্চার উপব উঠিয়া
 দেখি এক জায়গায় একটা গাছ উপড়িয়া
 গিয়াছে—আর বারিতে পায়ের দাগও
 পড়িয়া রহিয়াছে। সে নেমক্‌হারাম্
 আমরাদিগকে এই গড়ে আনিয়াছিল সেই
 ঐ পায়ের দাগ দেখিয়া কহিল শিবজীই এই
 খান দিয়া বাইবার চেন্টা করিয়া পড়িয়া
 মরিয়াছেন” । মহারাষ্ট্রে ব্যগ্র হইয়া জিজ্ঞাসা
 করিল, “সেই নেমক্‌হারাম্ এখন কোথায—
 তাহার কি হইয়াছে কিছ বলিতে পারি” ? ।

মোগল দুর্গজয় হওয়াতে নিতান্ত আনন্দ-মগ্ন অন্তঃকরণ হইয়াছিল বলিয়াই জিজ্ঞাসুর তাদৃশ ব্যগ্রতা দেখিয়াও সন্দিহানমনা হইল না । সে হাস্য করিয়া উত্তর করিল, “সে এই খানেই আছে, কিন্তু তাহার জিয়ন্তে কবর হইয়াছে । আমার ইচ্ছা হয় তোদের সকলকেই সেইরূপ করি” । মহারাষ্ট্র জিজ্ঞাসা করিল, “কেন, আমরা তোমাদের কি করিয়াছি” ? । “তোরা কাকের, ভূতের পূজা করিস্” । মহারাষ্ট্র তৎক্ষণাৎ কহিল, “রে বিধর্ষি মুসলমান । তুই মনে করিয়াছিস্ শিবজী মরিয়াছেন, এই তাহাকে স মুখে দেখ্” । এই বলিতে বলিতে কৃষাবল-বেশধারী শিবজী আপন আনীত তৃণ কাষ্ঠাদি মধ্য হইতে তীক্ষ্ণধার খড়্গবাহির করিয়া ঐ ভয়ার্ত্ত মোগলের শিরশ্ছেদন করিলেন । আর আর মহারাষ্ট্র সকলেও ঐরূপে নিজ নিজ অস্ত্র বাহির করিয়া “শিবজীর জয় ! শিবজীর জয় !, এই শব্দ-সহকারে মোগলদিগকে বলপূর্ব্বক আক্রমণ করিল । মোগলেরা অনেকেই নিরস্ত্র, বিশে-

শতঃ শিবজী মরিয়াছেন জানিয়া একান্ত অন-
বধান ছিল । অতএব শিবজী স্বয়ং উপস্থিত
হইয়াছেন শ্রবণ করিয়া মহা ভয় প্রযুক্ত যে
যাহার প্রাণ লইয়া পলাইবার চেষ্টা করিতে
লাগিল । অনেকেই স্থির হইয়া বন্ধ করিতে
পারিল না । আর যাহারা যাহারা দাহন
করিয়া যুদ্ধে অগ্রসর হইল, তাহাবাও সশি-
ক্ষিত মাওলীগণ কর্তৃক স্বপ্নায়াদেই পরাজিত
হইল ।

এইরূপে শিবজী নিজ দুর্গ পুনর্বার সম্পূ-
র্ণরূপে অধিকার করিয়া সেই বিঘ্নাস-হন্তা
সেনানীর অনুসন্ধানার্থ কতিপয় অনুচরকে
প্রেরণ করিলেন । পরে যথা নিয়মে লোক
নির্দিষ্ট করত তৎক্ষণাৎ দুর্গের আরক্ষ বিধান
করিতে লাগিলেন ! তাহা করিতে করিতে
দুর্গের প্রান্তভাগে উপনীত হইয়া দেখেন
একটা ক্ষুদ্র কুঠরীর দ্বার নূতন প্রস্তর দ্বারা
প্রথিত এবং ছতুর্দিকস্থ সকল গর্বাঙ্ক সেই-
রূপে বন্ধ হইয়া আছে । ছাদের উপর উঠিয়া
দেখেন, কেবল তন্মধ্য ভাগে একটা ছিদ্র মাত্র

আছে, আর সর্ব্ব দিক্ সর্ব্ব প্রকারে বন্ধ, অণ্ড কি বায়ু গমনাগমনেরও পথ নাই। তখন স্মরণ হইল মোগল কহিয়াছিল সেনানীর জীবৎ-সমাধি হইয়াছে। অতএব তাহাই বুঝি এই হইবে, ইহা বিবেচনা করিয়া মহারাষ্ট্রপতি সেই কুঠরীর দ্বার উন্মুক্ত করণেব অনুমতি করিলেন। দ্বারের গ্রাথিত প্রস্তর কৰ্ত্তপয় স্থানান্তরিত হইলে সেই অন্ধতমসারত কুঠরী মধ্যে আলোক প্রবেশ করাতে একটা মৃতকল্প-মনুষ্য-দেহ দৃষ্ট হইল। তখন সকলেই ব্যগ্র হইয়া দ্বার উন্মোচন করিতে লাগিলেন। শিবজী স্বয়ং ঐ পরিষ্কমে বিমুখ হইলেন না। পরে গৃহান্তরালে প্রবেশ করিয়া যেরূপ দর্শন করিলেন তাহা বর্ণনীয় নহে—ঐ স্থান সাক্ষাৎ-প্রেতভূমি। গৃহ মধ্যে স্থান গালা পূর্ণ শোণিত সংহত হইয়া তিমির বর্ণ হইয়া রহিয়াছে, দীর্ঘ দীর্ঘ অস্থিসহ মাংসখণ্ড সকল চতুর্দিকে বিস্তৃত রহিয়াছে, এবং মধ্যভাগে সেই মহারাষ্ট্র সেনানীর লীর্ণ এবং পাংশু বর্ণ শরীর নিষ্পন্দ হইয়া

বহিয়াছে । এই ত্যক্তর ব্যাপার দর্শন হইবামাত্র মহারাষ্ট্রপতি ব্যস্ত হইয়া বহি-
 ভাগে প্রত্যাগমন করিলেন । পরে তৎ-
 কর্তৃক আদিক হইয়া কতিপয় ব্যক্তি ঐ মৃত-
 কল্প-শরীর বহির্দেশে আনয়ন করিল । বহি-
 ভাগের পাবিত্র বায়ু স্পর্শে সেনানীর মধ্যে পুন-
 র্কার রক্ত সঞ্চারণ হইতেছে দেখিয়া শিবজী
 কহিলেন । “এখনও জীবন আছে, ত্রুণ শীতল
 জল আনিয়া উহার মুখে সেচন কর” । কেহ
 বাবদয় ঐরূপ করিলে ঐ হতভাগ্য হত্য
 করদ্বারা মুখ আবরণ করিয়া কম্পিত শরীরে
 পুনঃ পুনঃ কহিতে লাগিল, “আমি প্রাণ
 গেলেও উহা পান করিব না ।—আমি প্রাণ
 গেলেও উহা পান করিব না” ! । সকলে
 চমৎকৃত হইয়া শিবজীর প্রতি দৃষ্টি করিলে
 তিনি কহিলেন, “অনুমান হয়, দুরাত্মা মুসল-
 মান কর্তৃক এই অন্ধকূপ মধ্যে নিরুদ্ধ হইয়া
 জল প্রার্থনা করিলে উহাকে পানার্থ রক্ত
 প্রদান করিয়াছিল ; এখনও প্রকৃত চৈতন্য
 হয় নাই, অতএব তাহাই পান করিবে না

কহিতেছে” । পরে কাহলেন, “বোধ হয়, পাপিষ্ঠেরা ইহাকে গোরস্ত এবং গোমাংস দিয়া থাকিবে, বুঝি তাহাই ঐ গৃহ মধ্যে দর্শন করিলাম । হায় ! ভারত-ভূমি আর কত দিন এই পাপাত্মাদিগের ভার বহন করিবে” ? তিনি এইরূপ কহিতেছেন এমনত সময়ে সেনানী একবার চক্ষুরুন্মীলন করিলেন । কিন্তু শিবজীর প্রতি দৃষ্টি হইবামাত্র চীৎকার শব্দ করিয়া পুনর্ব্বার অচেতন হইলেন । মহারাষ্ট্রপতি স্বয়ং তাঁহার মুখে জলসেক করিতে লাগিলেন, এবং ঝটিতি কিছু খাদ্য সামগ্রী আনয়ন করিতে কহিলেন । সেনানী ক্ষণকাল মধ্যে পুনর্ব্বার সচেতন হইয়া চক্ষুরুন্মীলন পূর্ব্বক শিবজীর মুখাবলোকন করিয়া কহিলেন “মহারাজ ! তবে কি আমি সমুদায় স্বপ্ন দেখিয়াছিলাম ? আমি কি আপনকার বিশ্বাস-ঘাতী নহি ?—আমি কি মুসলমান-দিগকে দুর্গমধ্যে আনয়ন করি নাই ?—আমি কি আপনকার মৃত্যু ইচ্ছা করি নাই ?—না, না, সে সকল স্বপ্ন নহে ! আমি প্রহরীকে

নিষ্ক্ষেপ করিলে সে যে উৎকট আর্তস্বর করিয়াছিল তাহা এক্ষণেও আমার কণ্ঠকুহর মধ্যে অবস্থিত রহিয়াছে—আমি আমি যাহা যাহা দেখিয়াছি এবং শ্রবণ করিয়াছি তাহাও মিথ্যা হইবার নহে” ।

শিবজী নিজ সেনানীর প্রতি স্নেহ দৃষ্টি করিয়া কহিলেন “তুমি এইক্ষণে আর সেই সকল কিছু মনে করিও না, এই কিঞ্চিৎ ভক্ষ্য গ্রহণ এবং জল পান কর, পরে যাহা যাহা হইয়াছে সবিস্তার শ্রবণ করিব । সেনানী কহিল “মহারাজ ! আর আমাকে আহার করিতে বলিবেন না, এক্ষণে যাহা বলি সকলে মনোযোগ পূর্বক শ্রবণ করুন” । এই বলিয়া সেনানী উঠিয়া বসিলেন, এবং প্রথমতঃ যে প্রকারে বাদসাহী সৈন্যে মিলিত হইয়াছিলেন, এবং শিবজীকে বিনাশ করিবার যেরূপ প্রতিজ্ঞা করিয়াছিলেন, আর যেমন করিয়া মোগলদিগকে দুর্গে আনয়ন করিয়াছিলেন সমুদায় ব্যক্ত করিয়া পরে কহিতে লাগিলেন—“মহারাজ ! দুর্গ অধিকার হইবার পর

আপনকার মৃত্যু নিশ্চয় হইলে আমি মনে মনে স্থির করিয়াছিলাম যে, অবশিষ্ট জীবিত কাল তীর্থে তীর্থে পর্যটন করিয়া নিজকৃত পাপের প্রায়শ্চিত্ত করিব। এই ভাবিয়া ছুরাত্মা মুসলমান সৈন্যপতির স্থানে বিদায় প্রার্থনা করিলাম, কিন্তু সে আমার প্রতি কি জ্ঞান রুক্ত হইয়াছিল বলিতে পারি না, বিদায় প্রদানে সন্মত না হইয়া বিশ্বাস-হস্তা বলিয়া আমায় বিস্তর তিরস্কার করিল, পরে কহিল “তুই মুসলমান হইয়া বাদসাহের দৈনিক কার্যে প্রবৃত্ত হ”। তাহার ভৎসনায় আমারও অত্যন্ত ক্রোধ হইল। না হইবে কেন? যে ব্যক্তি যে অপরাধে বাস্তবিক অপরাধী হয়, কেহ তাহার সেই দোষটি কহিলেই ক্রোধাগ্নি প্রজ্বলিত হইয়া উঠে। আমারও সেইরূপ হইল, এবং আমি মুসলমান ধর্মের অনেক নিন্দা করিলাম। সৈন্যপতি তখন কতিপয় অনুচরের প্রতি ইঙ্গিত করিলে, অন্মান হয়, তাহারা পূর্বেই শিক্ষিত হইয়াছিল, অতএব আমাকে প্রহার করিতে লাগিল। আমি সেই

প্রহারেই বিচেতন হইয়াছিলাম। পরে চৈতন্য
 প্রাপ্ত হইয়া বোধ হইল বেন দমালয়ে আসি-
 যাছি। চতুর্দিক্ অন্ধকার—সমুদায় নিঃশব্দ,
 অনুমান হয় এইরূপে বহুকাল গত হইলে
 পিপাসার্ত হইয়া জল চাহিয়াছিলাম। জল !
 জল ! এই শব্দ বার বার উচ্চারণ করিলে
 পর, মহারাজ ! দেখিলাম যে আপনকার
 আরাধ্যা ভবানী দেবী ঘোর-বেশা ডাকিনী
 কতিপয় সমভিব্যাহারে আসিয়া কহিতেছেন
 “রে নরাধম ! তুই আমার বরপুত্র শিবজীর
 অপকারে প্রবৃত্ত হইয়াছিস—তুই নিজ জন্ম-
 ভূমির প্রতিও স্নেহ বিবর্জিত হইয়া তাহা
 বিধ্বস্তি শত্রুর হস্তগত করিলি—জানিস্ না,
 গর্ভধারিণী মাতা, আর পরাধিনী গো এবং সর্ব-
 দ্রব্যপ্রসবা জন্মভূমি—এই তিনই সমান। যে
 জন্মভূমির অপকার করিতে পারে, সে গোবধ
 এবং মাতৃহত্যাও করিতে পারে। অতএব
 তোর পক্ষে এই দেশের সমুদায় জল গোরস্ত
 এবং সকল ভক্ষ্য বস্তু গোমাংস হইয়াছে—এই
 লইয়া আহাৰ কর্” —মহারাজ ! ডাকিনীগণ

তৎক্ষণাৎ আমার সমক্ষে গোরক্ত এবং গো-
মাংস প্রদান করিল—মহারাজ ! পৃথিবীতে
আমার আর ভক্ষ্যও নাই পানীয়ও নাই” ।

সেনানী এইরূপ কহিতে কহিতে পুনর্বার
প্রায় চৈতন্য-শূন্য হইলেন, এবং শ্রোতৃগণ
একেবারে চিত্রপুতলিকার ন্যায় স্তব্ধ হইয়া
রহিল। কিয়ৎক্ষণ কাহারও মুখে বাক্য নিঃ-
সরণ হইল না। এমত সময়ে এক জন মহা-
রাষ্ট্র সন্নীপস্থ হইয়া নিবেদন করিল,
“মহারাজ! ভগবান্ রামদাস স্বামী দুর্গে উপ-
স্থিত হইয়াছেন, সংবাদ প্রদানার্থ আমাকে
অগ্রে প্রেরণ করিলেন” । পরক্ষণেই দৃষ্টি
হইল শীর্ণ অথচ সরল শরীর, প্রশস্ত ললাট
সহস্র মুখ, বিভূতি-ভূষণ এবং আরক্ত বহি-
র্কাস পরিধান ও ত্রিশূল হস্ত সাক্ষাৎ মূর্তিমান-
সম্ম্যাস-স্বরূপ পুরুষবর তাঁহাদিগের অভিমুখে
আগমন করিতেছেন। মহারাষ্ট্রপতি নিজ
দীক্ষা গুরুর দর্শন লাভমাত্র একাকী কিয়দূর
অগ্রসর হইয়া তাঁহার চরণ বন্দন করিলে, গুরু
আশীর্ব্বাদ সহকারে কহিলেন, “বৎস তোমার

মঙ্গল হউক” ! আমি যে যে কক্ষের ভার লইয়াছিলাম সমুদায় স্তম্ভিত হইয়াছে। যে শিষ্য প্রতিনিধি হইয়া ফকীর বেশে শত্রু সৈন্যে গিয়াছিল, সে এই মাত্র আসিয়া কহিল তথায় দুর্গ বিজয়ের কোন সংবাদ যায় নাই, আর তোমার সকল সেনাপতিই স্ব স্ব দুর্গ হইতে সেনা সংগ্রহ করিয়া আসিতেছে। এক্ষণে যাহা কর্তব্য হয়, কর—আমি তোমার স্বস্থান প্রাপ্তি দর্শন করিলাম, তুচ্ছ হইয়া আশ্রমে গমন করি” । শিবজী উত্তর করিলেন, “গুরো ! আপনি প্রসন্ন আছেন আমার অমঙ্গল সম্ভাবনা কোথায় ? কিন্তু প্রথমতঃ যে রাত্রি মোগলেরা এই দুর্গ অধিকার করে এবং আমি বহু কষ্টে পলাইয়া আপনকার আশ্রমে উপস্থিত হই, তখন বোধ হইয়াছিল সম্মুখ সংগ্রামে শত্রু সৈন্য পরাভব না করিলে দুর্গ অধিকার করিবার উপায়ান্তর নাই। সেই ভাবিয়াই, আপনার শিষ্যগণকে তৎক্ষণাৎ দুর্গে দুর্গে প্রেরণ করিয়া সৈন্য সংগ্রহের উপায় করি। পরন্তু, যাহা কর্তব্য আমার

কৌশল সমুদায় ব্যর্থ হইবার শঙ্কা ছিল, বিধিক্ষি শত্রু তাহারই প্রতি অত্যাচার করিয়া আমার কার্য্য-সাধন অতিশয় সহজ করিয়াছে। কিন্তু তাহার ঐ ব্যক্তির প্রতি যেকপ দৌরাভ্য করিয়াছে, তজ্জন্য এক প্রকার কার্য্য সিদ্ধি হইলেও, যুদ্ধে প্রবৃত্ত হইতে ইচ্ছা হইতেছে”। এই বলিয়া মহারাষ্ট্রপতি সেনানীর প্রমুখাৎ যাহা যাহা শ্রবণ করিয়াছিলেন অবিকল আদ্যোপান্ত বর্ণন করিলেন। রামদাস স্বামী ক্ষণমাত্র চিন্তা করিয়া উচ্চৈঃস্বরে কহিলেন—“আগামী যুদ্ধে অবশ্য বিজয় লাভ হইবে !” ধরে শিবজীকে বলিলেন “তোমার ঐ সেনানীকে অদ্য রাত্রি আমার সমীপে আসিতে কহিও, আজি আর আশ্রমে গমন করিব না ;— এক্ষণে যুদ্ধের যাহা যাহা আবশ্যক তদ্বিধানে মনোযোগ কর”।

পঞ্চম অধ্যায় ।

সেই রাত্রে অন্যান্য বিশতি সহস্র মহা-
 রাষ্ট্র সেনা বাদসাহী সৈন্য শিবিরান্নিমুখে
 গমন করিতেছিল । সর্বাগ্রে এক দল ধানুক
 গমন করিল । তাহাদিগের গতি ব্যাস্রবৎ
 এবং কশ্মণ্ড ব্যাস্রবৎ । তাহার কোন উচ্চ
 শিলা বা বন্ধের অন্তরাল হইতে সম্মুখভাগ
 সমুদায় উত্তমরূপে নিরীক্ষণ করে এবং শত্রু
 নিযুক্ত প্রহরী দৃষ্ট হইলে তৎক্ষণাৎ অব্যর্থ-
 সন্ধান বাণ নিক্ষেপ করিয়া তাহাদিগেব প্রাণ
 হরণ করে । এই সকল ব্যক্তি রাত্রি-যুদ্ধে
 কুশল । শিবজীর শিক্ষায় ইহারা পুনঃ পুনঃ
 নিশাযুদ্ধ অভ্যাস করিয়া অন্ধকারেও অপূর্ব
 দৃষ্টি-সম্পন্ন হইয়াছিল । ইহাদের পশ্চাতে
 বহুসংখ্যক “হিত্করী” সেনা গমন করিল ।
 তাহাদিগের প্রধান অস্ত্র বন্দুক, কিন্তু কটি-
 বন্ধে এক এক খানি অসি দোড়ুল্যমান হইতে-
 ছিল । ইংলণ্ডীয়দিগের এবং তৎশিক্ষিত অস্ম-
 দেশীয় শিপাহীগণের বন্দুকে যেরূপ সঙ্গিন

থাকে, শিবজীর সেনার সেরূপ ছিল না—
 তাহার। যুদ্ধকালে স্ব স্ব কৃপাণ দ্বারাই সঙ্গি-
 নের কার্য্য নিৰ্ব্বাহিত করিত । ঐ ‘হিংকরী’
 সেনার অনতিদূর পশ্চাতে মহারাষ্ট্রপতির
 বিশিষ্ট সমাদৃত অসি-চর্মধারী ‘মাওলী’ সৈন্য-
 দল গমন করিল । ভাহারা সকলেই অতি
 বলিষ্ঠ এবং বিক্রমশালী । তাহাদিগের খড়গ
 সাধারণ খড়গ অপেক্ষা দীর্ঘ ছিল । এই জন্ম
 অসিযুদ্ধে ইহারা প্রায় কখনই কাহা কর্তৃক
 পরাভূত হইত না । পৰ্ব্বতীয় ছুর্গম স্থান
 গমনেও ইহারা অত্যন্ত পটু ছিল । যে উন্নত
 গিরিশিখরে অজ এবং সরীসৃপ স্ফুটিলে
 অন্য ভূচর জন্তুর গমন অসম্ভব, বোধ হয়,
 শিবজীর মাওলীগণ সেই সকল স্থানও লঙ্ঘন
 করিতে পারিত । মহারাষ্ট্রপতি স্বয়ং এই
 সকল সৈন্য লইয়া পাদচাৰে যুদ্ধ করিতেন ।
 ইহাদিগের পশ্চাতে ‘বর্গী’ নামক অশ্বারোহী
 সেনা গমন করিল । ইহাদিগের প্রধান অস্ত্র
 স্তদীর্ঘ শেল । কিন্তু কাহার কাহার স্থানে
 একটি একটি বন্দুকও ছিল, এবং সকলেরই

কটিবন্ধে করবাল দ্বোতুল্যমান হইতেছিল । এই সকল সৈন্যের বহুদূর পশ্চাতে ‘শিলিদার’ নামক অশ্বারোহী দল দৃষ্ট হইল । তাহারা ইহাদের সকলের ন্যায় সুশিক্ষিত বা সুব্যবস্থিত নহে । তাহাদিগের বেশ ভূষা অঙ্গ শস্ত্র বিবিধ প্রকার । তাহারা পার্যমাণে কখনও সম্মুখ সংগ্রামে প্রবৃত্ত হইত না, কিন্তু যুদ্ধাবসানে প্রেরিত হইলে পলায়ন-পর শত্রুর অনেক অপচয় করিতে পারিত ।

‘শিলিদার’ ভিন্ন আর সকল সৈন্যের বেশ প্রায় একবিধ ছিল । সকলেরই মস্তকে উষ্ণীষ, এবং সকলেরই সেই উষ্ণীষের এক এক ফেরু চিবুক নিম্নভাগ দিয়া উদ্ভক্ত । সকলেরই অঙ্গ এক একটা অঙ্গরক্ষিণী দ্বারা আবৃত, সকলেই কটিবন্ধ বিশিষ্ট, এবং সকলেরই পায় পা-জামা পরিধান । এতদ্ব্যতিরিক্ত অনেকেরই কর্ণে এক এক প্রকার কর্ণভূষণ এবং হস্তে বলয় ছিল । সুধারণ সৈন্যের এইরূপ বেশভূষা । সেনানায়কগণের পরিধেয় বিবিধ প্রকার । পরন্তু তাহারা অনেকেই নিজ নিজ পরিচ্ছদের

উপরিভাগে লৌহজাল ত্রিনির্মিত এক প্রকার অনতি-গুরুভার সম্মাহ ধারণ করিতেছিলেন ।

সৈন্যগণ এইরূপে গমন করিয়া সূর্য্যোদয় সময়ে যে স্থলে উপস্থিত হইল, তাহারই নিম্নে বাদসাহী সৈন্য-শিবির সন্নিবেশিত ছিল । তত্রত্য তাম্বু সকলের বিচিত্র বর্ণ এবং সোণালি কলস সকলের প্রভা, সেই পর্ব্বত-তলী হইতে অতি ঈমদ্রাবে প্রকাশমান হইতে ছিল । কিন্তু মুসলমান সৈন্যপতি শত্রু এমত নিকট আসিয়াছে ইহার কিছুই জানিতেন না । বিশেষতঃ তৎপ্রদেশীয় দুর্গাধিকার হওয়াতে তিনি সেই দিক্ হইতে এইরূপে হঠাৎ আক্রান্ত হইবার কোন শঙ্কাই করেন নাই । অতএব যখন কোন মোগল প্রহরী পর্ব্বতের উপরিভাগে মহারাষ্ট্রীয়দিগের শাণিত অস্ত্রে সূর্য্য রশ্মি প্রতিফলিত হইতেছে দেখিয়া ব্যগ্র হইয়া তাহাকে সংবাদ প্রদান করিল, তিনি প্রথমতঃ বিশ্বাসই করিলেন না । পরে অনেকেই ঐ রূপ দেখিয়া গোলযোগ আরম্ভ করিলে তিনি স্বয়ং বাহির হইয়া দর্শন করি-

লেন । তখন সম্পূর্ণ সূর্য্যোদয় হইয়াছে, বিশেষতঃ পর্ব্বতের উপরিভাগ কোন স্থান অপ্রকাশ নাই । অতএব সৈন্যপতি স্পষ্ট দেখিতে পাইলেন, মহারাষ্ট্র সেনায় পর্ব্বতের শিরোদেশ সম্পূর্ণ আচ্ছন্ন করিয়া রহিয়াছে । বিশেষতঃ তিনি দেখিলেন দুই প্রজ্বলিত আগ্নেয় শরীর সেই শত্রু সৈন্যের উর্দ্ধভাগে দণ্ডায়মান হইয়া আছে । মুসলমানেরা দেব-শরীর তেজোময় বলিয়া জানে । অতএব মোগল সৈন্যপতির বিলক্ষণ প্রতীতি হইল, দেবতাদ্বয়ই বুঝি শত্রুর অনুকূল পক্ষ হইয়া আসিয়াছেন । পরে দেখিলেন ঐ দুয়ের মধ্যে একজন একটি স্তদীর্ঘ খড়্গ গ্রহণ করিয়া অপরের হস্তে প্রদান করিলেন এবং পরক্ষণেই সমুদায় শত্রুসৈন্য হইতে গগণ-স্পর্শী গভীর জয়-ধ্বনি আসিয়া তাঁহার কর্ণ-কুহর ভেদ করিল । তখন তিনি নিজ সৈন্যের প্রতি নিতান্ত দৈবাঘাত বুঝিলেন । অতএব এই তাঁহার পরম সাহস বলিতে হয় যে, একবারও পলায়ন করিবার মনন করেন নাই । তিনি

শীঘ্র “সাজ ! সাজ” শব্দসহকারে যথা-স্থানে সৈন্য বিনিবেশ করিতে লাগিলেন । মোগল সৈন্য দলে দলে আসিয়া রণস্থল আচ্ছন্ন করিতে লাগিল ।

কিন্তু যেমন পর্দতের উপরিভাগে ঘোর-তর রুষ্টি হইবার পর প্রভূত জলরাশি ভয়ঙ্কর বেগে নিপতিত হয় এবং সম্মুখস্থ গিরিশৃঙ্গ ও বিস্তীর্ণ শাখাপল্লবিশিষ্ট তরুণের সকলকে উন্মূলিত করিয়া যায়, বেগবান্ মহারাষ্ট্র সৈন্য সেইরূপে মুসলমানদিগকে আক্রমণ করিল এবং শত্রুদল তাহাদিগের সমক্ষে সেইরূপে পরাভূত হইতে লাগিল । যদি কোন শত্রু-সেনাপতি বিশিষ্ট সাহস করিয়া কোন কোন সৈন্য দলকে রণস্থলে স্থস্থির করিবার চেষ্টা করেন, তখনই কোথাও বা শিবজী স্বয়ং পাদচাৰে, আর কোথাও বা অশ্বারূঢ় এক অপূৰ্ব্ব-মূৰ্ত্তি দীর্ঘকায় পুরুষ, শীঘ্র উপনীত হইয়া নিমেষ মধ্যে বিপক্ষ পক্ষকে পরাভূত করেন । সেই অশ্বারোহীর প্রজ্বলিত দীর্ঘ খড়্গ দর্শন মাত্রেই শত্রুগণ ভয়ে পলায়ন

করে, অথবা বিনা যুদ্ধে নিহত হয় । এই-
রূপে শিবির সম্মুখস্থিত মোগল যোদ্ধা সকল
ভগ্ন হইলে মহারাষ্ট্রীয়েরা শত্রুর তাম্বু মধ্যে
প্রবেশোদ্যম করিল ।

কিন্তু সেই খানে মোগল সৈন্যপতি স্বয়ং
দৃঢ়-প্রহরী উত্তম উত্তম সামন্ত সমস্ত পরিবৃত
হইয়া রহিয়াছিলেন । মহারাষ্ট্রীয়েরা বেগে
তলিকটবর্তী হইবামাত্র, যেমত জলন্ত ছতাশন
খরধার সৃষ্টি পাতে স্তিমিত-তেজ হয়, তেমনি
সেই স্বশিক্ষিত প্রতিপক্ষ ভট সকলের প্রযুক্ত
গুলি প্রহারে তাহারা খর্ব-বেগ হইল, এবং
পলায়নপর মোগলেরাও ঐ অবকাশে পুন-
র্বার দলবদ্ধ হইয়া যুদ্ধে স্থির হইতে লাগিল ।
মুসলমানেরা বহু কালাবধি হিন্দু জাতিকে
রণে পরাভব করিয়া আসিতেছিল, অতএব
অবজ্ঞের শত্রু কর্তৃক পরাভূত হওয়া বিশিষ্ট
ঘণাকর বোধ করিত । শত্রুকে অবজ্ঞা
করিয়া তৎপ্রতিবিধান চেষ্টা না করা অত্যন্ত
দোষ । কিন্তু রণস্থলে শত্রুর প্রতি তাচ্ছল্য-
ভাব থাকিলে প্রায়ই জয়লাভ হয় । এই

স্থানেও সেইরূপ হইবার উপক্রম হইল । শিবজী সঙ্কট দেখিয়া স্বয়ং সংগ্রামসম্মুখে উপস্থিত হইলেন, তথাপি কিছুই করিতে পারিলেন না । হস্তী পৃষ্ঠারূঢ় মোগল সৈন্য-পতি কর্তৃক মর্দিত হইয়া তাহার মাওলী দলও ক্রমে ক্রমে পশ্চাদ্ভর্তী হইতে লাগিল । এইরূপে তুমুল সংগ্রাম হইতেছে, হঠাৎ দৃষ্ট হইল, সেই অশারূঢ় পুরুষ বিপক্ষ সৈন্য-পতির প্রতি বেগে ধাবমান হইতেছেন, এবং তাহার অপসব্য হস্তে সেই তাঁক্ষধার খড়্গ অনল শিখার ন্যায় প্রজ্বলিত হইতেছে । সুমঙ্গলমান সৈন্যপতি সর্বাগ্রেই তাহাকে দর্শন করেন । দর্শন করিয়া অবধি যেমন কোন বিষয় জন্ত বিশেষের প্রতি দৃষ্টিপাত হইলে শরীর নিশ্চল হয়, তদংশন নিবারণার্থেও পলায়ন করিবার শক্তি থাকে না, তিনিও সেইরূপ হইয়া এক দৃষ্টে তৎপ্রতি নিরীক্ষণ করিতেছিলেন । যখন ঐ পুরুষবর অশ্ববেগে সামন্ত সমুদায় ভেদ করিয়া তাঁহার সমীপস্থ হইলেন, পর্য্যায়-রেকাবের উপর ভর দিয়া

দাঁড়াইলেন, এবং পদ্মাক্রান্ত ভুজবলে খড়্গ প্রয়োগ করিলেন, তখনও সেনাপতি পলায়ন বা সেই প্রহার নিবারণের যত্ন কিছুই করিতে পারিলেন না । স্মতরাং একেবারে ছিন্নশীর্ষ হইয়া কৃতলে পড়িলেন ।

মোগল সেনাগণ এই আশ্চর্য্য ব্যাপার দর্শন করিল, একেবারে নিরুৎসাহ হইল, এবং পলায়ন করিতে লাগিল । সেনাপতির বিনাশে সর্ব্বদেশীয় সৈন্যই যুদ্ধে নিরুৎসাহ হয় বটে, কিন্তু এতদেশীয় সৈন্যগণ যেক্ষণ তৎক্ষণাৎ পলায়ন করে এরূপ অন্ত্র অধিক শ্রুত হওয়া যায় না । ইহার কারণ এই যে, এখানকার রাজারা একাধিপত্য-শক্তি-সম্পন্ন বলিয়া আপনাদিগেব শক্তির যথেষ্ট ব্যবহার করেন । তাহাদিগের সন্ধি বিগ্রহ প্রভৃতি কোন রাজকার্য্যে প্রজাদিগের কোন মতামত থাকে না । স্মতরাং যিনি রাজা হউন না কেন, আনাদিগের সৈন্য দশাই থাকিবে বুঝিয়া, সেনাগণ রাজার অথবা রাজ-প্রতিভু সৈন্যপতির বিনাশ হইলেই রণস্থল ত্যাগ করিয়া যায় । ০ মুসল-

মানেরা হিন্দুদিগের প্রতি বিশিষ্ট ঘৃণা-ভাব-সম্পন্ন ছিল । তথাপি সৈন্যপতির বিনাশে চতুর্দিকে প্রস্থান করিতে লাগিল ।

শিবজীর অনুমত্যানুসারে পদাতি সমস্ত শত্রু-শিবির প্রবিষ্ট হইয়া তত্রত্য বিপুল অর্থ এবং দ্রব্যজাত লুণ্ঠ করিতে লাগিল আর অশ্বারোহিণ পলায়নপর শত্রুর পশ্চাৎ পশ্চাৎ ধাবমান হইল । পরে মহারাষ্ট্রপতি আপনিও কতক সামন্ত সমভিব্যাহারে যাইবার উপক্রম করিতেছেন, এমত সময়ে তাঁহার গুরুদেব ভগবান রামদাস স্বামী সমীপস্থ হইয়া কহিলেন, “বৎস ! অত্যন্ত শ্রান্ত হইয়াছ—জয় সম্পূর্ণই হইয়াছে—আর স্বয়ং যাইবার প্রয়োজন নাই, এই বৃক্ষমূলে উপবেশন করিয়া ক্ষণকাল বিশ্রাম কর” । শিবজী তাহাই কবিয়া কহিলেন—“গুরো ! আপনকার আশীর্ব্বাদে বিজয় লাভ সম্পূর্ণই হইল—কিন্তু অদ্য সেনানী কর্তৃক অত্যন্ত উপকৃত হইয়াছি—সে না থাকিলে আজি ঘোর বিপদ ঘটিত—সে অদ্য অতিমানুষ কৰ্ম্ম করিয়াছে” ।

জ্বর উত্তর করিলেন। আমি পর্বতশৃঙ্গ হইতে তাহাকে ভবানী প্রদত্ত খড়্গ প্রদান করিয়া অবধি তাহারই প্রতি একদৃষ্টিে চাহিয়া-ছিলাম, তৎকৃত সমুদায় কর্ম্ম দেখিয়াছি। মহারাজ ! দেবতার। যাহার প্রতি অনুগ্রহ করেন, তাহার কার্যসাধনের উপায়ও অগ্রে করিয়া রাখেন। ঐ দেখ দেখি যে আমি-তেছে উহার শরীরে কি তাদৃশ বল সম্ভব হয়' ?। শিবজী রামদাস স্বামীর অঙ্গুলি নির্দেশানুসারে দৃষ্টি করত তৎক্ষণাৎ গাত্রো-থান করিয়া সেই মোগল সৈন্যপতির বধ-কারী অশ্বারোহীর সমীপস্থ হইলেন ; এবং তিনি বেগে গমন করিয়া তাহাকে ধারণ করিলেন বলিয়াই সে ভূমিপৃষ্ঠে নিপতিত হইল না ! এক্ষণে আর সেই বীরমূর্তি নাই। অঙ্গের নানা স্থানে অস্ত্রাঘাত হও-য়াতে অজস্র শোণিত প্রস্রুত হইতেছিল। শিবজী তাহাকে অশ্বপৃষ্ঠ হইতে আপন ক্রোড়ে লইলেন, এবং মুমূর্ষু কালে মুখ ঘেরূপ শ্রীহীন হয় তাঁহার মুখ সেইরূপ

দেখিয়া ক্রন্দন করিতে লাগিলেন । কিন্তু মৃত্যুকালেও সেই যুদ্ধ-বীর হস্তের খড়্গ পরিত্যাগ করেন নাই । শিবজী ঐ অসি লইবার জন্য যত্ন করিলে, তিনি চক্ষুরুম্মীলন করিয়া তাঁহার প্রতি দৃষ্টি করিলেন—মুখ ঈষৎ হাস্য প্রভাযুক্ত হইল—এবং পরক্ষণেই সমুদায় শরীর একেবারে নিষ্পন্দ হইল । রামদাস স্বামী কহিলেন “মহারাজ ! ব্যর্থ ক্রন্দন সম্বরণ কর—সেনানী তাঁহার জীবন ঋণ পরিশোধ করিলেন” ।

এই ব্যাপার হইতে হইতেই অনেক মহারাষ্ট্র সেনা সেই স্থলে প্রত্যাগত হইয়াছিল । সেনানীর মৃত্যু দর্শনে কাহারও চক্ষু নিবশ্রু ছিল না, এবং সকলেই তাঁহাকে ধন্যবাদ করিয়া আপনাদিগের অন্তকালও যেন সেইরূপ হয়, মনে মনে এই বলিয়া প্রার্থনা করিয়াছিল । রামদাস স্বামী কিঞ্চিৎ দ্বিলম্বে মৃত সেনানীর খড়্গ উত্তোলন করিয়া কহিলেন—“মহারাজ ! এই খড়্গ ভবানী প্রদত্ত, অতএব ইহারও নাম ভবানী

হইল । ইহা আপনি গ্রহণ করুন—অদ্য ইনি যে প্রকারে শত্রু নিধন করিলেন, চিরকাল এইরূপ করিবেন । এই বলিয়া গুরুদেব সেই খড়্গ মহারাষ্ট্রপতিকে প্রদান করিলেন । তিনি ভক্তিপূর্বক গ্রহণ করিয়া মস্তকে ধারণ করিলেন । সেই অবধি ঐ খড়্গের মূর্তি মহারাষ্ট্রদিগের ধ্বজে চিত্রিত হইল, এবং অদ্যাপি সেতারা প্রদেশীয় ভূপাল বংশীয়েরা প্রতি বৎসর মহা সমারোহ করিয়া ঐ খড়্গের পূজা করেন । ক্ষণকাল পরে রামদাস স্বামী গাত্রোথান করিয়া কহিলেন “মহারাজ ! হুমি সচ্ছন্দে স্বধর্ম্মে রাজ্যপালন করিতে থাক, আমি এক্ষণে বিদায় হই, বৈষয়িক কার্যের কেমন মহাত্ম্য জিতে-দ্রিয় ব্যক্তির মনকেও ক্রমে ক্রমে আপনার বিধেয় করিয়া ফেলে—অতএব আমি আর বিলম্ব করিব না । সম্প্রতি আশ্রমে চলিলাম কিন্তু ইচ্ছা হইতেছে শীঘ্রই তীর্থপর্য্যটনে নির্গত হইব । মহারাজ ! দুঃখিত হইও না—যাহার যাহা কর্তব্য তাহার তৎ-

সাধনে নিযুক্ত হওয়াই ঠিকিত । কিন্তু আমার কেমন বিশ্বাস হইতেছে স্থানান্তরে তোমার সহিত পুনর্বার সাক্ষাৎ হইবে” । এই বলিয়া তিনি নিজ আশ্রমাভিমুখে যাত্রা করিলেন ।

ইহার পর শিবজী আপন সৈন্যগণকে সম্বোধন করিয়া কহিলেন । “তোমরা অদ্যকার যুদ্ধে যে রূপ বল বিক্রম প্রকাশ করিয়াছ, যাবজ্জীবন এইরূপ করিলে ভগবানের অনুগ্রহে অবশ্য কৃতকার্য হইতে পারিবে । আজ তোমাদিগের প্রতি অত্যন্ত তুষ্ট হইয়াছি, তোমরা প্রথম বারেই সম্মুখসংগ্রামে প্রবল মোগল সৈন্যের পরাভব করিলে, অতএব তোমাদিগকে কিকিৎ কিকিৎ পারিতোষিক প্রদান করিব । সৈন্য সাধারণকে একটি একটি রৌপ্য বলয় এবং সেনা নায়ক সকলকে একটি একটি সুবর্ণালঙ্কার প্রদান করিবার অনুমতি করিলাম” । মহারাষ্ট্রে সেনাগণ শিবজীর স্থানে প্রায় কদাপি অর্থ পুরস্কার প্রাপ্ত হইত না । তাঁহার নিয়মানু-

সারে তৎকর্তৃক লুচ্চিত্র জব্যাদিও রাজকোষ সম্বুদ্ধ হইত । অতএব এই যৎসামান্য পুরস্কার প্রদান করিবেন শ্রবণ কবিয়াও তাহার। পরম পরিভোক্তা প্রাপ্ত হইল । বহুতঃ বাহার। সৰ্ববিষয়েই ভৃত্যবর্গকে অর্থ পুরস্কার প্রদান করেন, তাহার। ঐ রীতির সমন্য দোষ অনুভব করেন না । এক বার অর্থ পুরস্কার প্রাপ্ত হইলে আর অন্য কোন পুরস্কার মনঃপূত হয় না । বরং ক্রমশঃ প্রশংসনীয় কার্যের প্রতি অনুরাগ ত্বস্ব হইয়া অর্থের প্রতিই লোভ জন্মে ।

ষষ্ঠ অধ্যায় ।

শিবজী জীবদ্দশায় আছেন এবং হঠাৎ আক্রমণ করিয়া মুসলমান সৈন্যপাতিকে পরাজয় করিয়াছেন, এই সংবাদ অনতিবিলম্বেই রাজা জয়সিংহের কর্ণগোচর হইল । তিনি তৎশ্রবণমাত্র নিজ পরাক্রান্ত রাজপুত্র সৈন্য সমভিব্যাহারে মহারাষ্ট্র রাজ্যে প্রক্টি হই

লেন। তাঁহার সেনা শিবজীর অপেক্ষা অনেক গুণে অধিক ছিল, এবং আপনিও পৰ্ব্বতীয় যুদ্ধে-বিলক্ষণ পটু ছিলেন। দিল্লী-শ্বর যেখানে যেখানে অত্যন্ত বিপদে পড়িতেন, সেই সকল স্থানেই রাজা জয়সিংহের সাহায্য গ্রহণ করিতেন ; বিশেষতঃ হিন্দু-রাজাদিগের সহিত বিবাদ কালে রাজা জয়সিংহই আরঞ্জের ব্রহ্মাঙ্গ প্রায় ছিলেন। অতএব এই সংগ্রাম-মাগর মহারাষ্ট্র-পতির পক্ষেও দুস্তর বোধ হইবে আশ্চর্য্য কি ? অনেকেই অনুমান করিয়াছিলেন, বুঝি তিনি এইবার মগ্ন হইলেন।

কিন্তু মহাত্ম-জনের মানসাকাশ কখনও দুর্ভাবনা কর্তৃক এমন আচ্ছন্ন হয় না যে, আশারূপ নির্মল নক্ষত্র-জ্যোতিঃ তাঁহাদিগের নির্ণীত পথ প্রদর্শন না করে। শিবজী সেই বিষম সঙ্কটে পড়িয়াও এমন একটা অসমসাহসিক কৰ্ম্ম করিলেন, যাহা সংধারণ ব্যক্তির পক্ষে কেবল অসাধ্য মাত্র নহে, তাহাদিগের বুদ্ধিরও অগম্য। সেই কৰ্ম্ম তিনি যে কি

সাহসে বা কি বিদ্বৈচনায় করিলেন তাহা
অন্তের বুঝিবার নয় । তদ্বারা তাঁহার অনেক
প্রয়োজন সিদ্ধ হইয়াছিল, অতএব তাঁহার
পরামর্শ কেবল ফলানুমেয় এবং তাঁহার
সাহস সকল লোকের চমৎকার-জনক হইয়া
রহিয়াছে ।

এক দিবস রাজা জয়সিংহ স্বীয় শিবিরে
উপবিষ্ট আছেন, হঠাৎ মহারাষ্ট্রপতি একাকী
এবং নিরস্ত্র তৎসমক্ষে উপনীত হইয়া আত্ম-
পরিচয় প্রদান করিলেন । জয়পুত্রপতি তৎ-
ক্ষণাৎ তটস্থ হইয়া কিছুকাল ইতিকর্তব্যতা
নির্দ্ধারণ করিতে পারিলেন না । কিন্তু বীর-
পুরুষেরা উপযুক্ত প্রতিপক্ষেরও গুণ গ্রহণে
সক্ষম । জয়সিংহ শিবজীর সহিত যুদ্ধ করিয়া
বিলক্ষণ বুঝিয়াছিলেন যে, তাঁহার আপনার
সৈন্যসংখ্যা অতিরিক্ত না হইলে তিনি স্বয়ং
অকিঞ্চিৎকর হইতেন । অতএব শিবজীর
প্রতি তাঁহার বিশিষ্ট শ্রদ্ধা হইয়াছিল । তিনি
মহারাষ্ট্রপতিকে নিজ সমীপস্থ দেখিয়া প্রথ-
মতঃ চমৎকৃত হইলেন, কিন্তু পরক্ষণেই বিশিষ্ট

সমাদর সহকারে ভ্রাতৃ-সম্বোধন এবং আলিঙ্গন প্রদান পূর্বক স্বপার্শ্বে আসন পরিগ্রহ করাইলেন । মহারাষ্ট্রপতি মৌনী হইয়া বসিলেন । রাজা জয়সিংহ ভাবে বুঝিতে পারিয়া পারিষদদিগকে ইঙ্গিত করিবামাত্র তাহারা স্থানান্তর হইল । শিবজী কহিতে লাগিলেন ।

“ মহারাজ ! আমাকে এমত সময়ে দেখিয়া আপনি অবশ্য বিস্মিত হইয়াছেন ; হইবেনই ত । আমি যে ছুরাশাব বশীভূত হইয়া আসিয়াছি, তাহা স্মরণ করিলে আপনিই বিস্ময়াবিষ্ট হই । কিন্তু মহারাজ ! মন যাহা বলে তাহা কখন নিতান্ত মিথ্যা হয় না । কিছু কাল হইল আমার অন্তঃকরণে কেমন সুদৃঢ় প্রতীতি হইয়াছে যে, আপনার সহিত সাক্ষাৎ করিয়া উভয়ে উভয়ের তাৎপর্য্য অবগত হইলেই এই ছুরস্ত সমরাগ্নি নিৰ্ম্মাণ হইবে, এবং আমরা যেমন উভয়ে এক ধম্মাবলম্বী, এক জাতি এবং (বোধ করি আপনি জানেন) এক গোত্রোদ্ভব, তেমনই আশা করি. উভয়ে

একপরামর্শী এবং এককর্মা হইব । মহা-
 রাজ ! আমাদিগের একত্র মিলন হইলে
 উভয়ের মঙ্গল । যাহাতে জাতীয় ধর্ম রক্ষা
 হয়, দেশের মুখ উজ্জ্বল হয়, এবং অন্য সর্ব-
 জাতীয় নিকট হিন্দু নামটি অবজ্ঞাস্পদ না
 হয়, এমত কর্ম কি কর্তব্য নহে ? । দেখুন
 দেখি, দিল্লীশ্বর কেমন মন্ত্রণা করিয়া আমা-
 দিগের অনৈক্যকেই আমাদিগেয় অনর্থের
 মূল করিতেছেন । যদি আপনার স্থানে আমি
 পরাভূত হই, অথবা আপনি আমা কর্তৃক
 হ্রস্ব-তেজা হযেন, উভয়ই আরঞ্জোবের মঙ্গলা-
 বহ । স্মরণ করুন, তিনি এই উপায়দ্বারা
 ক্রমে ক্রমে কোন্ হিন্দু মহীপালকে স্বপদা-
 বনত না করিলেন ? । শুনিয়াছি, উত্তরে
 হিমাচল, দক্ষিণে সমুদ্র, পশ্চিমে সিন্ধু এবং
 পূর্বে ব্রহ্মরাজ্য এই চতুঃসীমার মধ্যবর্তী বি-
 স্তীর্ণ ভারতভূমি তাঁহার কবলিত হইয়াছে ।
 কোথাও একটা স্বাধীন হিন্দু রাজা নাই ।
 কেবল রাজপুতানায় আপনারা এবং দক্ষিণে
 আমি অদ্যাপি হিন্দুধর্ম এবং হিন্দু নাম রক্ষা

করিতেছি । আরঞ্জের কেবল আমাদিগকেই
কিঞ্চিৎ ভয় করেন, বুঝি তাহাও আর অধিক
কাল করিতে হইবে না । ফলতঃ মহারাজ
আমি আর পরস্পার যুদ্ধে স্বজাতির বিনাশ
অবলোকন করিতে পারি না । আপনার
নৈরূপ কর্তব্য বোধ হয়, অনুমতি করুন ।

‘মহারাজ ! বাদসাহ কখন আপনার
অপোহ করেন নাই সত্য, কারণ তিনি
আপনাকে ভয় করেন । কিন্তু যদি আপনি
আজ্ঞা লোকান্তরগত হয়েন, তবে কালি
আপনার পরিবারেরা বুঝিবেন বাদসাহ
আপনকার কেমন স্তম্ভদ । মহারাজ ! পূর্ব
পৃষ্ঠ মুনসমান বাদসাহেরা হিন্দু রাজাদিগের
স্থানে নিদ্রিত নিয়মানুসারে কর প্রাপ্ত হই-
লেই মস্ত ট হইতেন । ইনি ক্রমে ক্রমে
হিন্দু রাজ্যের তেজোহ্রাস করিতেছেন,
ইহার মানস সম্পূর্ণ সফল হইলে একটীও
হিন্দু-ধর্মাবলম্বী রাজা থাকিবে না । আমি
জানি কেহ কেহ আরঞ্জেকে জিতেন্দ্রিয়
এবং বুদ্ধিমান বলিয়া প্রশংসা করেন । কিন্তু

বাস্তবিক তিনি জাতিস্বভাব হইলে আমার এমত ভয় হইত না। নৃশংস নিকোঁধ রাজারা যে সকল অত্যাচার করেন, তজ্জনিত দুঃখ স্বল্পকাল ব্যাপী হয়, কিন্তু ক্রুর-মতি নৃপালশাণের যে বিষ-রক্ষ-রূপ-মন্ত্রণা তাহার ফলাস্বাদনে সন্তান-সন্ততি সমৃদায় খর্ব-বীর্য হইয়া যায়। আমি জানি, অনেকেরই মনে এক্ষণে এমত প্রতীতি হইয়াছে যে, যেমন ব্রাহ্মণ ক্ষত্রিয় প্রভৃতি জগদীশ্বর-নির্দিষ্ট জাতি প্রণালী হইয়া আসিতেছে, মুসলমানও সেই রূপ বাদসাহের জাতি। মুললমান বই আর কেহ দিল্লীর সিংহাসন অধিকার করিতে পারে না। এইরূপ বোধ থাকাতেই এত হিন্দু রাজা অত্যন্ত পরাক্রমশালী হইয়াও দিল্লীর অধীনতা স্বীকার করেন। তাহা করুন— রাজ-শক্তি যে ব্যক্তিতে কেন অর্পিত হউক না, তিনি হিন্দু হউন বা মুসলমান হউন, বা অন্য যে কোন জাতীয় হউন, সুশীল বিচক্ষণ এবং অপক্ষপাতী হইলেই প্রজাগণ সুখ-সচ্ছন্দে কালযাপন করিতে পারে এবং ক্রীতী

হইয়া জন্মভূমির মুখ উজ্জ্বল করে । আকবর সাহ মুসলমান জাতীয় ছিলেন । তথাপি কি হিন্দু কি মুসলমান সকত প্রজার প্রতিই পক্ষপাত শূন্য হইয়া ব্যবহার করিতেন বলিয়া কত কত হিন্দু রাজারা তাঁহার সময়ে রাজ-কার্যে বুদ্ধি নিয়োজন করিয়া স্মশাসন-বিধি সমস্ত নির্দ্বারণ করিয়া গিয়াছেন । এই দেশে স্ববোধ লোকের কিছুমাত্র অসদ্ব্যবহার নাই । আরঞ্জিব এত চেষ্টা করিয়াও সকল নিঃশেষ করিতে পারেন নাই । এখনও আপনারা কয়েক জন স্মহৎস্তম্ভবৎ তাঁহার রাজ্যভার বহন করিতেছেন । কিন্তু পরবর্তী বাদসাহেরা যদি ইহার দৃষ্টান্তানুযায়ী হইয়া চলেন, তবে স্বল্পকাল মধ্যেই স্ববর্ণ-মণি-মাণিক্যাদি-প্রদবা ভারতভূমি আর উৎকৃষ্ট নররত্ন প্রদবে সমর্থী হইবেন না । মহারাজ ! আমার এই প্রার্থনা যেন এমন দিন কখন উপস্থিত না হয় যে, কোন বাদসাহ হিন্দু জাতির মধ্যে সক্ষম ব্যক্তি নাই বলিয়া অবজ্ঞা করেন । মহারাজ ! যাহারা আপনারাই এই

জাতিকে নিস্তেজ করার পরে ক্ষীণবীণা বলিয়া অবজ্ঞা করেন, তাহাদের কি মাধারণ দুষ্কতা ! মহারাজ ! অধুনা ভরতরাজ্যেব যে অপেক্ষাকৃত নিরুপদ্রবাবস্থা দৃষ্ট হইতেছে, সে বিকারাপন্ন বোগীর দৌর্বল্যাধীন নিস্পন্দ হওয়ার ন্যায়—তাহা স্রুতিপুস্তখানুভব নহে” ।

রাজাজয়সিংহ মহারাষ্ট্রপতির আগমনেই আপনার প্রতি তাহার তাদৃশ বিশ্বাস দর্শন করিয়া তুষ্ট হইয়াছিলেন, আবার এই সকল সরল তথ্য-ভাষা শ্রবণ করিয়া উন্মীলিত-জ্ঞান-চক্ষুঃ এবং উন্মুক্ত-প্রণয়-প্রণালী হইলেন । কিন্তু রাজপুত্রদিগের কি বাঞ্ছনিষ্ঠা ! তিনি শিবজীকে ধৃত করিবার প্রতিজ্ঞা করিয়া আসিয়াছেন এক্ষণে তাহার অন্যথা করিতে পারিলেন না । অতএব অনেক বিবেচনা করিয়া উত্তর করিলেন । “মহারাজ ! তোমার কথায় আমার জ্ঞানোদয় হইল । তুমি যাহা যাহা বলিলে সকলই সত্য বোধ হইতেছে । কিন্তু প্রথমতঃ আমার একটি কথা জিজ্ঞাস্য আছে তাহার উত্তর করিলে পর আমার

যে রূপ পরামর্শ হয় বলিষ” । “কি জিজ্ঞাস্য আছে অনুমতি করুন” । “আমি তোমার নিকট যদি এমত প্রতিশ্রুত হই যে, বাদসাহ তোমার কোন অপমান করিলে, আমি সেই অপমান আপনার হইল বোধ করিয়া তাহার প্রতিকূল প্রদানের চেষ্টা পাইব, তবে তুমি তাঁহার সহিত সাক্ষাৎ করিতে সাহস কর কি না” । শিবজী তৎক্ষণাৎ উত্তর করিলেন, “তাহা হইলে আমি নিরুদ্ধেগে গমন করিয়া বাদসাহের সহিত সাক্ষাৎ করিতে পারি । কারণ তিনি আমার কোন অপমান করিলে আপনি তাঁহার শত্রু হইবেন এবং তাহা হইলেই হিন্দু জাতির অভ্যুদয় কাল পুনরুপস্থিত হইবে, অতএব এমত স্থলে আমি মৃত্যু স্বীকার করিতেও সন্মত আছি” । রাজা জয়সিংহ আশ্চর্য্যম্ভন্য হইয়া কহিলেন,— “এমত সাহস না হইলে কি কেহ সাম্রাজ্য সংস্থাপনে সক্ষম হয় ! এমন কার্য্য-পরতন্ত্র না হইলে কি মহৎকার্য্য সিদ্ধ হয় !—মহারাজ ! কোন সন্দেহ নাই, আরঞ্জিব এক নিৰ্বোধ

নহেন যে, আমি নির্ভয় করিলে তিনি কাহারও অপমান করিবেন—এক্ষণে আমার বেরূপ পরামর্শ শ্রবণ করুন । আপনি যাহা যাহা বলিলেন কিছুই মিথ্যা নহে । এতদেশীয় তাবল্লোকেরই প্রতিষ্ঠিত হইয়াছে, তৈমুরলঙ্গ-বংশীয় ব্যতিরেকে আর কেহ বাদসাহ পদাভিষিক্ত হইতে পারে না । আমি সেই জন্যই বিবেচনা করি, প্রকাশে আরঞ্জবের প্রতি-কূলতাচরণে কোন বিশেষ ফল হইবার সম্ভাবনা নাই । শুনিয়াছেন ত, মহব্বৎ খাঁ নামক জাহাঙ্গীর বাদসাহেব একজন প্রধান সেনাপতি পাঁচ সহস্র রাজপুত্র সেনার সহায়তায় বিংশতি সহস্রাধিক মোগল সৈন্যের মধ্য হইতে বাদসাহকে নিজ করকলিত করিয়াছিলেন । কিন্তু তাহা করিলে কি হইবে, প্রজা সমস্ত তাঁহার প্রতি অনুরাগ-শূন্য হওয়াতে আপনাকেই পুনর্বার বাদসাহের শরণ প্রার্থনা এবং পলায়নপর হইয়া প্রাণ রক্ষা করিতে হইয়াছিল । কিন্তু ইহা বলিয়া যে, কোন প্রকার চেষ্টা করিব

না তাহাও বলিতেছি না। বাদসাহের মনে
 যাহাতে কিঞ্চিৎ ভয় থাকে এমনটী করিয়া
 চলা উচিত ! তাহাও, উত্তরে আমি আর
 দক্ষিণে তুমি থাকিলেই সম্পূর্ণ হইবে।
 অতএব এইক্ষণে বাদসাহের নামে আমি
 তোমার সহিত সন্ধি নিবন্ধন করিতেছি।
 কিন্তু পাছে আরঞ্জের সন্দিহান-মনা হইয়েন,
 এই জন্য তোমাকে প্রথমতঃ কিঞ্চিৎ ক্ষতি
 স্বীকার করিতে হইবে। আমার সৈন্তেরা
 বাদসাহের নামে যে কয়েকটি ভূগ জয় করি-
 যাচ্ছে তাহা সম্প্রতি প্রত্যর্পিত হইবে না।
 কিন্তু আমার সহিত মিলিত হইয়া তুমিও
 দিল্লীশ্বরের প্রতিপক্ষ বিজয়পুর বাদসাহের
 প্রতিকূলে যুদ্ধ করিতে চল। আরঞ্জের
 তাহাতে ভুক্ত হইবেন, এবং সেই ভ্রমোগে
 তাহার সহিত সাক্ষাৎ করিয়া তুমিও আপন
 রাজ্যের স্ফূট সংস্থাপন করিতে পারিবে”।

রাজা জয়সিংহ এই বলিয়া, নিঃশব্দ
 হইলে, শিবজী মনে মনে ‘যথালভ’ বিবে-
 চনা করিয়া তৎক্ষণাৎ সন্মত হইলেন। মহা-

রাষ্ট্রপতি বাস্তবিক সসরল-প্রকৃতি ছিলেন । তিনি সহজে কপট ব্যবহার করিতেন না । তিনি অত্যাচার-প্রকৃতি না হইলে কখন মহারাষ্ট্রীয়দিগের অন্তঃকরণে প্রবল স্বদেশহিতৈষিতা উদ্ভিক্ত করিতে পারিতেন না । কিন্তু তাঁহাকেও মধ্যে মধ্যে কোটিল্য অবলম্বন করিতে হইত । এই জন্য তাঁহার চরিত্র-লেখক গ্রন্থকার অনেকেই এই মহাত্মাকে কুটিল-স্বভাব বলিয়া বর্ণন করিয়া গিয়াছেন । সে বাহাইউক, তিনি এইক্ষণে বিবেচনা করিলেন আমার পক্ষে কি দিল্লীশ্বর, কি বিজয়পুর-বাদসাহ, উভয়ই সমান । একো-দ্যমে দুই জনের সহিত যুদ্ধ করিয়া কখনই কৃতকার্য হইতে পারিব না ! অতএব কখন বা ইহার কখন বা উহার পক্ষতা অবলম্বন করিয়া ক্রমে ক্রমে নিজ বল বর্দ্ধন বরাই সদযুক্তি ; আর হয় ত, আরঞ্জের তুমুট হইলে পরিণামে রোসিনারা লাভ হইলেও হইতে পারে । মহারাষ্ট্রপতি মনোমধ্যে এই সকল ঋনুধাবন করিয়া নিজ সম্মতি প্রকাশ পূর্বক

সর কিঞ্চিৎ বিলম্বে কাহিলেন। ‘মহারাজ আপনি যেমন অনুমতি করিবেন আমি সেই রূপই করিব। কিন্তু আমার সৈন্যগণ বাদসাহের কাব্যে নিযুক্ত হইলে বাদসাহ নিজ-কোষ হইতে তাহাদিগের ভূতি প্রদান না করিয়া তৎকর্তৃক বিচিৎভূমির নির্দ্বন্দ্বিতা করের চৌৎ অর্থাৎ চতুর্থাংশ প্রদানের অনুমতি করিলেই নঃপরামর্শ হয়। কারণ তাহ হইলে ঠাহাকে আপন ধনাগার হইতেও কিছু দিতে হইবে না, আর সৈন্যগণও বিশিষ্ট বস্ত্র করিয়া অধিক ভূমি জয় করিবে’। রাজা জয়সিংহ এই কথাই ভাব মন্থ্যণ বুঝিতে পারিলেন কি না বলা যায় না। ফলতঃ শিবজী এবং ঠাহার উত্তরাধিকারী মহারাষ্ট্রীয় রাজারা ঐ চৌৎ আদায়ের নামেই ক্রমে ক্রমে প্রায় সমুদায় ভারত-ভূমির উপর আপনাদিগের কর্তৃত্ব প্রচার করিয়াছিলেন। বাহাহউক, জয়পুরপতি তখনই স্বীকার করিয়া এই সকল নিয়মানুযায়ী সন্ধিপত্র লিখাইলেন, এবং বাদসাহের সম্মতির নিমিত্ত

তাহার অনুলিপি সংগ্রহ করিয়া অচিরাৎ শিবজী সমভিব্যাহারে সসৈন্য রিজয়পুর প্রদেশাভিমুখে যাত্রা করিলেন ।

সপ্তম অধ্যায় ।

“দিল্লীশরোবা জগদীশরোবা” এই কথাটা দ্বারা বাদসাহের পার্শ্বিক বিভবের মাত্র আভিষ্য দেখিয়া জগদীশরের সহিত তাহার উপমা দেওয়াতে অত্যন্ত অতুলিত প্রকাশ হয় বলিয়া ইহা অবশ্য ছুষ্য বটে । কিন্তু যে সকল পর্য্যটক তৈমুরলঙ্গ বংশীয় বাদসাহদিগের সময়ে দিল্লীনগরের এবং তত্রত্য রাজসভার শোভা নয়ন গোচর করিয়াছিলেন, তাহারা সকলেই মুক্তকণ্ঠে কহিয়াছেন যে, তখন পৃথিবীতে আর কোথাও তাদৃশ ঐশ্বর্য্য দৃশন করেন নাই । প্রাচীন রাজধানী শোভা-বিহীন হইয়াছিল বলিয়া আরঞ্জবের পিতা সাজাহান সমদায় নগরটী নতুন নিৰ্ম্মাণ

করিয়া দিয়াছিলেন । সঃজাহানাবাদ অর্থাৎ নবদিল্লীর রাজবত্নসকল কেমন প্রশস্ত হইয়াছিল !—তন্মধ্যে এবং উভয় দিকে কেমন পরিপাটীরূপ বিচ্যুত পাদপগণ নগরটিকে শোভাময় এবং সুখ-প্রদ করিয়াছিল ! । এক্ষণে দিল্লীর সেই শোভা নাই । তথাপি ইংলণ্ডীয় সম্রাটদিগের রাজধানী কলিকাতা নগরী তাহার নিকট অনেক বিষয়ে লজ্জা পায়েন । নগরের প্রাসাদগুলিও কি সুন্দর ! বিশেষতঃ শ্বেত মার্বেলে নিশ্চিত মসীদটীর শোভা সকলেই প্রশংসা করিয়া থাকেন । রাজবাটী দুর্লভ্য-প্রাকার-বেষ্টিত—এবং বহুমূল্য মার্বেল প্রস্তরে অতি পরিপাটীরূপে নিশ্চিত । মুসলমানেরা যে হস্তশিল্প বিদ্যায় অত্যন্ত পারদর্শী হইয়াছিল তাহার এই প্রমাণ যে, তাহাদিগের নিশ্চিত অট্টালিকা সকলে খোদকতা কার্যের আধিক্য, তথাপি দ্রব্বর্গের মনে অদ্ভুতরসের বই অন্য রসের উদয় হয় না । কোন সুবিজ্ঞ পর্য্যটক কহিয়াছেন যে, মুসলমানদিগের নিশ্চয়

সকলে জহুরির স্তায় সূক্ষ্মকারুতা এবং
 অস্তরের স্তায় অতিমানুষত্বপ্রতীয়মান করে ।
 বিশেষতঃ ঐ মাজাহান ভূপাল কর্তৃক নিশ্চিত
 আশ্রয় নগরস্থিত জগদ্বিখ্যাত তাজমহল
 অট্টালিকা ঐরূপ নিশ্চয় কীর্তির অসাধারণ
 দৃষ্টান্ত স্থল । যেমন নিশাকালীন আকাশ
 মণ্ডল ক্ষুদ্র ক্ষুদ্র তারকস্তুবক গচিত হইয়া
 মানবগণের অন্তঃকরণে বিপুল আনন্দের
 আবির্ভাব করে, তাজমহলও সেইরূপ তপস্বী
 সঙ্গ কারুকার্য্য দ্বারা দর্শকমাত্রেয় মনে
 অদ্ভুত রমের উদয় করে । আর ঐ মাজাহান
 নিশ্চিত 'ময়ূরতন্তু' নামক সিংহাসনের
 শোভাই বা কি বলিব ? । সেই রাজাসন
 দুইটি দিব্য-গঠন ধাতু নিশ্চিত ময়ূরের পৃষ্ঠে
 সংস্থাপিত । ঐ ময়ূরদ্বয়ের পুচ্ছদ্বয় সিংহা-
 সনের পশ্চাত্তাগে বিস্তীর্ণ হইয়া থাকিত ।
 নৃত্যকারী ময়ূরের পক্ষ ও পুচ্ছ বে সকল
 বিচিত্র রূপ দৃষ্ট হয়, ঐ পুচ্ছও নানাবিধ
 মণি মণিকরাদি দ্বারা সেই সন্দায় বর্ণই
 সুপ্রকাশিত ছিল ।

যে সাজাহান এই মনোহর নবদিল্লী, এবং ইহার দিব্যগঠন প্রাসাদ সকল ও মহামূল্য পরম শোভাময় রাজাসন নির্মাণ করিয়াছিলেন, তিনি এক্ষণে কোথায় ?। যেমন অন্যান্য সংসারাত্মী জনেরা যৌবন সময়ে স্ব স্ব বিভবের ভোগ ও বৃদ্ধি করিয়া চরমে তৎসমুদায় সম্ভানদিগকে প্রদান করিয়া যান, তিনিও কি সেইরূপে আত্মজ আরঞ্জেরকে সমস্ত রাজ্যের ঈশ্বর করিয়া লৌকিকী লীলা সম্বরণ করিয়াছেন ?।—না; তাঁহার ছুরবস্ত্রার উপমাশ্লল নাই। তিনি স্বীয় আত্মজ আরঞ্জের কর্তৃকই জীবন্মৃত্যু প্রাপ্ত হইয়াছিলেন। আহা! সাজাহানের ছুরবস্ত্রা স্মরণ করিলে কাহার মনে পুঞ্জ হউক বলিয়া আর স্পৃহা হয় ? অথবা, কোন্ দরিদ্র ব্যক্তি নিজ পিতৃভক্তিপরায়ণ সম্ভানগণের মুখাবলোকন করিয়া স্বয়ং ঐশ্বর্যশালী নহেন বলিয়া আপনাকে ধন্য-জ্ঞান না করেন ?। অহো! বিভব কি ভয়ানক বস্তু! প্রভূত্বশক্তি লোকের এতাদৃশ

প্রার্থনীয় যে, তজ্জন্ম-মনুষ্যদিগের মন হইতে আশৈশব-প্রতিপালন-কারী পিতার প্রতিও শ্রদ্ধা এবং প্রীতি অপনীত হইয়া যায় ! । বুদ্ধ বাদসাহ মাজাহান, দুই পুত্র আরঞ্জিব কর্তৃক •অপহৃত-সর্বস্ব হইয়া, কারাবাসীর ন্যায় অবরোধ নিরুদ্ধ হইয়াছিলেন ।

তিনি যে তথায় কি পর্য্যন্ত ক্লেশ অনুভব করত কালযাপন করিতে লাগিলেন তাহা বলা বাহুল্য । যিনি সমুদায় ভারতভূমির একাধিপতি হইয়া কোটি কোটি মনুষ্যের ধন প্রাণের হর্তা কর্তা ছিলেন, তিনি কি কেবল গ্রাসাচ্ছাদন মাত্র প্রাপ্ত হইয়া পরিতুষ্ট থাকিতে পারেন ? বিশেষতঃ মাজাহানের যে, এই দুঃখ, কালেও কখন হাস হইবে তাহারও সম্ভাবনা ছিল না । কালে দরিদ্র যন্ত্রণা সহ হইয়া যায়, বন্ধু-বিচ্ছেদ ক্লেশও ভুল হইয়া আইসে, অন্য কি, মাতাও ক্রমশঃ অপত্য-বিরহ-বিষাদ বিস্মিতা হইয়া থাকেন । কিন্তু যে দুর্ভিক্ষে শোক সম্ভ্রপ অন্তঃকরণকে স্নেহ-বর্জিত করে, যাহাতে

একজনের দোষে স্বজনমাত্রেয় প্রতি শ্রদ্ধা হ্রাস হয়, সেই দুঃখ দাবাগ্নি-নির্ব্বাণে কালও কুণ্ঠিত-শক্তি হইয়া থাকে । ঐ অনল, নীরস জীবন বৃক্ষকে একেবারে দগ্ধ করিয়া নিঃশেষ হয়, অথবা স্নেহরস বর্ষণে সক্ষম ব্যক্তি বিশেষ দ্বারা কিঞ্চিৎ সান্ত্বনা প্রাপ্ত হইলেই কিছু মন্দ-তেজ হইতে পারে ।

রোসিনারা নিজ পিতার ক্রোধ-ভাজন হইয়া তাঁহার নিকটে অবস্থান প্রাপ্ত হইলে, মাজাহানের ঐরূপ সহচরী লাভ হইল । আরঞ্জিব-পুত্রী উভয়-প্রকৃতি ছিলেন । কিন্তু সম্পদের কেমন দোষ ! রোসিনারা অতুল ঐশ্বর্যের ঈশ্বর পিতার প্রিয়তমা হইয়া প্রথমাবস্থায় আমোদ প্রমোদেই কালাতিপাত করিয়াছিলেন । তখন দুঃখ যে কি পদার্থ ইহা জানিতেন না বলিয়াই, পিতামহের দুঃখে সমদুঃখতা প্রকাশ করিতে পারেন নাই । উদার-চরিত্র শিবজীর সহবাসে তাঁহার মনের সেই ভাবটি দূর হইয়াছিল । শিবজী বাক্য দ্বারা কখন রোসিনারাকে হিতাহিত বিবে-

চনার শিক্ষা দেন নাই বটে, কিন্তু স্বয়ং একাগ্রমনে কর্তব্যানুষ্ঠান করিতেন বলিয়াই তৎপ্রতি প্রণয়-বন্ধা বাদসাহ-পুত্রী তাদৃশ জ্ঞানলাভে সমর্থ হইয়াছিলেন। কার্য দ্বারায় যে উপদেশ হয়, তজ্জনিত সংস্কারের প্রায় অন্ত্যথাভাব হয় না। অতএব, পরমেশ্বর মনুষ্য জীবন কেবল হাসিয়া খেলিয়া আমোদ প্রমোদে কাটাইবার জন্য সৃষ্ট করেন নাই, এই ভাব রোসিনারার অন্তঃকরণে সেই মহাপুরুষের সাহচর্যে দৃঢ়রূপে সংলগ্ন হইয়াছিল। তিনি বুঝিয়াছিলেন যে, জগতে এমত পদার্থও আছে বাহার জন্য জীবন এবং জীবনের সমুদায় সুখ পরিত্যাজ্য হইতে পারে।

শিবজীর সাহচর্যে রোসিনারার মানসিক ভাব সকল পরিবর্তিত হওয়াতে তিনি নানা ইন্দ্রিয়-সুখ-নিধান অন্তঃপুরের অন্যান্য-ভাগে বাস অপেক্ষা তাহারই একদেশে পিতামহ সন্নিধানে অন্ত-সঙ্গ-বর্জিত হইয়া কালযাপন করিতে প্রীতিপূর্বক অভিলাষিণী

হইয়াছিলেন । প্রথমতঃ সাজাহান তাঁহাকে আরঞ্জোবের কন্যা বলিয়া কিঞ্চিৎ বণা করিয়াছিলেন । কিন্তু রোসিনারা আপনার বিনীত ব্যবহার, শীলতা ও মধুরালাপ দ্বারা তাহার দুঃখ শৈথিল্যের যত্ন করিয়া পিতামহকে পরম পরিতুষ্ট করিলেন । সাজাহান নিজ আধিপত্য সময়ে অনেক স্ত্রী সম্ভোগ করিয়া ছিলেন বটে, কিন্তু রোসিনারার প্রতি স্নেহ সঞ্চার হইলে তাঁহার অন্তরাগ্না যেমন পরিতপ্ত হইয়াছিল, তেমন আর কিছুতেই হয় নাই । রোসিনারাও পিতামহ সন্নিধানে মনের কথা সমুদায় ব্যক্ত করিয়া দুঃখের লাঘব করিতে লাগিলেন । সকলেই দেখি-
 বাছেন, পিতা অপেক্ষাও পিতামহের সহিত শিশুদিগের কেমন অধিক প্রণয় হয় । সাজাহান নানা কার্য্যাসক্ত থাকাতে সেই প্রণয়-স্ত্রী পূর্বে ভোগ করিতে পারেন নাই । এক্ষণে নাতিনীকে সহচারিণী ও সমদুঃখ-ভাগিনী পাইয়া তাঁহার মনে যে, কি অপূর্ব-ভাব উদয় হইল, তাহা বর্ণনাভীত ।

ইহারা উভয়েশানা কথা প্রসঙ্গে কাল
 হরণ করিতে লাগিলেন । তন্মধ্যে শিবজী
 সম্বন্ধীয় বিবরণই বোসিনারার অধিক মনো-
 গত হইত বলিয়া বদ্ধ বাদসাহ তৎকালে
 শিবজীর সহিত আবঞ্জেবেব সেনাপতিদিগেব
 মে সকল ঘটনা ঘটিতেছিল, বত্ৰপূর্বক সম-
 দায়গুলি অনুসন্ধান করিয়া অবগত হইতেন,
 এবং বোসিনারাকে শ্রবণ কবাইতেন ।
 বোসিনারা, যখন শিবজী মুসলমান সৈন্য-
 পতিকে সম্পূর্ণ পরাজয় করিয়াছেন শ্রবণ
 করিলেন, তখন আর পিতার সহিত সন্ধি
 হওয়া ভার হইল বিবেচনা করিয়া অত্যন্ত
 দুঃখিতা হইলেন । কিন্তু মহাবাষ্ট্রপতি
 বোসিনারার নিমিত্ত আপনার প্রাণদান
 করিতেও প্রস্তুত আছেন, কিন্তু তিনি তাহাকে
 পাইবার লোভেও আপনার কর্তব্য কৰ্ম্ম
 সাধনে কুদাপি পরাঙ্মুখ নহেন, ইহা জানিয়া
 বাদসাহ-পুত্রী নিতান্ত অসন্তুষ্ট হইতে পারি-
 লেন না । পরে যখন শুনিলেন যে, শিবজী
 রাজা জয়সিংহের সহিত যুদ্ধে দিন দিন ক্ষীণ-

বল হইতেছেন তখন নিতান্ত শঙ্কায়ুক্ত হইতে লাগিলেন । পরন্তু তিনি যে দিন, পিতামহ প্রমুখাৎ শ্রবণ করিলেন যে, শিবজী আরঞ্জের সহিত সন্ধিবন্ধন করিয়া রাজা জয়সিংহের সহায়তায় বিজয়পুরের প্রতিকূলে যাত্রা করিয়াছেন, তখন তাঁহার স্নিয়মাণ আশালতা পুনরুজ্জীবিতা হইতে লাগিল । অনন্তর যেদিন রোসিনারাব কর্ণগোচর হইল যে, মহারাষ্ট্রপতির সাহায্যে কৃতকার্য্য বাদসাহ তাঁহাকে অভয় প্রদান করিয়া নিজসভায় আসিবার নিমন্ত্রণ করিয়াছেন, তখন তাঁহার আর আনন্দের পরিসীমা রহিল না । কিন্তু পিতার অত্যন্ত ক্রুর-স্বভাবতা ভাবিয়া মনোমধ্যে কিঞ্চিৎ শঙ্কাও উপস্থিত হইতে লাগিল । তিনি মধ্যে মধ্যে ভাবিতেন যদি পিতা আমাকে সেই ব্যক্তিকে অর্পণ করিবার মনন করিতেন, তবে এতাবৎ আমার প্রতি অক্রোধ না হইলেন কেন ? আমি তাঁহারই গুণানুবাদ করিয়াছিলাম বই আর ত কোন অপরাধ করি নাই” ।

সাজাহান, যে দিন শিবর্জী বাদসাহের সম্ভাষণার্থ আসিতেছেন, সেই দিন রোসিনারাকে এই সংবাদ প্রদান পূর্বক কৌতুক করিয়া কহিলেন “মহারাজপতি আসিতেছেন—কিন্তু তুমি এমনটি মনে করিও না যে তিনি আসিলেই বুদ্ধ তোমাকে ছাড়িয়া দিবেন”। রোসিনারা এই কথা শুনিয়া ঈশৎ হাস্য করিলেন, কিন্তু সেই হাস্য প্রভা আন্তরিক দুঃখান্ধকারই প্রকাশ করিল, তাহা সম্পূর্ণ সম্ভাষণাপক হইল না। পরে বাদসাহ-পুত্রী কহিলেন “বুদ্ধ আমাকে স্বয়ং ত্যাগ না করিলে আমি তাঁহাকে ত্যাগ করিব না। কিন্তু মহাশয়! আমার মন সম্পূর্ণ স্তম্ভ নহে—আমি পদে পদে বিপদ শঙ্কা করিতেছি”। বুদ্ধ বাদসাহ এই কথা শ্রবণে বিস্ময় এবং ঈষৎ ক্রোধযুক্ত হইয়া কহিতে লাগিলেন।—বিপদ শঙ্কা কি?—আরঞ্জের স্বয়ং পত্রদ্বারা সেই ব্যক্তিকে আবাহন করিয়াছে—সে কি আপনার কথা মিথ্যা করিলে?—দিল্লীর বাদসাহ হইয়া প্রতিশ্রুত পালনে

পরান্ধু হইলে কি সেই আসনের আর গৌরব থাকে ?” এই বলিয়া রোসিনারার প্রতি দৃষ্টি করিলে তাঁহাকে অধোবদন দেখিয়া বৃদ্ধ আপনার প্রকৃত অবস্থা স্মরণ করিলেন—। “হায় ! আমার আসনের গৌরব হইবে বলিয়া আমি আরঞ্জের প্রতিজ্ঞায় বিশ্বাস করিতেছি; কিন্তু যে ব্যক্তি পুত্র হইয়া পিতার অপমান করিতে পারে সে কি না করিতে পারে ?—আমি এমন অল্প-বুদ্ধি না হইলেই বা কেন রাজ্যচ্যুত হইব— অধিক বিশ্বাসই আমার কাল হইয়াছে— পূর্বে পূর্বে অনেকেই আমাকে কহিয়াছিল পুত্রদিগকে এত বিশ্বাস করিবেন না—আমি কহিতাম যদি আপনার পুত্রদিগকে বিশ্বাস না করিব, তবে কাহাকে করিব ? আর পুত্রের প্রতিও অবিশ্বাস করিয়া যদি রাজ্য করিতে হয়, তবে এমন রাজ্য সম্পত্তিতেই বা কাজ কি ?—হায় রে ! জ্যেষ্ঠ পুত্র পরম বিশ্বাস-ভাজন দারসীকো ! তোমারই সচ্চরিত্রতা দেখিয়া আমি সকলের প্রতি সমান

বিশ্বাস করিয়াছিলাম—তুমি সরল-হৃদয় হই-
 যাছিলে বলিয়া •পাপ-পূর্ণা পৃথিবীতে স্থান
 পাইলে না !।—আমি আর কতকাল এই
 দুঃসহ দুঃখ সহ করিব ? রে কঠিন প্রাণ !
 তোমাঙ্গ কি আরো দুঃখ ভোগ করিতে
 অভিলাষ আছে ? বাহির হও !—যন্ত্রণা
 হইতে মুক্ত হই” । বৃদ্ধ বাদসাহ জ্যেষ্ঠ
 পুত্র দারার মৃত্যু স্মরণ করিয়া একেবারে
 বিচেতনপ্রায় হইলেন । বৈষয়িক ভোগের
 প্রতি নিষ্পৃহতা এবং বৃদ্ধাবস্থায় স্মৃতিশক্তির
 হ্রাস বশতঃ তিনি আর আর সকল দুঃখ
 ক্রমে ক্রমে বিস্মৃত হইতেছিলেন, কিন্তু
 আরঞ্জের কৰ্ত্তক প্রিয়তম পুত্র দারা নিহত
 হইয়াছিল, এই মর্মান্তিক বেদনা তাঁহার
 মনে চিরকাল সমানরূপে জাজ্বল্যমান ছিল ।
 রোসিনারা ঐ সকল সময়ে পিতামহের
 সান্ত্বনার জন্য অন্য কোন উপায় না করিয়া
 তৎসমক্ষে দারার স্বরচিত কাব্য পাঠ করি-
 তেন । তিনি জানিয়াছিলেন, যেমন অগ্নি-
 দন্ধের অগ্নিতাপই স্বাস্থ্যকর, তেমনি স্নেহ-

বিরহ-যাতনা সেই স্নেহদ্বিবন্ধিনী কথাতেই শান্ত হয় ;—অন্য কথা সেই সময়ে বিষতুল্য বোধ হইতে থাকে । রোসিনারা এই বারেও সেইরূপ করিলেন । দারার বিরচিত কাব্য-পাঠ একতান মনে শ্রবণ করিতে করিতে সাজাহানের নেত্রযুগল হইতে অজস্র অশ্রু-ধারা বিগলিত হইতে লাগিল । রুদ্ধ বহুক্ষণ পরে কহিলেন “আহা ! এমন পুত্রও মরে—আহা ! সে মরিয়াও কবিতামৃত দানে আমার তাপিত মনকে জুড়াইতেছে—হার ! যে ব্যক্তি আমার এই সকল দুঃখের মূল তাহার কোন স্নেহেরই অভাব নাই—আমি এমন কি পাপ করিয়াছিলাম যে, আমার ঔরসে এই রাক্ষস জন্ম গ্রহণ করিল ?—বুঝিলাম—বুঝিলাম—যে পিতাকে অবজ্ঞা করে তাহাকে আপন পুত্র হইতে অবশ্য আপমান-গ্রস্ত হইতে হয়” । বোধ হয়, সাজাহান যৌবনাবস্থায় নিজ জনক জাহাঙ্গীরের বিরুদ্ধে যুদ্ধ করিয়াছিলেন, তাহাই স্মরণ করিয়া ক্ষণকাল নীরব হইলেন।—পরে

আপনা আপনি কহিতে লাগিলেন—“আমি
আপনার কস্মের ভোগই ভুগিতেছি—তবে
আরঞ্জিবও নিষ্পাপ?—আমার পিতাও স্বীয়
জনকের প্রতিকূলাচরণ করিয়াছিলেন—
তবে আমি কি জন্ম অপরাধী হইলাম?—
কপালের লিখন?—না! না! তাহা হইলে
অসৎকর্ম করিয়াছি বলিয়া কি জন্ম অনু-
তাপাগ্নি অন্তর্দাহ করিবে?” ।

সাজাহান্ স্বীয় আত্মজের কৃতঘ্নতায় অসা-
ধারণ দুঃবস্থা-গ্রস্ত হইয়া যথার্থ জ্ঞানলাভের
পথবর্তী হইয়াছিলেন । তাঁহার এই বোধের
উপক্রম হইতেছিল যে, পরমেশ্বর পৃথকরূপে
স্বকৃতির পুরস্কার এবং দুষ্কৃতির দণ্ড বিধান
করিয়া থাকেন । এক জনের পাপ দেখিয়া
তাঁহার অনুকরণ করা মনুষ্যের পক্ষে বিধেয়
নহে । দুষ্কের প্রতিও দুষ্কট ব্যবহার করিলে
দোষ হয় । যাহা হউক, তাঁহার মন এমন
না হইলে, তিনি কি সেই দশায় জীবিত
থাকিতে পারিতেন? । বৃদ্ধ বাদসাহ ক্ষণকাল
চিন্তা মগ্ন থাকিয়া পরে রোসিনারাকে সম্বোধ-

ধন করিয়া কহিলেন । “আর পূর্ব-বৃত্তান্ত
 স্মরণ করিয়া অনর্থক কষ্ট পাইবার আবশ্য-
 কতা নাই, তুমি বুদ্ধিমতী বাহা পরামর্শ সিদ্ধ
 হয় তাহাই কর । আমার বুদ্ধির অনেক হ্রাস
 হইয়াছে—বোপ করি আর বহু দ্বিম দুঃখ
 ভোগ করিতে হইবে না—অনুমান করিয়া-
 ছিলাম জগতে আর প্রার্থনীয় কিছুই নাই—
 কিন্তু তোমার গুণে বশীভূত হইয়া এক্ষণে
 এই মাত্র ইচ্ছা হয় যে, তোমাকে স্ত্রুভাগিনী
 দেখিয়া বাই । এই বলিয়া বৃদ্ধ, পৌত্রীর
 নস্তকে হস্তার্পণ করিয়া রোদন করিতে লাগি-
 লেন । রোসিনারাও ক্ষণকাল কোন উত্তর
 করিতে পারিলেন না । পরে কহিলেন—
 “পিতা, মহারাষ্ট্র-পতির বেক্রপ সমাদর বা
 অনাদর করেন তাহা দেখিয়াই কর্তব্যাকর্তব্য
 বিবেচনা করিতে পারিব” । বৃদ্ধ কহিলেন
 “তুমি অন্যান্য অন্তঃপুর-বাসিনীগণের সমভি-
 ব্যাহারে যাইয়া জালরন্ধুর অন্তরাল হইতে
 স্বচক্ষে সমুদায় দেখিও” ।



অক্টোবর অধ্যায় ।

দিল্লীশ্বরদিগের প্রধান সভা গৃহের নাম আম্‌খান্‌ । তাহার তিন দিক অনাবৃত এবং রহৎ রহৎ স্তম্ভদ্বারা পরিশোভিত । ঐ সকল স্তম্ভ এবং ছাদটি সমুদায় স্বর্ণ দ্বারা মণ্ডিত । উত্তরাংশে যে প্রাচীর তাহারই পশ্চাদ্ভাগে অন্তঃপুর । যে দিবস শিবজী রাজসম্মতনে আইসেন, রোসিনারা অন্যান্য অন্তঃপুর-বাসিনী-দিগের সম্মিলিতব্যাহারে আসিয়া সেই প্রাচীরের গবাক্ষ-বিবর হইতে সমুদায় অবলোকন করিতে লাগিলেন ।

তিনি দেখিলেন, একটি অত্যুচ্চ বেদীর উপরিভাগে আরঞ্জের ময়ূরতলে উপবিষ্ট হইয়াছেন । বাদসাহের পরিচ্ছদ শুভ্রবর্ণ মাটিন বস্ত্রে প্রস্তুত, উষ্ণীয় স্বর্ণময়, তাম্বলে অতি মহামূল্য হীরক কতিপয় দীপ্যমান হইতেছে, এবং তাহার ঠিক মধ্যভাগে একটি মাণিক্য অকৃতুল্য রশ্মি বিকীর্ণ করিতেছে ।

আরঞ্জের মুখাবয়ব অতুল্য বলি যায় না । তাহার প্রশস্ত ললাট, প্রথর দৃষ্টি, উন্নত নাসিকা, এবং অনারক্ত গণ্ডস্থল, দান্ত স্বভাব, কুটিল বুদ্ধি, এবং জিতেন্দ্রিয়তার প্রকাশক হইতেছিল । বেদীর সমীপবর্তী কতকটা ভাগ রক্ত-রেইল দ্বারা আবৃত । তাহারই অভ্যন্তরে প্রধান প্রধান ওয়া ও রাজা এবং রাজ-প্রতিভূগণ সমভ্রমে স্ব স্ব বক্ষে বাহু বিস্তার করিয়া নতশিরা হইয়া দণ্ডায়মান আছেন । ইহাদিগের মস্তকোপরি কিংখাপের চন্দ্রাতপ স্তব্ধ ঝালর সংযোগে শোভা করিতেছে । রেইলের বহির্ভাগে আর যাবৎ স্থান, তাহাতে মনস্কার প্রভৃতি যোদ্ধৃকর্মে নিযুক্ত ব্যক্তিগণ স্ব স্ব পদমর্যাদানুসারে বাণ্ণিষ্পত্তি বিনা সশস্ত্রে দণ্ডায়মান আছেন । আমখাসের বহির্দেশে এবং রাজতলের ঠিক সম্মুখে একটি বৃহৎ পটমণ্ডপ সংস্থাপিত ছিল । বাহির হইতে সেই তাম্বু উজ্জ্বল লোহিতবর্ণ বোধ হয়, কিন্তু তাহার অন্তরাল এমন সুন্দররূপে চিত্রিত যে, প্রবেশ করিলেই

বোধ হয় কোন রমণীয় উদ্যান মধ্যে আসি-
লাম, চতুর্দিক যেন ফল পুষ্প রক্ষে পরি-
পূর্ণ। এই সভামণ্ডপের ভিতর বাহির
সকল স্থানেই শত শত ব্যক্তি নানা কার্যোপ-
লক্ষে আসিয়া স্ব স্ব প্রার্থনাপত্রী হস্তে রাজ-
সম্ভাষণের কাল প্রতীক্ষা করিতেতেছেন।

এইরূপে দিল্লীশ্বর স্বকীয় বিভব সমুদায়
বিস্তার করিয়া বসিয়া আছেন এমত সময়ে
একজন নকীব্ যথা নিয়মে রাজা জয়সিংহের
পুত্র রামসিংহের সমভিব্যাহারে মহারাষ্ট্র-
দেশাধিপতি শিবজীর আগমন সংবাদ প্রদান
করিল। সকলেই শিবজীর নাম শ্রুত ছিলেন,
অতএব চক্ষুকর্ণের বিবাদ ভঞ্জনার্থ সকলেই
উৎসুক হইলেন, বিশেষতঃ রোশিনারা নির্ণি-
মেঘ চক্ষে অবলোকন করিতে লাগিলেন।
কিন্তু শিবজীকে কিঞ্চিদ্ধিমর্শ বোধ হওয়াতে
তাঁহার অন্তঃকরণ সন্দেহাকুল হইতে লাগিল।
শিবজী ক্রমশঃ অগ্রবর্তী হইয়া নকীবের
আদেশক্রমে রেইলের বহির্ভাগ হইতে বাদ-
সাইকে তিনরার অভিবাদন করিলেন। এই

করিয়া তিনি যেমন পুনৰ্ৰ্ববার অগ্রসরণোদ্যম করিবেন নকীব উচ্চৈঃস্বরে" কহিল "আলম্-গীর বাদসাহের অনুগ্রহে শিবজী পঞ্চ-হাজা-রিমনসন্ধারের পদে উন্নত হইলেন"। মহা-রাষ্ট্রপতি এই অপমান-সূচক বাক্য শ্রবণ মাত্র অতিমাত্র ক্ষুব্ধ এবং অবশ্য প্রায় হইয়া সন্মুখস্থ রেইল ধারণ করিলেন। পরে কিঞ্চিৎ প্রকৃতিস্থ হইয়া কহিলেন। "দিল্লী-শ্বর! আমি স্বাধীন দেশের রাজা, আমা-কর্তৃক আপনি অল্পকাল হইল উপকৃত হই-য়াছেন, বিশেষতঃ আপনকার প্রতিভূ রাজা জয়সিংহ প্রতিশ্রুত হইয়াছিলেন আমি এখানে সমাদৃত এবং সম্মানিত হইব, কিন্তু আপনি আমার এই অর্গোরব করিয়া সেই কথা মিথ্যা করিলেন"। আরঞ্জিব উত্তর করিলেন "তুমি কি জন্ম আপনাকে অপমা-নিত বোধ করিতেছ বুঝিতে পারিলাম না— তুমি আমার সেনাপতির যুদ্ধে প্রায় পরা-জিত হইয়া দক্ষি করিয়াছ—যুদ্ধে জেতার বাহা ইচ্ছা বিজিতের প্রতি তাহাই করিতে

পারে—তথাপি জয়সিংহের সহিত তোমার কি কি কথা হইয়াছিল তাহা আমার বিদিত নাই—অতএব যাবৎ কাল পত্রদ্বারা তৎসমুদায় বিজ্ঞাত না হওয়া যায়, তাবৎ তুমি এই নগরে অবস্থান কর, নগরপাল তোমার বাসাবাটী নির্দিষ্ট করিয়া দিবে, এবং রামসিংহ সর্বদা তত্ত্বাবধান করিবেন—পরে আমি যথাযোগ্য শিরোপা দিয়া বিদায় করিব” । আরঞ্জিবের মানস শিবজীকে কবলিত করেন, কিন্তু জয়সিংহ তাঁহাকে অত্যন্ত দান করিয়াছেন অতএব প্রকাশ্যরূপে কারা-নিরুদ্ধ করায় অনিষ্ট ঘটনার সম্ভাবনা বুঝিয়া এইরূপ কৌশলদ্বারা অভীষ্টসাধনের পরামর্শ করিলেন । “সাপের হাঁচি বেদে চেনে”—শিবজী এবং আরঞ্জিবের উপাখ্যান এই জনপ্রবাদের উৎকৃষ্ট দৃষ্টান্ত স্থল । মহারাষ্ট্রপতি বাদসাহ প্রমুখাৎ ঐ সকল কথা শ্রবণে মাত্র তাঁহার নিগূঢ় অভিপ্রায় একেবারে বুঝিতে পারিয়া আপনিও শাস্ত্র্য অবলম্বন পূর্বক উত্তর করিলেন “বাদসাহের

জয় হউক ;—আমি অশেষ আপনার আদেশানুসারে রাজা জয়সিংহের প্রত্যুত্তর প্রতীক্ষা করিব—কিন্তু এই দেশের জল বায়ু আমার অনুচরদিগের পক্ষে অত্যন্ত অস্বাস্থ্যকর—আর দক্ষিণ দেশ হইতে আপনার পত্রের প্রত্যুত্তর আসিতেও বহুকাল বিলম্ব হইবে—অতএব যদি অনুমতি হয় তবে নিজ সমভিব্যাহারী সৈন্য সামন্ত সকলকে বিদায় করিয়া কতিপয় ভৃত্য সমভিব্যাহারে করিয়া অবস্থান করি” । ইহা শুনিয়া আরঞ্জিবের অনুমান হইল যে, শিবজী সত্য সত্যই তাঁহার কথায় বিশ্বাস করিয়া সরলান্তঃকরণে এই অনুমতি প্রার্থনা করিলেন । তিনি আরও বিবেচনা করিলেন যে, মহারাষ্ট্রীয় সৈন্যগণ প্রস্থান করিলে শিবজী নিতান্ত অসহায় হইবে অতএব তখন বাহা ইচ্ছা হয় অনায়াসে করিতে পারা যাইবে । এই ভাবিয়া বাদসাহ তৎক্ষণাৎ অনুমতি প্রদান করিলেন এবং শিবজীকে তাঁহার যে অত্যন্ত ধূর্ত বলিয়া বোধ ছিল তাহাও

কিঞ্চিৎ শিথিল হইল । মহারাষ্ট্রপতি অতি সাবধানে বাদসাহের মুখাবয়ব লক্ষ্য করিতে-
ছিলেন । অতএব অনুমতি প্রদান করিতে
করিতে বাদসাহ যে ঈষৎ হাস্য করিলেন
তদর্শনই তাঁহার মনোগত ভাব সকল
বুঝিতে পারিয়া আপনি তুচ্ছ হইয়া বিদায়
গ্রহণ করিলেন ।

মহারাষ্ট্রপতি বিদায় হইলে বাদসাহ
তদ্বিবসীয় রাজকার্যে মনোযোগ করিলেন ।
আরঞ্জের বাস্তবিক কন্ঠ ব্যক্তি ছিলেন ।
প্রার্থীমাত্রেয় আবেদন সকল স্বকর্ণে শ্রবণ
করিতেন, এবং দৈনিক কাব্য সমুদায় সমাধা
না হইলে; যত বেলা হউক না কেন, সভা
ভঙ্গ করিয়া যাইতেন না । তিনি অগ্ণান্ধ
ইন্দ্রিয়-পরায়ণ নৃপালগণের স্মায় মন্ত্রিবর্গের
প্রতি সমস্ত রাজ্যভার স্থাপ্ত করিতেন না ।
আপনিই সমুদায় বিষয়ের মন্ত্রণা করিতেন
এবং উজীর ওয়া প্রভৃতি সকলে তাঁহার
কার্যসচিব মাত্র হইয়াছিলেন । তাঁহার
আহার বিহারাদিতেও অতি অল্পকাল ব্যয়

হইত । প্রত্যহ প্রাতঃকালে আম্খাসে এবং সন্ধ্যার সময়ে গোসল-খানায় গমন করিয়া উজীর অমাত্য প্রভৃতিদ্বারা পরিবৃত হইয়া রাজকার্য্য নির্বাহ করিতেন । তদ্ব্যতিরিক্ত কোন কোন দিন আদালত-খানায় গিয়া কি রূপে ব্যবহার সকল নিষ্পন্ন হইতেছে দেখিতেন, কোন কোন দিন অশ্বশালায় এবং হস্তিশালায় যাইয়া ভৃত্যেরা স্ব স্ব নিয়োজিত কার্য্যে মনোযোগী আছে কি না দর্শন করিতেন এবং মধ্যে মধ্যে রাজভবনের সন্মুখবর্তী যমুনাतीরস্থ প্রশস্ত ভূমিখণ্ডে সৈন্যগণের কাওয়াজ দেখিয়া কাহার বা বেতন বৃদ্ধি কাহার বা কর্তন করিয়া গুণবানের পুরস্কার এবং গুণহীনের তিরস্কার করিতেন । এইরূপে তাঁহার সমুদায় দিবসাবসান হইত । রাত্রিতেও তাঁহার অধিক নিদ্রা ছিল না । একটি নিভৃত গৃহে বসিয়া অতি প্রধান প্রধান পত্রাদির পাণ্ডুলেখ্য সকল স্বহস্তে প্রস্তুত করিয়া রাখিতেন । অনেক বিষয় সেই স্থান হইতেই নির্বাহিত হইত । অমাত্যেরা তাঁহার বিন্দু বিসর্গও অবগত হইতেন না ।

যে দিবস শিবজী আইসেন সেই দিন রজনীতে আরঞ্জের একাকী ঐ গৃহে উপদিষ্ট হইয়া অত্যন্ত চিন্তা করিতে লাগিলেন। তাঁহার সন্মুখে লেখনী, মসীপাত্র এবং কাগজ প্রস্তুত রহিয়াছে, কিন্তু তিনি কিছুই লিখিতে-ছেন না—তখন এইরূপে মনে মনে বিতর্ক করিতেছেন—“রজনী-গভীর হইয়াছে—এই সময়ে আমার দীন দুঃখী প্রজাগণ সকলেই নিশ্চিত হইয়া স্নখে নিদ্রা বাইতেছে—কিন্তু আমি সকলের অধীশ্বর হইয়াও এক তিলাঙ্ক-কাল বিশ্রাম করিবার অবকাশ পাই না—চিন্তাজ্বরে নিরন্তর আমার অন্তর্দাহ হইতেছে। আমার চিন্তার শেষ নাই—বিরাম নাই—কিন্তু তাহার বিরাম হইয়াই বা কি হইবে?—ভাবি চিন্তা বিরহিত হইলে ভূতকালের দুষ্কৃত সমুদায় স্মরণ হয়!—যাহারা কখন পঙ্কিল পাপ পথের পথিক হইয়া নাই তাহারা নিশ্চিত হইবার যত্ন করুন—আমার পক্ষে নিরন্তর চিন্তাসক্ত থাকাই ভাল।—মনুষ্য জীবন সতরঞ্চ খেলার ন্যায়—ইহাতে যতী ভাবনা

করা যায় ততই স্থখ, যত সাবধান হওয়া যায় ততই দ্বিত্ব হইবার সম্ভাবনা !—দেখ এমত ধূর্ত শিবজীও আমার চাতরে পড়িল—সে মনে করিতেছে যে, আমি জয়সিংহের পত্র পাইয়াই তাহার গৌরব করিয়া বিদায় করিব—কি মূর্খ ! ‘জয়সিংহ’—‘জয়সিংহ’—এই নামটা আমার অত্যন্ত কণ-জ্বালাকর হইয়াছে—সে আমার অনেক উপকার করিয়াছে বটে, কিন্তু যে উপকার করিতে পারে সে অপকারেও অসমর্থ নহে—আর কার্য-সাধন হইয়া গেলে সেই সাধনোপযোগী উপায়েরই বা আবশ্যিকতা কি ?—ফল পাড়া হইলে আকর্ষণে কি প্রয়োজন ?—কিন্তু জয়সিংহকে নষ্ট করিতে পারিলেই বা কি হইবে ? পিতা কাহাকে না পরাজয় করিয়াছিলেন ?—আমারও ত পুত্র আছে—সে অত্যন্ত বশীভূত বটে—তথাপি অগ্রে সাবধান হওয়া বিধেয়—আর এক্ষণে কে বা, আমার শত্রু কে বা মিত্র তাহাও জানিলে ভাল হয়” —এইরূপ চিন্তা করিয়া ক্ষণকাল পরে

আকাশ-দত্ত-দৃষ্টি হইয়া কহিলেন “জয়সিংহ !
 সানধান—এই পরীক্ষায় ঠেকিলেই নষ্ট
 হইবে,—আমার দোস নাই—পুত্র ! তোমা-
 রও এই পক্ষচ্ছেদ করিলাম, আর কখন
 উড়িব বল করিও না” । এই বলিয়া বাদ-
 সাহ অতি সাবধানে আপন পুত্রকে এক পত্র
 লিখিলেন তাহার মর্ম্ম এই—“হে আত্মজ !
 তুমি আমাব একান্ত বশীভূত অতএব তোমার
 দ্বারা এই একটি বিষম শঙ্কটাবহ পরীক্ষা ক-
 রিতে সাহস হয় অন্য কোন পুত্রের দ্বারা
 হয় না। তোমাকে শৈশবাবধি আমার বশী-
 ভূত হইতে শিক্ষা করিয়াছি ; অধিককাল
 গত হয় নাই, তোমার সাহস এবং আঞ্জানু-
 বর্ত্তিতা পরীক্ষার্থ একটা ব্যাঘ্রের সহিত
 তোমাকে একাকী যুদ্ধ করিতে কহিয়াছিলাম
 তুমি তাহাও করিয়াছিলে । আমি অনেক
 ক্লেশে এই ভারতরাজ্য গ্রহণ করিয়াছি,
 অতএব নিশ্চয় জানিও যে, যে পুত্র আমার
 সর্ব্বতোভাবে বশীভূত থাকিবে, তাহাকেই
 রাজ্যাধিকারী করিয়া যাইব । •তোমার

জ্যেষ্ঠভ্রাতা মহম্মদ বিক্ৰি গুণশালী হইয়াও আমার আজ্ঞা লঙ্ঘন করিয়াছিল বলিয়াই গোয়ালিয়রের দুর্গে জীবনাবশেষ করিতেছে—সাবধান ! যেন তোমারও সেই দশা না হয় । তুমি এই পত্র প্রাপ্তমাত্র রাজা জয়সিংহ প্রভৃতি সকল সেনাপতিদিগকে নিভূতে আহ্বান করিয়া কহিবে যে, আমি পিতার প্রতিকূলে বিদ্রোহ করিয়া স্বয়ং রাজ্যেশ্বর হইব । যে যে তোমার পক্ষতাবলম্বন করিতে স্বীকার করিবে তাহাদিগের নাম লিখিয়া অচিরেই আমার নিকট প্রেরণ করিবে । এই কৰ্ম্ম সূসম্পন্ন করিতে পারিলেই জানিবে যে, আমার যাবৎ পরিশ্রমের ফল পরিণামে তোমারই ভোগ্য হইবে” ।

বাদসাহ দুই তিন বার এই পত্রখানি মনে মনে পাঠ করিয়া ভাবিলেন যে, যদি পুত্র আমার মতানুযায়ী হইয়া চলে তবে আমিও আপনার সকল শত্রু একেবারে জানিতে পারি, এবং সে স্বয়ং কখন সত্য সত্য বিদ্রোহ উপস্থিত করিবার মনন করিলে

কাহা কর্তব্যে বিশ্বাস্য হইবে না—কিন্তু তাহা না হইয়া যদি সে আপনার পক্ষ বলবান্ দেখিয়া এই বারেই বিদ্রোহ করে তবে কি কর্তব্য?—প্রভুদিগের এই পরম দুঃখ যে কাহাকে না কাহাকে বিশ্বাস না করিলে কোন কার্য সাধন হয় না—হায়! যদি আমি স্বয়ং স্বহস্তে সমুদায় কার্য সাধন করিতে পারিতাম, তাহা হইলে জগৎ এক দিক্ এবং আমি একলা এক দিক্ হইলেও, বুঝি জয় হইত—পরে ক্ষণকাল চিন্তা করিয়া এক জন অতি বিশ্বাস-ভাজন ভৃত্যকে নিকটে আহ্বানপূর্বক কহিলেন—“তুমি এই পত্র লইয়া শীঘ্র বিজয়পুর প্রদেশে যাও—অতি সংগোপনে ইহা আমার পুত্রের হস্তে দিবে—পরে রাজা জয়সিংহ প্রভৃতি সেনানীবর্গ যখন পরামর্শ করিবে তখন নিকটে থাকিতে চাহিও, যদি পুত্র তোমাকে নিকটে থাকিতে দেন তবে তাঁহার তাম্বুলের কর্মে নিযুক্ত হইও—পরে সকলে যে সকল কথা কহিবেন শ্রবণ করিবে এবং জয়সিংহ আমার পুত্রের

আদেশানুসারে যদি বিদ্রোহ করণে স্বীকার কবেন তবে তাঁহাকে একটি পান দিবে, সেই পানের মসলা এই—আরঞ্জের এই বলিতে বলিতে ভৃত্যের হস্তে একটি কাগচের মোড়ক দিলেন এবং কহিতে লাগিলেন “যদি তুমি নিকটে থাকিতে না পাও তথাপি জয়সিংহের তাম্বুল বাহকের সহিত আলাপ করিও— বুঝিয়াছ!” । ভৃত্য হাস্য করিয়া নতশিরা হইল এবং বাদসাহের হস্ত হইতে পত্র ও পাথেয় প্রভৃতি গ্রহণ করিয়া প্রস্থান করিল ।

নবম অধ্যায় ।

মহারাজপতি নগরপাল কর্তৃক নির্দিষ্ট বাস গৃহে উপনীত হইয়া অবিলম্বে সমভিব্যাহারী সামন্ত বর্গের অধিপতিকে আহ্বান করত তাঁহাকে স্বদেশ গমনের আদেশ করিলেন । সৈন্যপতি রাজাজ্ঞানুসাবে তৎক্ষণাৎ পাথেয় সামগ্রী সকল সংগ্রহে প্রবৃত্ত হইল ।

শিবজী মনে মনে ভাবিয়াছিলেন অনুচরবর্গ নিকটে থাকিতে বাদসাহ আমাকে বাসা বাটীর বহির্গত হইতে দিবেন না, কিন্তু বাহির হইতে না পারিলেও প্রস্থানের উপায়াবধারণ হওয়া দুর্ঘট ; এই জন্মই তিনি স্বয়ং ইচ্ছা করিয়া নিজসৈন্যগণকে বিদায় দিবার অনুমতি গ্রহণ করেন, আর সেই জন্মই যে কয়েকদিন তাহারা সকলে নির্গত না হইল, আপনি পীড়ার ভান করিয়া রহিলেন, একবারও বহির্গমনের ইচ্ছা প্রকাশ করিলেন না । পরন্তু আরঞ্জিব তখন মহারাষ্ট্রপতিকে কারারুদ্ধ করণের মনন করেন নাই । তিনি মনে করিয়াছিলেন যে, শিবজী সম্পূর্ণ বিশ্বাস সহকারে বাস করিতেছে, অতএব যে পর্য্যন্ত জয়সিংহ বিষয়ক কোন সংবাদ না পাওয়া যায় তাবৎ ইহাকে কিছু বলিবার আবশ্যকতা নাই—নগরপালের নজরবন্দী করিয়া রাখিলেই চলিবে । অনন্তর মহারাষ্ট্রীয় সমুদায় সেনা বিদায় হইয়া গেলে, শিবজী এক দিন নগরপালের সহিত কথায়

কথায় স্বাস্থ্যকর রায়ুস্বেবনের ইচ্ছা প্রকাশ করিলেন । তখন নগরপাল অবিলম্বে সম্মত হইয়া স্বয়ং কতিপয় বলবান্ পুরুষ সমভিব্যাহারে অনুগমন করত মহারাষ্ট্র-পতিকে বাসাবাটী হইতে নির্গত করিল ।

শিবজী এপর্যন্ত পলায়নের কোন পস্থা নিশ্চয় করিতে পারেন নাই, কিন্তু যে দিন প্রথমে বাটীর বহির্গত হইলেন সেই দিনেই তাহার সোপান হইল । তিনি রাজবাটীর দক্ষিণ ভাগে যমুনা তটে ক্ষণকাল পরিভ্রমণ করিয়া অল্য-মনস্কতা বশতঃ ক্রমে ক্রমে বাদ সাহ ভবনের সম্মুখবর্তী বিপণিতে উপনীত হইলেন । তথায় বিবিধ দ্রব্যজাত এবং নানা-দেশীয় লোকের সমাগম দর্শনে কিঞ্চিৎ তন্মনস্ক হইয়াছেন, এমত সময়ে দেখিলেন, একজন সন্ন্যাসী তাঁহার প্রতি এক দৃষ্টিে নিরীক্ষণ করিতেছেন । ষাঁহারা বহুকাল বিদেশ পর্য্যটন করিয়াছেন, তাঁহারই অপরিচিত জনময়স্থানে স্বদেশীয় পরিচিত ব্যক্তির সন্দর্শনলাভে কি পর্য্যন্ত আনন্দ হয় বুঝিতে পারেন । মহা-

রাষ্ট্রপতি ঐ মন্যক্ষমীকে দেখিয়া সেইরূপ আনন্দানুভব করিতে লাগিলেন । শিবজী, ঐ ব্যক্তিকে দেখিবামাত্র তাঁহাকে আপনার গুরুদেব রামদাস স্বামীর একজন শিষ্য বলিয়া চিনিতে পারিলেন । অনন্তর তিনি যে দিকে গমন করিলেন, আপনিও ক্রমে ক্রমে সেই পথে যাইতে লাগিলেন । কিন্তু সমভিব্যাহারী নগরপালের ভয়ে কেহই পরস্পর অভ্যর্থনা দ্বারা পূর্ব পরিচয় প্রকাশ করিলেন না ।

কিয়দূর গমন করিয়া মহারাষ্ট্রপতি দেখিতে পাইলেন, শ্রীমান্ রামদাস স্বামী কতিপয় শিষ্য সমভিব্যাহারে একটা বট বৃক্ষতলে উপবিষ্ট আছেন । মহারাজ মনে মনে তাঁহার চরণ বন্দন করিয়া তৎক্ষণাৎ পরামর্শাবধারণ করত নগরপালকে কহিলেন, অদ্য আর অধিক গমন করিব না—চল, বাসায় ফিরিয়া যাই—কিন্তু ঐ তেজস্পূঞ্জ ব্রহ্মচারীকে দেখিয়া স্মরণ হইতেছে, আমি পীড়িতাবস্থায় মানসিক সঙ্কল্প করিয়াছিলাম

স্বস্থ হইলে দেবার্চনা করাইব; উহাকে জিজ্ঞাসা কর দেখি, যদি উনি স্বয়ং আমার স্বস্ত্যয়নের ভার গ্রহণ করেন তাহা হইলে কল্য প্রাতে বাসায় গমনের নিমন্ত্রণ করিয়া যাই। নগরপাল তৎক্ষণাৎ অগ্রসর হইয়া বামদাস স্বামীকে ঐ কথা জিজ্ঞাসা করিলে তিনি প্রথমতঃ অস্বীকৃত-প্রায় হইলেন, পরে শিবজী স্বয়ং বাইয়া অনেক অনুনয় বিনয় করিলে নিমন্ত্রণ গ্রহণ করিলেন। নগরপাল পাছে কোন সন্দেহ করে, এই জগুই রামদাস স্বামী প্রথমতঃ নিমন্ত্রিত হইতে অনিচ্ছা প্রকাশ করিয়াছিলেন, নচেৎ শিবজীর সহিত নিভূতে সাক্ষাৎ হয় ইহা তাহার একান্ত বাসনা ছিল। অতএব তিনি পরদিবস অতি প্রত্যুষেই মহারাষ্ট্রপতির আলায়দ্বারে উপস্থিত হইলেন, এবং নগরপাল অনতি-বিলম্বে তাঁহাকে রাজসমক্ষে উপনীত করিল। গুরু শিষ্যে একত্র হইয়া যে কথোপকথন হইল, তাহার মর্ম্ম এই—রামদাস স্বামী কহিলেন, আমি তীর্থ দর্শনে নির্গত হইয়া

নানা দিগেশ ভ্রমণান্তর মথুরাধীশ সন্দর্শনার্থ
 শিষ্য আসিতেছিলাম, পথিমধ্যে প্রতি-
 গমনকারী মহারাষ্ট্র সৈন্যপতির সহিত সাক্ষাৎ
 হওয়াতে তৎপ্রমুখাৎ সমুদায় অবগত হই,
 এবং অবগত হইয়া মনে মনে বিপদাশঙ্কায়
 শীঘ্র দিল্লীতে আসিয়া নানা স্থানে শিষ্য
 নিয়োজন করত মহারাষ্ট্রের সহিত সাক্ষাৎ-
 কার হইবার উপায় চেষ্টা করি,—এক্ষণে
 সেই চেষ্টা সফল হইয়াছে, অতঃপর
 আরঞ্জিবের শাঠ্যজাল হইতে মুক্ত হইবার
 উপায় কি ?। শিবজী কহিলেন “যখন এই
 ঘোর বিপৎকালে আপনকার সন্দর্শন পাই-
 লাম, তখন অনুমান হয়, বিপদ উত্তীর্ণ হইতে
 পারিব। বাহা হউক অদ্যাপি কিছু স্থির
 নিশ্চয় হয় নাই, কিন্তু যেরূপ স্বস্ত্যয়নের
 ভান করিয়া আপনকার সহিত সংগোপনে
 সন্দর্শন হইল, বোধ হয়, এই উপায়েই
 কোন স্ফোৰ্গ হইয়া উঠিবে।

এইরূপ পরামর্শ হইলে রামদাস স্বামী
 প্রত্যহই প্রাতঃকালাবধি সায়ংকাল পর্য্যন্ত

জপ পূজা হোমাদি কার্যে' নিযুক্ত থাকিতে লাগিলেন, এবং নগরপালের বাবৎ হিন্দুজাতীয় অনুচরগণ শিবজীর আদেশানুরূপ বাজার হইতে বিবিধ দ্রব্যজাত আনিয়া স্বস্ত্যয়নের আয়োজন করিয়া দিতে লাগিল । আর পূজাবসানে নগরপালের নিযুক্ত গ্রহরিগণ, কি হিন্দু কি মুসলমান সকলেই যথেষ্ট ভক্ষাদ্রব্য প্রাপ্ত হওয়াতে মহারাষ্ট্রপতির এই কল্প তাহাদিগের সমূহ স্তম্ভাবহ হইয়া উঠিল । শিবজী ঐ সকল সামগ্রীর অনেক ভাগ নগরস্থ ব্রাহ্মণ সঙ্ঘনদিগের বাটীতেও প্রত্যহ প্রেরণ করিতেন । এইরূপে 'প্রায় এক মাস বাহির্ভূত হইল । কিন্তু শিবজী এই কাল মধ্যে কেবল আপনারই প্রস্থানের উপায় চিন্তা করিতেছিলেন এমত নহে, প্রিয়তমা রোসিনারার উদ্ধারার্থেও সবিশেষ চেষ্টা দেখিতেছিলেন । তাহার সেই চেষ্টা কি, এবং উহা কিরূপ সফল হইল, তাহা পরে প্রকাশ হইবে, এক্ষণে এইমাত্র বক্তব্য যে, তিনি রোসিনারাকে পাইবার

স্বযোগ-কাল প্রতীক্ষা করিতেছিলেন বলিয়াই তাঁহার আপনার প্রস্থানের এত বিলম্ব হইতেছিল, নচেৎ ইতিপূর্বেই তছুপায় নিশ্চিত হইত ।

দশম অধ্যায় ।

সম্রাটের জন্মতিথি উপলক্ষে রাজবাটী এবং বাজধানীতে মহাসমারোহে আনন্দ মহোৎসব হইতে লাগিল । মুসলমানেরা ভারত রাজ্য লাভ করিয়া এই স্থানেই নিবাস করিয়াছিলেন, স্ততবাং তাঁহাদিগের সহিত এতদেশীয় লোকদিগের বিশিষ্টরূপ সংশ্রব হইয়াছিল । এই হেতু উভয় জাতীয় লোকে-রাই পরস্পর ব্যবহারের অনেক অনুকরণ করিয়াছিল । বিশেষতঃ মুসলমান বাদসাহেরা পূর্বকালীন হিন্দু সম্রাটদিগের ন্যায় অনেক আচরণ করিতেন এমত স্পষ্ট প্রমাণ পাওয়া যায় । অতএব বোধ হয় তাঁহারা বর্ষে বর্ষে

নিজ নিজ জন্মতিথির উপলক্ষে আপনারা
যে রূপ স্বর্ণ রজতাদির সহিত তুলিত হই-
তেন তাহা হিন্দু রাজাদিগের তুলা পুরুষ
দানের অনুকৃতি হইবে, যেহেতু স্ত্রীর কোন
দেশীয় মুসলমান নৃপালদিগের মধ্যে ঐ রীতি
প্রচলিত ছিল এমত বোধ হয় না ।

আরম্ভে ঐ দিন স্বর্ণ-নির্মিত তুলা যন্ত্রে
উখিত হইয়া আপনি এক দিকে এবং
ধানাদি নানা প্রকার শস্য অপর দিকে
রাখিয়া তুলিত হইলেন। পরে তাত্র কাংশাদি
ধাতু দ্রব্যের সহিত, অনন্তর স্বর্ণ রজতাদি
সহিত, তৎপরে কিংখাপ শাল প্রভৃতি মহা-
মূল্য বস্ত্রাদির সহিত এবং সর্বশেষে হীরক
মণি মাণিক্যাদির সহিত তুলারূঢ় হইলেন ।
ঐ সময়ে নাগার খানায় বিবিধ বাদ্যোদ্যম
হইতে লাগিল ও প্রধান প্রধান রাজামাত্য
এবং ওমরা সকল নানা প্রকার দ্রব্যজাত
আনিয়া বাদসাহকে নজর দিতে লগিলেন ।
বাদসাহও হেমনির্মিত কৃত্রিম বাদাম পেস্তা
খর্জুর লইয়া স্বহস্তে বিতরণ আরম্ভ করি-

লেন । অশ্বপাল্লেরা দিল্লীশ্বরের সমক্ষে অশ্ব শিক্ষার কৌশল প্রকাশ করিতে লাগিল । মাহুতেরা সুশিক্ষিত হস্তিবৃথ আনিয়া বাদ-সাহকে সেলাম করাইতে লাগিল । এইরূপে রাজকর্মাচারী সকলেই অপবিস্ময় আনন্দ প্রকাশ করিতে লাগিল ।

দিল্লীশ্বরের অন্তঃপুরেও অতি চমৎকার উৎসব হইতেছিল ! প্রধান প্রধান অমাত্য এবং গুরাদিগের মহিলাগণ ও দিল্লীবাসিনী অনেক বার-যোষারাও সেই দিন বাদসাহের অন্তঃপুরে আগমন করিত । বাহারা বার-বনিতাদিগের তাদৃশ স্থলে গমন হওয়া অসম্ভব বোধ করিবেন, তাহারা স্মরণ করুন যে, অদ্যাপি এমত অনেক ব্যক্তি আছেন যাহারা আপন আপন স্ত্রী পরিজনকে প্রায় মুসলমান বাদসাহদিগের ন্যায় দৃঢ়তররূপে অন্তঃপুরে নিরুদ্ধ করিয়া রাখেন, অথচ মধ্যে মধ্যে বাটীর ভিতরেও নেড়ীর কবি শ্রবণ করাইয়া স্ত্রীলোকদিগের চিত্ত কলুষিত করা নিতান্ত দুষ্ট বোধ করেন না । বরং মুসলমান বাদ-

সাহদিগের এই প্রশংসা-করিতে হয় যে, তাঁহারা ঐ দিন অশ্রাব্য কাব্য সংগীতাদি শ্রবণার্থ বার-বৃগণের আনয়ন করিতেন না । সেই দিন নিমন্ত্রিত স্ত্রীলোক সুমন্ত স্ব স্ব প্রস্তুত রমণীয় শিল্প সামগ্রী লইয়া বাদসাহের অন্তঃপুরে যাইতেন । কেহ বা উত্তম জামদান, কেহ বা স্পৃশ্য পস্মী জুতা, কেহ বা বটোকাটা শাটিন, কেহ বা কিংখাপ-নির্মিত পরিচ্ছদ, কেহ বা স্বহস্তপ্রস্তুত আতর গোলাপাদি স্তম্ভি দ্রব্য, আর অনেকেই মোহনভোগ প্রভৃতি বিবিধ মিস্কান্ন আনয়ন করিতেন । তথায় অন্য পুরুষমাত্রের যাওয়া নিষেধ ছিল । কেবল বাদসাহ স্বয়ং বা তাহার অন্তঃপুরবাসিগণ ক্রেতৃস্বরূপে ঐ মনোহর বাজারে বেড়াইতেন । ক্রয় বিক্রয় কালে কতই কৌতুক হইত । বাদসাহ কোন দ্রব্যটি মনোনীত করিয়া তাহার মূল্য নির্দ্ধারণার্থ কতই বিতণ্ডা করিতেন । একটি পয়সার দর প্রভেদ হইলেও বাক্য ব্যয়ে ক্রটি হইত না । পরন্তু দ্রব্যটি গ্রহণ করিয়া

তাহার মূল্য দিবাস্ত্র সময় যেন ভ্রান্তিক্রমে বিক্রয়িণীকে এক পরসার পরিবর্তে কখন এক খান স্বর্ণমোহর কখন বা বহুমূল্য হীরক খণ্ড প্রদান করিয়া যাইতেন।

সাজাহান নিজ রাজ্যকালে এই ব্যাপারে বিশিষ্ট আমোদ প্রকাশ করিতেন। রাজ্য-ভ্রম্ভ হইয়া অবধি তাঁহার ঐ আমোদ ছিল না বটে, কিন্তু এইবার রোসিনারাকে অন্তমনস্ক করিবার আশয়ে অনেক অনুরোধ সহকারে তাঁহাকে সমভিব্যাহারে করিয়া ঐ মনোহর বিপণীস্থলে আনয়ন করিলেন। রোসিনারা কেবল পিতামহের অনুরোধ রক্ষার্থই আসিয়াছিলেন, নচেৎ আমোদ প্রমোদে তাঁহার মনস্তপ্ত হইবার সম্ভাবনা ছিল না। যে অবধি শিবজী আরঞ্জের কর্তৃক সভাস্থলে অপমানিত হইয়া যান্ সেই অবধি তাঁহার আন্তরিক সুখ সমুদায় অন্তহিত হইয়াছিল। তাঁহার অন্তর্मध्ये কত দুঃখ ও কত শঙ্কা উপস্থিত হইয়াছিল, তাহা বলিয়া ব্যক্ত করা যায় না। পৃথিবীতে মনুষ্যমাত্রকেই বিবিধ

দুঃখে দুঃখী হইতে হয়, কিন্তু কি স্ত্রী কি পুরুষ ইহাদের, ভক্তি ও স্নেহের উপযুক্ত পাত্রের প্রতি যদি কোন কারণ বশতঃ ভক্তি ও স্নেহের হ্রাস হইয়া যায় তবে, তাহাদিগকে যেমন দুর্কিষ্ণহ যন্ত্রণা ভোগ করিতে হয় তেমন যন্ত্রণা আর কাহাকেও ভোগ করিতে হয় না । রোসিনারা নিজ পিতার একান্ত অধর্মমতি বুঝিয়া সেই মর্মান্তিক দুঃখে দুঃখিতা ছিলেন । সুতরাং সামান্য আমোদ প্রমোদে তাহার দুঃখ শান্তি হইবার সম্ভাবনা কি ?

তিনি দ্রব্য বিক্রয়ীগণের কাহার সহিত বাক্যালাপ না করিয়া, পিতামহ সমভিব্যাহারে ইতস্ততঃ পরিভ্রমণান্তর পুনর্ব্বার গৃহে প্রত্যাবর্তনের মানস করিয়াছেন এবং সাজাহানও তাহাকে আমোদিত করিতে না পারিয়া সেই চেষ্টায় ক্ষান্তপ্রায় হইয়াছেন, এমন সময়ে এক বারঘোষা সমীপবর্তিনী হইয়া ঐকটি অঙ্গুরীয় এবং উষ্ণীষ প্রদর্শনামন্তর সহস্র বদনে কহিল “বাদসাহ নন্দিনি ! এই

সকল দ্রব্যের মধ্যে কিছু ক্রয় করিতে ইচ্ছা হয় ?—ইহা অনেক দূর হইতে আশ্বিয়াছে, তুমি গ্রহণ করিলেই সার্থক হয়” । রোসিনারা শিবজীর হস্তে ঐ অঙ্গুরীয় এবং তাহার মস্তকে ঐ উভয় অনেকবার দেখিয়াছিলেন, অতএব তৎক্ষণাৎ চিনিত্তে পারিয়া বার-বনিতাকে কহিলেন “তুমি আনাদিগের সমভিব্যাহারে নিভৃত্তে আইস, প্রত্যেক মূল্য নিরূপণ করি” । বার-বনিতা শুনিয়া তাহার সমভিব্যাহারিণী হইল । পরে অন্য সকলের জ্বলন ও দর্শনের অগোচর হইলে রোসিনারা ব্যগ্রতা সহকারে জিজ্ঞাসা করিলেন “তুমি এই সকল সামগ্রী কোথায় কি প্রকারে পাইলে” ? । বার-যোমা কোন উত্তর না করিয়া মাজাহানের প্রতি দৃষ্টিপাত করিলে রোসিনারা ঐ ইঙ্গিত দ্বারা তাহার ভাব বুঝিয়া কহিলেন “ইনি আমার পিতামহ, ইহার অজ্ঞাত কিছুই নাই তুমি নির্ভয়ে সমুদায় ব্যক্ত কর” । তখন বার-বনিতা কহিতে লাগিল “যাঁহার এই সকল সামগ্রী তিনিই আমাকে এই স্থলে

প্ৰেৰণ কৰিয়াছেন এক কছিয়া দিয়াছেন যে, যদি আপনি এত দিনেও তাঁহাকে বিস্মৃত না হইয়া থাকেন, তবে তাঁহার সহিত প্ৰস্থানের উপায় কৰুন এইক্ষণে লকুলই আপনার হাত, তাঁহার হাত কিছুই আই” । রোসিনারা এই কথায় কোন উত্তর না কৰিতে কৰিতে মাজাহান কহিলেন “আমি অনুমতি প্ৰদান কৰিতেছি রোসিনারা ! তুমি অবিলম্বে প্ৰস্থানের উপায় কৰ—আর উপায়ই বা বিশেষ কি কৰিতে হইবে—ইহার সহিত ছদ্মবেশে গমন কৰা অদ্য বড় কঠিন হইবে না” । রোসিনারা ফাকা অধোবদনে চিন্তা কৰিয়া পিতামহেব কথাৰ কোন উত্তর না কৰিয়া বার-মোমিৎকে পুনৰ্ব্বার জিজ্ঞাসা কৰিলেন “তুমি বৰি কৈ পার, তিনি আপনার প্ৰস্থানের কোন উপায় কৰিতেছেন কিনা?” ।

বার-বধু কহিল—তাহা আমি নিশ্চয় বলিতে পারি না, কিন্তু আমাকে কহিয়াছেন যে, “যদি তাঁহার সমভিব্যাহাৰিণী হইতে তেঁৱৰ সন্মতি হয়, তবে এই ৰাত্ৰি শেষে

অমুক স্থানে গিয়া তাঁহার সহিত দুই জনে মিলিত হইবে”। এই বলিয়া শিবজীর নির্দিষ্ট স্থানের নামটী বোসিনারার কর্ণে অতি মৃদুস্বরে কহিল । তাহা সাজাহানেরও শ্রুতিমূল্য মংলগ্ন হইল না । বোসিনারা তাহার তাদৃশ ব্যবহারে বিশিষ্ট ভুক্তা হইলেন এবং শিবজী নিজ নৈসর্গিক মহানুভবতাগুণে অণু ব্যক্তিকে কেমন বদ্ধ করিতে পারেন, তাহা তাহার জানা থাকিলেও, তিনি অল্পকালের মধ্যেই দৃশ্চারিণী বাব-বনিতাকেও এমত বিশ্বাসভাজন কি প্রকারে করিয়াছেন, ভাবিয়া আশ্চর্যম্ভয়া হইলেন । তিনি অনেকক্ষণ মৌনাবলম্বনে থাকিয়া মনে মনে এইকপ চিন্তা করিতে লাগিলেন “এক্ষণে আমার কর্তব্য কি? - অথবা কর্তব্য আর কি আছে—ইহার সঙ্গেই দাসীবেশে প্রশ্নান করি—কিন্তু তাহা কি উচিত হয়—পিতা আমার প্রতি অন্যায এবং মহারাষ্ট্রপতির প্রতি অধর্মাচরণ করিয়াছেন এবং করিতেছেন; কিন্তু সেই জন্য কি আমিও অধর্মাচরণ

করিব ? না, আমার রাগের হইবে না—
ভাল, একবার দেখা করিয়া আসিলেই বা
হানি কি ?—কিন্তু যদি বাইবার কালীন
ধরা পড়ি—অথবা বাইবার পূর্বে ইহা কোন
রূপে প্রকাশ হইয়া পড়ে, তবে আরঞ্জের এই
দোষ দিয়া তৎক্ষণাৎ তাঁহার প্রাণবধ করি-
বেন—আর এই জ্বীলোক আমাদের উভ-
য়ের হিতকারিণী ইহার পক্ষেও অনিষ্ট
ঘটিবে—কি করি” ? ।

রোসিনারা এইরূপ চিন্তা করিতোছেন
এই অবসরে মাজাহান একজন দানীর এক
খানি পরিধেয় বস্ত্র লইয়া উপস্থিত
করিলেন এবং কহিলেন “আর, অবিলম্বে
প্রয়োজন নাই, শীঘ্র এই পরিচ্ছদ ধারণ কর
এবং ছদ্মবেশে বহির্গত হইয়া যাও, আমাকে
স্মরণ রাখিও এবং নিশ্চয় জানিও যে, যত্ন-
কাল পর্য্যন্ত তোমার সদাচরণ আমার অন্তঃ-
করণ মধ্যে দেদীপমান থাকিবে” । এই
বলিতে বলিতে বুদ্ধের অক্ষিভয় সঙ্কল এবং
বচন গদগদ-স্বর হইল । তিনি আর অধিক

বলিতে পারিলেন না । রোসিনারা পিতা-মহের প্রদত্ত দাসীবেশটী একবার হস্তে লইয়া পুনর্বার রাখিয়া দিলেন, এবং মুহূষ্মরে কহিলেন “আমার যাওয়া কি উচিত হয় ?” । সাজাহান ব্যগ্র হইয়া উত্তর করিলেন, “কিসে অনুচিত ?—সে ব্যক্তি তোমার প্রণয়বদ্ধ হইয়াছে বলিয়াই এ পর্য্যন্ত আসিয়া ঘোর বিপদগ্রস্ত হইয়াছে ; সে হিন্দু, তোমাকে বিবাহ করিলে তাহার জাতি নাশ হইবে তাহাও সে স্বীকার করিতেছে ; এখানে তুমি এমন্ কি স্থখে আছ যে, যাইতে অনিচ্ছা হয়।” —“অনিচ্ছা ! আমার মনোমধ্যে যাইবার ইচ্ছা যে, কি পর্য্যন্ত বলবতী হইয়াছে তাহা বলব্য নহে, অকর্তব্য বোধ হইলেও মন নিবারিত হইতেছে না, কিন্তু এইক্ষণেই আপনি যাহা বলিলেন তাহাতেই সেই ইচ্ছার কিঞ্চিৎহ্রাস হইতেছে, কারণ, বিবেচনা করুন, যদি পিতা স্বেচ্ছাপূর্ব্বক তাঁহার সহিত বিবাহ দিতেন, তবে পিতাই নিজ জামাতার প্রধান সহায় হইতেন, স্ত্রীর

মহারাষ্ট্রপতির স্বজাতীয়েরা বিরক্ত হইলেও তাহারা তাঁহার কোন অনিষ্ট করিতে পারিত না । কিন্তু আমি স্বেচ্ছাচারিণী হইয়া তাঁহার সহিত মিলিতা হইলে দিল্লীশ্বর এবং মহারাষ্ট্র জাতি উভয়কেই শিবজীর শত্রু করা হইবে, সুতরাং আমি হইতেই সেই প্রণয়াস্পদের সমূহ বিপদ ঘটিবে, অতএব জানিয়া শুনিয়া এমত কর্ম কেমন করিয়া করিব” । সাজাহান্ এবং ঐ বার-বনিতা উভয়ের কেহই জানিত না যে, যথার্থ প্রীতি এক অদ্বুত পদার্থ ! উহার আবির্ভাবে মনুষ্যের মনঃ একেবারে স্বার্থ-শূন্য হয় । অতএব তাঁহাদিগের কেহই রোসিনারার বাক্য সম্পূর্ণরূপে হৃদয়ত করিতে পারিলেন না । না পারুন, কিন্তু বুদ্ধ বাদ-সাহ তাঁহার যুক্তির ঔদার্য উপলক্ষি করিয়া কহিলেন—“তুমি বুদ্ধিমতী যাহা বিবেচনাসিদ্ধ হয়, কর—আমি ভাবিয়াছিলাম শিবজীর সহিত মিলিত হইলেই তুমি স্বর্ধভাগিনী হইবে—এবং তাহা হইলেই আমি নিরুদ্বেগে দেহুযাত্রা সম্বরণ করিতে পারিব, কিন্তু যদি

না যাওয়াই সৎপরামর্শ হয় তবে, ইহাকে
 যাহা বলিতে হয়, বলিয়া দিয়া বিদায় কর”।
 রোসিনারা অবিলম্বে বারবনিতাকে সেই
 স্থলে দণ্ডায়মান হইতে কহিয়া আপনি
 স্বগৃহে গমন করিলেন এবং স্বল্পক্ষণ মধ্যেই
 একটা লিপি আনিয়া তাহার হস্তে প্রদানান্তর
 আপনার হস্তাঙ্গুরীয়টী বার-ঘোষাকে সমর্পণ
 করিয়া তাহার হস্ত হইতে মহারাষ্ট্রপতির
 অঙ্গুরীয় গ্রহণ করিলেন । বার-বনিতা বাদ-
 সাহ পুত্রীকে প্রণাম করিয়া মনে মনে তাহার
 চরিত্রে অনুধাবন করিতে করিতে বিদায়
 হইল ।

একাদশ অধ্যায় ।

— ১০৭ —

মনুষ্য মাত্রেই স্ব স্ব জীবনরত্নান্ত পর্যা-
 লোচনা করিলে বুঝিতে পারেন যে, উচিত
 অনুচিত, বিবেচনাসিদ্ধ বা অসিদ্ধ এই পর্য্যট
 বিরূপণ করাই মনুষ্যের আপনার হিত ।

কর্মের ফলাফল মনুষ্যের ইচ্ছার বশীভূত
 নহে, তাহা সর্বনিয়ন্তা জগৎপাত'রুই অধীন।
 কত কত ব্যক্তি কত কত মহতী মন্ত্রণা
 সকল নিরূপণ করিয়াও কৃতকার্য হইতে
 পারেন নাই, আর কত কত স্থলে অতি
 সামান্য বুদ্ধির কর্ম করিয়াও জনগণ স্তম্ভহৎ
 ফল-ভাগী হইয়াছেন। অতভব সাধুশীল
 ব্যক্তির সর্বদাই ফল-সিদ্ধির উদ্দেশ্য না
 করিয়া আপনাদিগের কর্তব্য কর্ম সমুদায়
 নির্বাহ করিয়া থাকেন। স্ততরাং তাঁহারা
 কোন কার্যে ব্যর্থ-প্রযত্ন হইলেও অধিক
 ক্ষুব্ধ এবং কার্য সফল হইলেও গর্বিত
 হয়েন না। তাঁহারা অকৃতার্থ হইলে জগৎ-
 দীশ্বরের ইচ্ছার বশবর্তী হইয়া সহিষ্ণুতা
 অবলম্বন করেন, এবং সফল-চেষ্ট হইলে
 তাঁহারই ধন্যবাদ করেন। কিন্তু দুর্ভ
 লোকেরা নিয়তই এমত স্থখে বঞ্চিত হইয়া
 থাকে ; তাহাদিগের দুর্ভ মন্ত্রণা সকল সিদ্ধ
 হইলেও দুঃখ এবং অসিদ্ধ হইলেও অন্তাপ
 জন্মায়।

শিবজী, যে প্রকারে আরঞ্জের শাঠ্য জাল হইতে বিমুক্ত হইয়াছিলেন এবং আরঞ্জেরও আপনার দুর্মন্থনা . সকল কতক সিদ্ধ হওয়াতে যে প্রকার অমৃত্যাপ এবং কতক বিফল হওয়াতে তাহার, যে প্রকার দুঃখ, জন্মিয়াছিল, তাহা স্মরণ করিলেই পূর্বোক্ত কথাটি মনোমধ্যে দৃঢ়রূপে সংদগ্ধ হইয়া যায় । যে সময় বাদসাহের অন্তঃপুরে শিবজীব প্রেরিত গণিকা প্রবিষ্ট হইয়া রোসনারাব স্থানে পত্র এবং অঙ্গবীথি গ্রহণ করিয়া বিদায় হয়, তাহারই বি-ৎক্রম পরে বাদসাহ, যে ব্যক্তিকে জয়সিংহের বিনাশার্থ প্রেরণ করেন, সে এক পত্র গুলে বাদসাহ সন্নিধানে উপস্থিত হইল । দিল্লীস্বরদিগের এমত বীতি ছিল না যে, সহস্রে কাহারও স্থানে লিপি গ্রহণ করেন । সুতরাং সেই কর্মের জন্মই তাহাদিগের সমীপে দুই জন প্রধান ওমরা নিযুক্ত থাকিতেন । কিন্তু আরঞ্জের ঐ ব্যক্তির স্থানে অতিশয় ব্যগ্র হইয়া লিপি গ্রহণ করিলেন । তাহাতে সমীপবর্তী সক-

লেরই অনুভব হইল যে, পত্রবাহক কোন অতি প্রধান কর্মে নিযুক্ত হইয়া থাকিবে । বাদসাহ পত্রার্থ অবগত হইয়া ঈশৎ হাম্ম-বদনে নগরপালকে আনয়ন করিতে কহিয়া সহরে সভার কার্য সমাপনানন্তর অন্তঃপুরে প্রবিষ্ট হইলেন ।

আরঞ্জিব কখনই কৌতুক-প্রিয় ছিলেন না, অতএব তাহার জন্ম তিথির উপলক্ষে অন্তঃপুরে যেরূপ মোহনীয় বাজার হইত তিনি তাহাতে গমন করিয়াও অধিকক্ষণ আমোদ প্রমোদ করিতেন না । বিশেষতঃ তখন প্রায় সায়ংকাল উপস্থিত । যে সকল স্ত্রীলোকেরা দ্রব্যাদি লইয়া আসিয়াছিল তাহারা প্রায় অনেকেই, যে বাহার আনয়ে গমন করিয়াছিল, আর বাহারা ছিল তাহারাও তদ্বিবসীয়া কার্য সমাপন করিয়া স্ব স্ব বাটী গমনের উদ্যোগ করিতেছিল । অতএব বাদসাহ কোথাও বিলম্ব না করিয়া একেবারে একাকী রোসীনারার মহল্ল উপস্থিত হইলেন । আরঞ্জিব নিজ কন্ঠার আরক্ত

চক্ষু, ক্ষুরিত গুর্ভাধর ও বিমর্ষমুখাবয়ব
 প্রভৃতি লক্ষণে অনতি পূর্বেই তিনি ক্রন্দন
 করিতেছিলেন ইহা অনুভব করিয়া জিজ্ঞাসা
 করিলেন—“তুমি কিজন্ম রোদন করিতে
 ছিলে” ? । রোসিনারা ইহারই কিঞ্চিৎ
 পূর্বে শিবজীর সহিত গমনে অসম্মতি প্রকাশ
 করিয়াছিলেন—তাহাতে তাঁহার যৎপরো-
 নাস্তি ক্রেশ হইয়াছিল—আবার মহারাষ্ট্র
 দেশ হইতে প্রত্যাবর্তনাবধি বহুকাল হইল
 একবার মাত্র পিতার সন্দর্শন পাইয়াছিলেন,
 আর যে কখন পাইবেন এমত বোধও ছিল
 না, বিশেষতঃ যে পিতাকে তিনি পূর্বে
 তাদৃশ ভক্তি এবং শ্রদ্ধা করিতেন, তিনিই
 এক্ষণে তাঁহার সম্পূর্ণ ভয়ের আস্পদ হইয়া
 ছিলেন, অতএব বাদসাহ হঠাৎ তাঁহার সমী-
 পবর্তী হইলে তিনি ভয়ে এবং দুঃখে একান্ত
 অধীরা হইয়া পুনঃ পুনঃ দীর্ঘ নিশ্বাস ও অশ্রু
 ত্যাগ করিতে লাগিলেন; সহস্র চেষ্টা
 করিয়াও তাদৃশ শোক-সূচক ছিহ্ন সমর্থ
 গোপন করিতে সমর্থ হইলেন না, এবং আর

জেব যাহা জিজ্ঞাসা করিলেন, তাহার কিছু-
 মাত্র উত্তর প্রদান করিতেও পারিলেন না ।
 বাদসাহ কিঞ্চিৎ ক্রুদ্ধ হইয়া পুনর্ব্বার কহি-
 লেন—“তুমি কি জন্য বোদন করিতেছ—
 আপনিই আপনার দুঃখ উপস্থিত করিয়াছ—
 ভাবিয়া দেখ, আমরাদিগের বংশীয় কন্যাগণ
 প্রায়ই কাহাকেও বরমাল্য প্রদান করিতে
 পায় না, কিন্তু তোর প্রতি অত্যন্ত স্নেহ
 করিতাম বলিয়া উপযুক্ত পাত্রের সমর্পণ করি-
 বার মনন করিয়াছিলাম—সে যাহা হউক,
 যদি এক্ষণে তোমার দুর্বুদ্ধি গিয়া থাকে,
 তবে পারস্য রাজতনের সহিত তোমার
 সম্বন্ধ নিষ্কারণ কর—কিছু উত্তর করিলে না
 যে?—তবে বোধ হয় তোমার অসম্মতি
 নাই” । রোসিনারা ক্রন্দন করিতে করিতে
 কহিলেন, “পিতঃ! আমি তোমার অসম্ম-
 তিতে কিছুই করিতে চাহি না—এই বংশীয়
 কন্যাগণের চিরকৌমাৰ্য্য যখন কপা-
 লের লিখন, আমারও তাহাই হউক—অন্তের
 সহিত আমার সম্বন্ধ নিবন্ধনে ক্ষান্ত হউন” ।

আরঞ্জোব.সর্বদাই আপনার আন্তরিক ক্রোধ সম্বরণ করিতে পারিতেন, কিন্তু কেবল নিজ পরিবারের মধ্যে কেহ তাহার মতের অন্যথা করিতে চাহিলে বৈরভীর পরিসীমা থাকিত না । বিশেষতঃ তিনি কেবল রোসিনারার অন্তঃকরণে যৎপরোনাস্তি ক্রেশ দিবেন বলিয়াই তথায় আসিয়াছিলেন, অতএব বাদসাহ আত্মজার বাক্য শ্রবণ মাত্র অতিমাত্র ক্রুদ্ধ হইয়া কহিলেন—“আঃ ! পাপীয়সি তোর লজ্জাভয় সকলই গিয়াছে—তুই যে পামর দস্যুর কুলুক মন্ত্রের বশীভূতা হইয়াছিস্ তাহার জীবন সম্বন্ধে তোর এই ছবুর্দ্ধি বাইবার উপায় নাই, অতএব এই দণ্ডে তাহার ছিন্ন মস্তক তোর সমীপে প্রেরণ করিব—তোর দোষেই সে নিহত হইবে” ! । রোসিনারা এই দারুণ বাক্য শ্রবণ মাত্র পিতার পাদমূলে নিপতিতা হইলেন এবং নিতান্ত ব্যাকুলিত হইয়া কহিলেন “তাত ! ক্ষমা করুন—আপনি যাহা বলিবেন আমি তাহাই করিব । আপনি সেই ব্যক্তিকে নিমন্ত্রণ

করিয়া আনিয়াছেন, অস্তিত্ব-প্রাণবধ করিবেন না, তাহাকে স্বদেশে যাইবার অনুমতি দিউন—আমি আর যত কাল বাঁচিব ভুলিয়াও আপনার মতের বিপরীতাচরণ করিতে চাহিব না” ; আরঞ্জের বিকট হাস্য সহকারে উত্তর করিলেন—“তবে তুমি পারস্য রাজতনয়ের ধর্মপত্নী হইতে স্বীকার করিলে” ? । “আমি সকলই স্বীকার করিলাম, কিন্তু আমি অপরাধ করিয়া থাকি আমারই দণ্ড বিধান করুন, আমার দোষে অপরের দণ্ড করিবেন না” । নিষ্ঠুর আরঞ্জের কন্ঠ্য এই সকল বচনে কিছুমাত্র দয়ার্জচিত্ত না হইয়া উত্তর করিলেন—“শুন, রোসিনারা ! তুমি আমার উপরোধ রক্ষা কর নাই—আমার কথা বড় নয় সেই দস্যুর প্রাণই তোমার মনে বড় বোধ হইয়াছে—স্বচক্ষে তোমাকে তাহার বিনাশ দেখিতে হইবে, এবং আমি, যাহার সঙ্গে বলিব তাহাকেই বিবাহ করিতে হইবে” । বাদসাহের প্রমুখ্যে এই সকল কথা শ্রবণ করিয়া রোসিনারা বিচিন্তনা হইয়া পড়ি-

লেন । কিন্তু আরঞ্জের আত্মজাকে তদবস্থ
রাখিয়াই সম্বরে, অন্তঃপুর হইতে বহির্দেশে
আগমন করিলেন ।

বাদসাহ অন্তঃপুর হইতে বহির্গত হইবা-
মাত্র পূর্ববাহুত নগরপাল সম্মুখে উপস্থিত
হইয়া, যথাবিধানে অভিবাদনাদি করিল ।
বাদসাহ তাহাকে সরোষ-বচনে শিবজীর
মস্তক আনয়ন করিতে আদেশ করিলেন ।

আরঞ্জের ক্ষণকাল সেই খানেই দাঁড়াইয়া
মনে মনে বিবেচনা করিতে লাগিলেন—“আর
কি !—আমার ত সকল মানসই সুসিদ্ধ
হইল—পুত্র আমার আদেশানুসারে বিদ্রো-
হের ভান করিয়া সকলের অবিশ্বস্ত হইয়া
উঠিয়াছে—অতএব সে আর কখন কাহার
বিশ্বাস্ত হইবে না—জয়সিংহও, সত্য হউক
মিথ্যা হউক, সেই বিদ্রোহে মিলিত হইতে
চাহিয়াছিল, অতএব সে পরীক্ষায় ঠেকিয়াই
প্রাণ হারাইয়াছে—তাহাতে আমার পাপ
কি ?—বিদ্রোহিকে কোন্ রাজা দণ্ড না
করিয়া থাকেন—বিষ দ্বারা হউক, আর

বধ্যভূমিতে ঘাতকের সাজ দ্বারাই হউক, জীবন বিনাশ একই পদার্থ—আর এতক্ষণে শিবজীরও নিধনসাধন হইল, সে ব্যক্তি পূর্বা-বধিই আমার শত্রু আছে এবং বিশেষতঃ সে আমার কন্যার পাণিগহণ করিতে অভিপ্রায় প্রকাশ করিয়াছে, অতএব, সে অবশ্যই দণ্ডাই—আরঞ্জিব ! তুমি এত দিনের পর সত্য সত্যই দিল্লীশ্বর বাদসাহ হইলে, এত দিনে তোমার সিংহাসন নিষ্ফটক হইল” । দিল্লী-শ্বর এইরূপে চিন্তা করিতেছেন এবং তাদৃশ গুরুতর পাপ সমস্ত জনিত প্রবল আনুভা-পাণ্ডিত্যে মনে মনে ব্যর্থযুক্তিরূপ বারিকণা দ্বারা নির্লোপ করিবার চেষ্টা করিতেছেন, এমনত সময়ে নগরপাল উর্দুশ্বাসে আসিয়া বাদসাহের পদতলে নিপতিত হইল । আর-ঞ্জিব নগরপালের তাদৃশ অবস্থা দেখিয়াই আপনার মন্ত্রণার বৈফল্য অনুভব করত, যে, কে পর্য্যন্ত বিষাদে নিমগ্ন হইলেন তাহা কথ-নীষ্য নহে । কিন্তু দিল্লীশ্বর, অত্যন্ত প্রত্যা-পন্ন হইয়াছিলেন, ইচ্ছা করিলেই দুঃখ জেগে

ভয়াদি নিবারণ করিয়া স্থস্থির চিত্তে বিবেচনা করিতে পারিতেন । অতএব বাদসাহ অল্পক্ষণ মধ্যেই প্রকৃতিস্থ হইয়া নগরপালকে সমীপবর্তী এক জন সেনাপতির হস্তে সমর্পণ করত ক্ষয় অশ্বপৃষ্ঠাবলম্বনে শিবজীর বাসাবাটীর প্রত্যভিমুখে ধাবমান হইলেন । অমাত্যবর্গও বাদসাহের সমভিব্যাহারী হইল, এবং মহারাষ্ট্রপতির পলায়ন বার্তা প্রচরদ্রুপ হওয়াতে সহস্র সহস্র ব্যক্তি মহা-কোলাহল পুরঃসর সেই দিকেই ধাবমান হইতে লাগিল ।

বাদসাহ কিয়দূর গমন করিয়াছেন, এমত সময় দেখিতে পাইলেন, নগরপালের কতিপয় অনুচর এক ব্যক্তিকে রজ্জ্ববদ্ধ করিয়া আনয়ন করিতেছে । বাদসাহ দূর হইতে ঐ ব্যক্তির পরিচ্ছদাদি দেখিয়া অনুভব করিলেন সেই মহারাষ্ট্রপতি শিবজী হইবে । অতএব অশ্ববেগ সম্বরণ করিলেন । কিন্তু ঐ সকল লোক নিকটবর্তী হইলে বন্দীর মুখবয়ব দ্বারা বোধ হইল যে, সে শিবজী

নহে । পরে সে ব্যক্তিও বাদসাহ সমীপে আনীত হইবামাত্র উচ্চৈঃস্বরে কহিতে লাগিল “রক্ষা কর, রক্ষা কর, আমি কিছুই জানি না, আমাকে ব্যর্থ তাড়না করিতেছে” । পরে প্রকাশ হইল যে, ঐ ব্যক্তি নগরপালেরই একজন অনুচর ; শিবজীর পরিচ্ছদ ধারণ করিয়া তাহার খটায় শুইয়া ঘোরতর নিদ্রায় অভিভূত ছিল, নগরপাল তাহাকে মহারাজপতির খটায় শয়ান দেখিয়া একেবারে উদ্ভ্রান্তচিত্ত হইয়া আপনি তৎক্ষণাৎ বাদসাহের নিকট আইসে এবং উহাকেও পরে আনয়ন করিতে আদেশ করে । আরজেব এই সকল বৃত্তান্ত শ্রবণ করিয়া এবং ঐ ব্যক্তির প্রতি নিরীক্ষণ করিয়া কহিলেন, “অনুমান হয়, এই ব্যক্তিকে অতিরিক্ত কোন মাদক দ্রব্য সেবন করাইয়া শিবজী ইহার সহিত পরিচ্ছদাদি পরিবর্তনানন্তর ছদ্মদেশে প্রস্থান করিয়াছে, কিন্তু এক্ষণে অধিকদূর বাইতে পারে নাই; তাহাকে ধৃষ্ট করিতে হইবে।—নচেৎ;—আমার অস্ত্র কোন হানি

নাই, কেবল রক্ষাযোগ্য প্রসাদ না লইয়া গেলে বাদসাহী পদের অগৌরব কর হয়— তোমরা কেহ, বলিতে পার, সে কি জন্য এমত কৌশল করিয়া পলায়ন করিল ?— আমার অনুভব হয় যে, সে সত্যতে আমার সাক্ষাতে মিথ্যা কহিয়াছিল, অতএব রাজা জয়সিংহের নিকট হইতে লিপি আসিলেই পাঁছে সেই মিথ্যা প্রচার হয় এই ভয়ে পলায়ন করিয়াছে—বাহা হউক, এক্ষণে রাজা জয়সিংহ তাহার নিকট কিছু প্রতিশ্রুত হইয়াছিলেন কি না, তাহা প্রমাণ করিবার আর উপায় নাই—অদ্য এক লিপি প্রাপ্ত হইয়াছি তদ্বারা জানিলাম আমার পরম হিতকর চিরস্বহৃৎ জয়পুরাধিপতি জয়সিংহ হঠাৎ পীড়াগ্রস্ত হইয়া শিবিরে প্রাণত্যাগ করিয়াছেন—হায় ! তাঁহার মৃত্যু আমার হিতকারী আর কে হইবে” ?। কপট-মতি অধঃপ্তেব এই কথা বলিতে বলিতে ক্রন্দন করিতে লাগিলেন। চাটুকার অমাত্যগণ, আকাশাভিমুখ হইয়া বাদসাহের কাক্য

দৈববাণীর শ্রায় ভক্তিপ্রদর্শনপূর্বক আকর্ষণ করিতে লাগিল । জনসাধারণ আরঞ্জের কোটিল্যে মুগ্ধ হইয়া ভাবিল—“আহা! বাদসাহ কি করুণ হৃদয়!”—প্রাচীন অমাত্যগণ ঠাঁহারা আরঞ্জের মন্ত্রণার ভুক্তভোগী ছিলেন, তাঁহার কেবল নির্নিমেম দৃষ্টিতে বাদসাহের মুখাবলোকন করিতে লাগিলেন, নিজ নিজ মুখাবয়বে স্তম্ভ ছুঃখ কোন ভাবই প্রকটিত করিলেন না । আর যে সকল অমাত্য, মৃত রাজা জয়সিংহের প্রতি বাদসাহের মনে মনে মৎসরভাব ছিল, ইহা জানিতেন, তাঁহার কেহ কেহ বাদসাহের কর্ণগোচর হয় এমত করিয়া মূঢ়শ্বরে ‘কাফের’ (বিধর্মী) এই শব্দটা ছুই একবার উচ্চারণ করিলেন ।

আরঞ্জের নিতান্ত ব্যাকুল হইয়াও এইরূপ কৌশল সহকারে মনের ভাব সকল গোপন করত ভৃত্যদিগের উপর যথাবিহিত আদেশ প্রদান করিয়া প্রত্যাভর্তন করিলেন ।
পশ্চিমার্ধ্য পনঃ পনঃ তাঁহার এই ভাবনা

হইতে লাগিল।—“হায় ! যদি শিবজী ধরা
না পড়ে তবে সকল চেষ্টাই বিফল হইল ।
কেনই বা জয়সিংহকে হনন করিলাম !
কেনই বা এই দুর্ব্বহ পাপের ভার আরও
বৃদ্ধি করিলাম ! জয়সিংহ ত বৃদ্ধ হইয়া-
ছিল, আর কিছুদিন হইলেই কালবশে
লোকান্তর গমন করিত—হার ! তাদৃশ-
সেনাপতিই বা আর কোথায় পাইব ।”

দ্বাদশ অধ্যায় ।

সেই দিন নিশীথ সময়ে পূর্বেদান্ত বারা-
ঙ্গনা একাকিনী সেতুদ্বারা যমুনা উত্তীর্ণ হইয়া
দক্ষিণাভিমুখে গমন করিতে লাগিল । সেই
দিক্ প্রাচীন দিল্লী, তথায় অনেকানেক ভগ্ন
প্রাসাদ এবং বহৎ বহৎ দেবালয় সকল
অদ্যাপি দৃষ্ট হইয়া থাকে । তৎকালে
একগকার অপেক্ষা আরও অধিক ছিল ।

ঐ স্থানে একটি মনুষ্যরূপে গমনাগমন নাই। কেবল স্থানে স্থানে শৃগালাদি হিংস্র জন্তুরই উপদ্রব আছে। যাহা হউক ঐ স্ত্রী একাকিনী নিঃশঙ্কহৃদয়ে ঐ স্থান দিয়া গমন করত কিয়ৎদূর অন্তরে একটি ভগ্ন দেবালয়ে প্রবেশ করিল। তথায় মহারাষ্ট্রপতি তাহাকে দর্শন করিয়া সম্ভাষণপূরঃসর জিজ্ঞাসা করিলেন—

“সংবাদ কি? অথবা সংবাদই আর কি জিজ্ঞাসা কবি—তুমি একাকিনী আসিয়াছে—তবে আমার সকল যত্নই বিফল হইয়াছে”। বার-নারী উত্তর করিল—“হাঁ মহারাজ! আপনকার চেষ্টা বিফল হইয়াছে বটে, কিন্তু যাহা দেখিয়াছি এবং শুনিয়াছি তাহা মুখে বর্ণন করিয়া আর কি জানাইব, এই পত্র এবং অঙ্গুরীয় গ্রহণ করিয়া সমুদায় অবগত হউন”। শিবজী ব্যস্ত হইয়া গ্রহণ করিলেন এবং সেই অঙ্গুরীয় যে, রোসিনারারই অঙ্গুরীয় তাহা জানিও পারিয়া বাহিলেন—“তবে বাদসাহ-পুত্রীর, মিত্তি ডোমার সন্দর্শন হইয়াছে—তিনি কি বলি-

লেন ? কেমন আছেন ? আমার প্রদত্ত সামগ্রীসকল দেখিয়াই কি চিনিতে পারিয়াছিলেন ? না তোমাকে পরিচয় দিতে হইয়াছিল ? আর তাঁহার আগমনেরই বা কি প্রতিবন্ধক উপস্থিত হইল, সমুদায় একেবারে বল” । স্ত্রী উত্তর করিল “মহারাজ ! সেই বাদসাহ-পুত্রীর ন্যায় উদার-চরিত্রা-কামিনী কখন দেখি নাই শুনি নাই—যাহা ঘটিয়াছে আনুপূর্ব্বক্রমে বর্ণন করিতেছি শ্রবণ করুন” এই বলিয়া বার-বনিতা সমুদায় বর্ণন করিলে শিবজী চমৎকৃত হইলেন, পরে বহুক্ষণ অধোবদনে চিন্তা করিয়া দীর্ঘ নিশ্বাস ত্যাগ করত কহিলেন “রোসিনারা অন্যায় বিবেচনা করিয়াছেন—যদি তাহার নিমিত্ত আমার রাজ্য বিভব সমুদায় যাইত তথাপি আমি সুখী হইতাম—তাদৃশ সহ-ধর্ম্মিণী সমুভিব্যাহারে অরণ্য-বাসেও অসুখ নাই” । ষোল-যোষা কহিল “মহারাজ ! যাহাঁ বলুন কিন্তু বাদসাহ-পুত্রী উচিত করিয়াই করিয়াছেন—এবং তিনি উচিত করিয়াছেন

বলিয়াই তাহার সমুদায় গুণ ‘আপনার অনুভূত হইতেছে’ ! ।

এইরূপ কথোপকথন হইতেছে এবং শিবজী আপনি হুই এক দিন সেই খানেই থাকিয়া রোহসিনাবাকে আনয়নার্থ পুনর্বার যত্ন করিবেন এমত পরামর্শ করিতেছেন, এমত সময়ে শ্রীমান্ রামদাস স্বামী তথায় উপস্থিত হইলেন । তিনি এই ব্যাপারের বিন্দু বিসর্গও জানিতেন না । অতএব ঐ বার-বনিতাকে দেখিয়া তাহার বিশ্বয় বোধ হইল । শিবজী শীঘ্র গাত্রোথান করিয়া তাহার চরণ বন্দন পূর্বক কহিতে লাগিলেন “মহাশয়ের অনুমতি ব্যতিরেকে একটা কপ্পে হস্তার্পণ করিয়াছিলাম, তাহা স্তম্ভিত হয় নাই—আর আপনকার নিকট আমার দোষ গুণ কিছুই অব্যক্ত নাই, অতএব শ্রবণ করুন”— এই বলিয়া মহারাষ্ট্রপতি সংক্ষেপে, রোহসিনার সম্বন্ধীয় তাবদ্ভাস্ত প্রকাশ করিয়া কহিলেন । রামদাস স্বামী তৎশ্রবণে ঈষৎ কেঁপে পৰ্যুক্ত হইয়া বলিলেন—“আমি মহারাষ্ট্রে

ইহার কিছু 'শ্রবণ' কারয়াছিলাম—তথায় কেহ কেহ এমত কথাও কহিত যে, তুমি স্বদেশের স্বাধীনতা সাধনে তাঁদৃশ উৎসাহ-শীল নহ।—অর্থাৎ যদি আরঞ্জের তোমার সহিত সন্ধি করেন তবে তাঁহার মণ্ডলেশ্বর হইতেও তোমার নিতান্ত অনিচ্ছা নাই।—তখন ঐ সকল কথায় আমার তাঁদৃশ বিশ্বাস হয় নাই।—কিন্তু এই ব্যাপার শ্রবণে সেই লোক প্রবাদ নিতান্ত অমূলক বলিয়া বোধ হইতেছে না।—এমত উদার-প্রকৃতি হইয়াও যে, খ্রীলোকের প্রণয়পাশে একান্ত বদ্ধ হইবে, ইহা না দেখিলেই বা কিরূপে বিশ্বাস হইবে।—বাদসাহ পুত্রী যে, স্বয়ং ইচ্ছা করিয়া আসিলেন না ইহাই ক্ষেমঙ্কর করিয়া মানি ”। শিবজী এই সকল কথার কোন প্রত্যুত্তর না করিয়া অধোবদন হইয়া রহিলেন। তখন রামদাস স্বামী ঐ বার-বধূর স্থানে সমুদায় বিবরণ শ্রবণ করিলেন, শ্রবণ করিয়া অতি আশ্চর্য্য বোধ করিয়া কহিলেন “মহারাজ ! আমি অন্মায় করিয়াছি—বাদসাহ-পুত্রীর যে-

রূপ বিবেচনা শুনিলাম, তাহাতে আমারও
অন্তঃকরণে তৎপ্রতি ভক্তির উদয় হইতেছে,
তিনি সামান্য স্ত্রী নহেন এবং তুমি সেই জন্মই
তাঁহার প্রতি প্রণয়বদ্ধ হইয়াছ—আমি তজ্জন্ম
তোমার নিন্দা করিয়া ভাল করি নাই—
যদি অনুমতি হয়, তবে তাঁহার প্রেরিত পুত্রী
পাঠ করিয়া শ্রবণ করাই” । শিল্পী তৎ-
ক্ষণাৎ ঐ পত্র গুরুদেবের হস্তে সমর্পণ করি-
লেন এবং তিনি সেই স্থানে তৎক্ষণাৎ অগ্নি
প্রজ্বালন করিয়া পত্র পাঠ করিতে লাগিলেন।

“ হে মহারাষ্ট্ররাজ !—হে প্রিয়তম !—
আমি কি বলিয়া তোমাকে সম্বোধন করিব—
আর কি বা লিখিব কিছুই নিঃস্বপ্ন করিতে
পারি না।—তুমি আমার মন জান কি না
বলিতে পারি না—কিন্তু আমি তোমার মন
জানি।—অতএব আমি যে জন্ম তোমার সম-
ভিব্যাহারী হইলাম না, তাহা ব্যক্ত করিয়া
কহিলেই বুঝিতে পারিবে এবং আমার প্রতি
অশ্লোক হইবে।—আমি আর অধিক কি কলিব
—তুমিই আমার স্বামী, তাহার চিত্তস্বরূপ

আম্মার হরগঙ্গুরীয় তোমার অঙ্গুরীয়ের সহিত
 বিনিময় করিলাম—অতএব অদ্যাবধি ঐমা-
 দিগের বিবাহ সম্পন্ন হইল।—কিন্তু আমি
 তোমার সমভিব্যাহারিণী হইলে তোমার
 বাস্তবিক আন্তরিক মানস সিদ্ধ হওনের অ-
 নেক প্রতিবন্ধক হইবে—এই ভাবিয়া আমি
 আপনাকে স্বামি-সহবাস স্থখে বঞ্চিত করি-
 লাম—যদি বল, আমাকে লইয়া রাজ্যভ্রম
 হইলেও তুমি দুঃখিত হও না—সে কথাতেও
 আমার অবিশ্বাস নাই—কিন্তু মনে করিয়া
 দেখ, শুদ্ধ রাজা হওয়া মাত্র তোমার মনের
 মানস নহে।—অতএব আমি যেমন নিজ স্বামীর
 ভাবী মনোদুঃখ ভাবিয়া তাঁহার সহবাসে
 আপনাকে বঞ্চিত করিলাম, তেমনি তুমিও
 স্বজাতি-বাৎসল্য প্রযুক্ত নিজ জায়াকে পরি-
 ত্যাগ করিলে। অধিক লিখিবার ক্ষমতা
 নাই—একান্ত অধীনা রোসিনারা ” ।

রামদাস স্বামী এই পত্র পাঠ করিয়া
 চমৎকৃত হইলেন এবং উচ্চৈঃস্বরে কহিলেন,
 “সহ্যরাজ ! ভূমণ্ডলে যে একাদ্য উদার-

চরিতা কামিনী আছে তাহা আমি জানিতাম না—মহারাজ ! যাহারা প্রাণ বিসর্জনে দ্বারা পাতিত্রত্য রক্ষা করেন তাহারাও ইহা ন্যায় পতিপরায়ণা নহেন—মহারাজ ! আমি অনুমতি করিতেছি আপনি ঐ অঙ্গুরীয় গ্রহণ করুন—এবং যদি শাস্ত্র সত্য হয়, তবে পব-জন্মে এই বাদসাহ কণ্ঠাই আপনকার সহ-পশ্চিগা হইবেন ইহার সন্দেহ নাই” ।